


火魔窟



大魔窟



3 0543 6402 5

大魔窟(原名塔中之怪)

日本押川春浪原著

第一回 怪哉此塔

吳江羽男譯述



武田勝雄曰。我自橫濱乘海星丸四千噸之汽船而來。已數日於茲矣。蹴巨濤。蹂荒浪。朝朝暮暮。無日不浮沈於水與天接。浩淼無涯。涖之海洋中。胸襟煩悶。科首斜倚。嘔吐之聲。不絕於耳。覺身魂疲弱。昏昏欲睡。生平勇氣。至此索矣。忽聞汽笛。嗚嗚然。聲浪宏壯。如雄獅之吼。山中未幾。蒸氣機關隆隆。然。推進螺旋。輓輓然。白浪擊船。聲淙淙然。而一等水夫。以測海鉛線。上下不已。高舉右手而呼曰。九尋半矣。！七尋半矣。！諸聲嘈雜。一時交集。蓋此船已投錨於澳洲南端最淒涼最荒寂之黑面島。

我之困於航海。已非一日矣。今有此山高草碧之陸地。觸接於眼簾。心中愉

快如久雨之後。忽覩新晴者。淒涼荒寂。非所計焉。急出甲板。放眼四顧。知是港雖廣。而海星丸以港水淤淺。停泊於距離埠頭場之較遠處。

時當夏夜。晨光熹微。宿鴉點點。遙自海岸森林間飛出。鷄鳴犬吠。聲起鄰近。天空澄淨。如碧琉璃。日光漸昇。晨星漸沒。不轉瞬而流金耀彩之月光。燦然光照於是地之山水。我乃口烟卷。手榔杖。環眺海岸。覺熱帶國之景色。大異故國。南風習習。撲面而來。椰子檳欖赤橘諸樹。鬱鬱葱葱。青翠欲滴。而信天翁與不識名之灰色各鳥。廻翔上下於朝曦中。羽毛滑澤。熠熠耀目。信乎天南風景。若仙府焉。瞻顧良久。意頗自得。

聞此市街。人口三千。戶數七百。遠而望之。塵宇櫛比。且土白。砂白。堤防白。邱陵白。屋白。牆壁白。瓊宮玉宇。一白無際。朝日斜射。更皎然不可逼視。自顧藐躬。反覺形慙穢朽。惴惴然以爲此白玉世界之玷。爲恐又念此皜皜市街。宜

予以清潔之名稱。曷爲以黑面島名。誣哉。此稱。島神有知。亦當叫屈。我當究其始名者之誣罪。而易以美稱。猶思良久。終莫解其理由。適有一二等水手。徐徐自烟筒處大踏步而來。余乃就而問曰。是地彌望皆白。誰誣以黑面島之名。二等水手忽止步。陟視。若深怪余問之。唐突者。忽笑謂余曰。君未曾來此島乎。解腰下之望遠鏡授余曰。若能由此窺。當知黑面島名之非誣。余曰。將於何方窺之。曰。若不見西方有突出海面。斷岩絕壁。峯巒秀削。白烟上噴之火山乎。向彼觀之。當得其真相矣。余乃依其言。從望遠鏡諦視之。余見此山絕頂上。現一不可思議之現象。其質似岩石。非岩石。似積土。非積土。其色黯黑。森然有殺氣。其形殆似亞刺伯物語中所謂妖女之面者。然氣象愁慘。景色幽淒。使人見之。肌膚粟起。乃知此島之名爲黑面。固非無理。因又問曰。彼突然而隆起者。果何物耶。二等水手曰。是名黑面塔。名高於世界。

者也。此島之名爲黑面島者。亦沿其名耳。余瞿然驚曰。怪哉此塔。其果爲黑面塔乎。

余猛憶在本國時。瀏覽小說。知世界上有名黑面塔者。謂昔有島王某。暴惡無道。其遇敵國捕虜。及不順己意之臣下。慘酷無人理。又費無量星霜。無量勞力。以經營一魔窟。爲人世間無二之地獄。凡王所憎惡之人。悉投之魔窟。俾受種種無量之苦惱。天壤雖寬大。而魔窟之中。獨形踴躍。逸之無門。死之無術。朝笞夕箠。肉血橫飛。至僅存骸骨。棄之塔外。胥隨此不情之海水。以去。幽囚窟中。吞恨而沒世者。何啻千百。世俗因此相傳此魔窟。一至陰雨。鬼哭啾啾。數千年求。無一人敢探檢其內部者。噫。昔以爲耳食之談。不足據信。今何幸親接諸目前乎。怪哉此塔。其殆卽所謂黑面塔乎。思至此而好奇之心。蠢蠢活動矣。

余一好奇男也。今之不苦航海遠來此地球之極端者，亦以好奇心勝。冀得發一世界之奇事耳。回憶當年島王經營魔窟之歷史，實足懼。然既目覩此塔，雅欲單身走入，徧探內部，豈非快事。雖莓苔上壁，蓬蒿沒徑，亦所弗顧。因復問二等水手曰：若來此島者數矣，曾一闕此黑面塔之中部乎？曰：若言何輕率，乃爾。彼塔之中部，幽負遼闊，不可具狀。前之入塔探險者，無一人骸骨生還。至於近時，語至此，忽色變聲顫曰：鬼魅出沒，每晚必見。居人咸以爲戒。余嗤之以鼻，曰：有鬼魅乎？曰：然。

余念二十世紀爲世界文明之中心點，科學發明殆無餘蘊，所以盜賊惡獸離奇，皆有獨鬼魅。一說置諸弗道，駭監嶷童，咸知其妄。彼長於航海之水手，何獨惑此誕妄乎？宜正襟高論以辨其非，然彼固不學無術者流，無稽之言，反以爲實。於此上陸片時，安能口角飛沫，發大議論乎？况我來此島爲訪友

人長岡武太郎耳。今果能達我目的。獲其效果。當俟有暇晷。深探黑面島之大魔窟。以一破世俗之迷。奚爲此時向彼斷斷者。遂不復與二等水手辨。彼亦於此時舍我去。

時明星盡沒。杲杲朝暉。漸高出地平綫上。遠望市街。居民盡起。而旅店渡船亦次第離埠頭場。高呼店名。爭向海星丸而來。余竚立舷門。將於此渡船中。求其所聞之澳洲薄鐵爾者。蓋渡船中之最穩者也。未幾。果見羣舟中有一白色澳洲薄鐵爾。小旗招颺。隨風而來。余乃招之。泊近舷梯處。縱身一躍。乘此薄鐵爾以去。

第二回 倫敦之警電

余曷爲來此淒涼荒寂之窮島乎。又曷爲訪長岡武太郎乎。彼長岡武太郎又曷爲來。

距今數年前之秋。英京倫敦偵探部內發一長電。以警告全世界各國。各國之人爭笑其妄。謂何物好事。爲此海市蜃樓之說。以愚二十世紀之耳目乎。然信者亦踵相接。

其警告曰。今地球表面上。有一不可思議之海島。其在某洲某洋。均不得知。惟知在距離文明中心點之極遠處。島之廣袤亦不小。其南岸暖潮奔流。地勢平坦。草木葱蘢。一碧無際。乳牛小羊偃臥草間。臨河一帶網罟而漁者。前後相望。數家臨水自成村落。此島物產。上自象牙琥珀駝鳥毛海綿眞珠等之製造品。下至椰子橄欖油鴉片杜松子酒等之飲食品。產額既多。貿易亦盛。其北岸則氣候寒。土地瘠。山則童禿。惟見突兀之岩石。與火山石。高插烟霄。狀若擎臂。海則怒濤逆卷。衝激島根。若有無數珠玉屑。噴薄直上。所以南岸人烟輻湊。北岸居民寥寂。南岸如春花之燦爛。北岸似秋樹之蕭瑟。南北

大 魔 窟

相較。幾若幽明數百年來。北岸遂爲人跡滅絕。終古荒涼之一大恐怖境。此時忽有怪物九人。出沒於北岸。其生於何地。來於何時。杳不可考。其骨相獍猛醜惡。如羅刹國中之夜叉然者。其智覺非常銳敏。具有一種萬夫莫當之魔力。其生活爲海賊。鄰近之海岸無論矣。卽遠至支那及歐非兩州之沿海。常恃有偉大之勇力。與變幻莫測之魔術。乘船出掠。或燒漁村。或沈貨船。剽竊金銀財寶。而歸此島中之魔窟。故此九人與常人絕異。達爾文進化論所謂拂拂進化時所生之人類。猶未純全爲人。而具半人半獸之性質。噫。此九人儻其類歟。

此九人更有一種牢不可破。奇突莫匹之迷信。謂世界上有力強已等數百倍之魔神。曰海王。身高丈餘。半獅半虎。凡人間海賊。悉統轄於海王。海賊之一動一靜。海王皆臨乎其上。以監察之。海賊奉之維謹。事事不敢觸神怒。且

謂得藉劫掠以爲生活者皆浴海王之澤耳。每歲則限以某月某日祭之。先九人必訪求世界第一之美婦人。施魔術以劫奪之。祭則昇美婦人於斷岩絕壁之島頂。下投諸海。獻諸海王以爲犧牲。年一舉。誓不敢廢。

邇來英法諸國中之蜂腰鼓。乳色界翹楚。爲九魔賊所勾攝。淪入於茫茫海洋中。爲魔賊之祭品者。亦指不勝屈矣。蓋此九人具有勇力。並可恐可怖之魔術。其現也如雲。其滅也如風。凡嬌豔天生之美婦人。一入其目。雖有金城鐵壁。爲之保障。無不操券立得。噫。世界上有此大惡魔。誰不爲之忡忡者。幸天網恢恢。我偵探部得發見此秘密之端倪。以警告全世界。全世界其慎之。全世界之美婦人。其慎之。全世界之擁有美婦人者。其慎之。

此電告一傳。全球驚愕。智者笑之。愚者信焉。笑之者曰。事固甚奇。惟當置諸神話時代。則可否則圓圓地球。安有此島。安有此九大惡魔。彼偵探者誠好

事哉。信之者曰。事雖甚奇。然出自文明國都之偵探部。決不虛誣。否則爲此捕風捉影之談。以炫全球之聞見。意欲何居。於是一傳十。十傳百。遠近喧告。人心騷然。彼生有美人之父母。及稍有姿色之女流。聞之無不色變。秋風驟起。颯颯振窓障。卽一時驚號曰。魔賊其來乎。吾知此女不保矣。夜半秋雁嘹唳。響徹天空。則又譁然羣起曰。魔賊其來乎。吾必力保之。與彼格。恟恟騷擾。末可禁抑。時余方與二三同學。縱論此事。狂笑而顧友人曰。吾與若當爲美人裝。冀中魔賊之選。任其勾攝。以一探其秘奧。友人曰。若之容色黧黑。當不獲選。天下多美婦人。寧肯以若輩之鬼殺男。而濫竿充數哉。詎知事難逆料。竟有一意外之大波瀾。中於吾儕身上者。吾與親友長岡武太郎。先後離故國。而遠來此澳洲南端。淒涼荒寂之魔島者。蓋爲此也。

第三回 美人雪子

余一帝國大學之法律學生也。終歲深居斗室。研究德意志民法及法理學等。然生性喜動。酷嗜擊球競走。漕劍術柔道等運動諸戲。雅不欲蝸藏一室。愁悶殺人。一有暇晷。輒出爲運動之戲。春則看花逐兔。夏則避暑而探險海島。一至秋日。踏明月。肩火槍。出沒山中。以獵羣獸。至冬日則興更豪矣。雪花亂落如掌。黏人衣袂。余著皮履。披外套。蹴踏雪中。往還於木曾山。碓冰嶺間。以與野豬野狼格。我之名爲勝雄者。蓋謂無鐵砲而勝之英雄也。故人稱我曰武田無鐵勝。且帝國大學無宏大之寄宿舍。其左近又無適當之旅館。部屋低狹。食物惡劣。且使役下婢。囚首垢面。時來狎戲。握手接吻。無所不至。甚則書籍投地。彼之惡作劇亦甚矣哉。我等清淨潔白之學生。其何以堪。余自數年前。卽寓於舊藩主水島伯爵家。伯爵故外部大臣也。性恬退。浮沈宦途。頗不自適。乃辭職歸。構一別墅於大森海濱。亭閣樓臺。錯落有致。廁身

其間如在畫圖中遊。伯爵放懷風月。將於此終老焉。且是處距大學僅四五里。余日乘自轉車以往還。朝眺明星。夕望落霞。其勝於往時之旅館者。寧可計耶。

伯爵有一豔娘。年十三。長身玉立。肌膚瑩潔如雪。故名曰雪子。寡言笑。莊重不佻。一望而知爲華族。且丰姿綽約。嬌冶欲滴。恐僭大亞東無能匹。其美者雪子早喪母。鞠育之責。父伯爵兼任之。伯爵愛之益如掌中珠。而雪子之事伯爵。亦相依相愛如慈母。

余在伯爵家。爲雪子友。亦爲其師。蓋雪子自幼卽喜出遊。余輒伴之。或往海濱。俛拾貝殼。美澤可鑑。或游松林。追兔逐犬。怒馬驅馳。不屑落人後。常回顧余曰。惜吾非男兒。否則寧肯告倦耶。言時兩頰盡頰。嬌汗微流。而氣象活潑。酷似伯爵。風至每晚七時間。余教以英語數學。雪子恒以爲苦。對書凝視。若

不了。見小蠅飛來。舉手撲之。喜極欲狂。至習數學時。則左右迴顧。審視其伯母之小影。而數學之理論。若未入耳者。故晝必出遊。不則意致爽然。伏書酣睡。斯時之憨態。有如其可掬者。

越一年。雪子益婉約流媚。指纖細如葱。兩目如一泓秋水。每出時。人咸以天女目之。雪子美名。由是益震。且稚態稍減。不似前之手撲青蠅。目注伯母小影者。英語頗嫻習。數學亦殊優美。又好法語和歌及洋琴。花辰月夕。輒彈琴歌曲。音韻嚦嚦。殆若鶯鳴。鳥語。雪子具此美質。深得父伯爵之愛憐。而處此平和無事之家庭。閨中豔福。至斯而極。

今三禮拜前之某日。清晨六時。余如例起身。赴大學。自前廊至正門。有一坂道。迂曲而長。中鋪砂礫。光彩奇麗。兩側碧草如鬪。翠色可餐。花園風格。不亞西洋。四時之花不絕。爭香鬥豔。心幾欲醉。余以坂道砂礫高下。恐妨車輪。自

携自轉車徒步而出。將及正門。忽見右側有二人影。隱現於花叢間。諦視之。蓋一則儼若天女之雪子。一則其侍女阿梅也。

雪子知此時櫻花雖散。朝顏（卽牽牛花）正開。因於朝露未晞時。偕阿梅共來此園。賞玩朝顏之姿。且指且語曰。若者紫幽雅可人。若者紅鮮豔莫偶。聞余輪音。卽搖手招余曰。武田君若赴校乎。然爲時尙早。盍來共玩此朝顏花。余自懷中出時表。見已過六時。乃辭曰。時已六時二十分矣。急欲赴校。不及與姑娘共玩也。且姑娘今日起。何獨早乃爾。雪子忽靦然不樂。顰蹙良久。乃曰。朝顏轉瞬。卽萎。故乘此時來玩之耳。余笑曰。姑娘眞惜花人哉。朝顏何幸得姑娘青睞也。雪子益靦然。急走二三步。來余前曰。若母言然。昨夜得一惡夢。見有魔神攫余去。余驚覺後。肺葉相擊。至今猶驚悸不能定。故出玩朝顏。冀散愁悶。然仍芥蒂胸中不能忘。武田君。吾其有意外之虞乎。若爲我一判。

之語既。臉斗變。目定唇白。余乃進而握其手曰。姑娘母恐。姑娘處此平和無事之家庭。寧有變故。胡爲泥此顛倒之夢想。令擾清神乎。雪子聞之色稍霽。謂余曰。若不喜玩朝顏乎。不則紅紫芳菲。大可娛目。奚用是汲汲爲。余曰。然且時已促。待晚歸時。當伴姑娘來玩也。雪子笑曰。若猶未省其爲朝顏乎。待若歸。朝顏已凋久矣。余自知失言。然猶強爲辨曰。朝顏雖凋。余寧不能使之復開乎。乃相大笑而別。余亦步出正門。乘自轉車而揚長以去。

余正出門。見雪子依依目送。余呼余曰。若宜早歸。毋曠我課程。余諾之。及登車。雪子與阿梅絮絮私語。忽發劇笑聲。余行一町。回顧。猶見主婢二人。癡立門外。跋而望余之車塵者。回首前塵。覺雪子之態度與其訾歎。猶歷歷然如在目前。

第四回 長岡大偵探

大

魔

窟

余在校中學課。自午前八時至十二時。日僅四五時。放校後。思即歸家。以授雪子課。然時當夏初。落花点点如蛺蝶。隨風舞下。柔條嫩綠。点缀森林。翩翩者。鳶飛颺空中。數縷荇藻蕩漾。溪流麥魚。唼其中鱗。可數。俯仰瞻顧。意願自得。乃偕二三健兒。相爲蹴鞠之戲。一片廣場。往來爭球。以奔趨者。幾忘生命。閱一時。余謂藩爾（即球）不足適吾興。蓋往墨江競漕焉。衆皆曰善。墨江者。競漕之集會處也。數日前。櫻花盛開。遊人如織。與吾同嗜競漕者。亦往來雜沓。故至今日。競漕之艇。停泊江干者。猶以數十計。赤旗白旗。風中招颺。且有以楸欖葉爲徽章者。認其標識。有若商業學校。有若學習院。有若開成城北錦城郁文等中學校。有若日本銀行。有若郵船會社。高田商會。自竹屋渡場邊。至白髻森蔭落之上流。中間如浴水之鳥。点点浮泛於水面。蓋競漕之艇。咸泊於此。

余一至墨江。急自艇庫操一艇名布引者來。鼓棹前進。艇行之速。若箭離弦。羣艇皆瞠乎其後。且日朗風涼。景色清爽。啟水門。試力漕。直至千注之大橋邊而止。思欲迴漕。則因四五日前。余賭柔道之勝負。右腕稍挫。力恐不逮。然豪興正復不淺。未幾。卽迴漕。往還數四。猶未告倦。逾時。夕陽西下。天半之雲。斜映殘照。赤如火。水面艇數。仍不少減。余此時樂極忘歸。凡校中之事。及雪子之課。與其別時之狀。俱不厝意。方欲由此直渡鳥松。以盡餘興。議既定。權將發矣。忽見墨江下流。吾妻橋上。有一人騎一駿馬。鐵蹄得得。直指此方而來。其急迫之狀。若以馬蹄疾走。猶嫌其遲者。余亦不以爲意。其人馳至艇庫邊。卽躍馬下。往來江干。見余在江心泛棹。大聲急呼曰。武田君。武田君。來。速來。余聞有呼己名者。卽回眺江岸。相距過遠。莫辨誰何。乃急纜舟登岸。細審其人。若爲水島伯爵家之家僕者。胸卽悸動。不暇置問。還顧其馬。蒸蒸汗下。

如龍涎。鼻息吁吁。白若飛雪之微沫。徐徐自口角流出。蓋卽伯爵秘藏之逸品也。彼挾千里一瞬之勢。自大森海岸。疾驅而來之瘡苦。有躍然其可見者。家僕平時。本極沈默。今面色慘白。無生氣。舉止亦殊狼狽。頓易常度。見余上陸。卽走近余前。息喘聲顫而言曰。武田君。若知起一大變乎。若知此一大變。卽起於伯爵家乎。余驟聞之。頗驚愕。心突突搖動。若擺綫體之無靜止者。曰。余聞若言實蹟。伯爵家果起何事。令若驚惶無措。乃爾家僕曰。若知雪子愛娘。爲家主伯爵鍾愛者乎。今此變端。卽中此雪子愛娘身上。語至此。臉青眉蹙。如憂如怖。氣更喘不能抑。急理馬轡。囑余曰。我甚迫。恐不及伴若歸。乞若速歸。以慰伯爵望。不爾。伯爵心腸。殆欲碎矣。言既。卽縱身登馬背。蹇然一鞭而馬遂若追風逐電而去。

噫。人事洵不可測哉。余念今晨雪子對花含笑。冶容絕世。曾越幾小時。陡起。

一。大。變。然。家。僕。之。言。殊。不。了。了。病。耶。死。耶。抑。應。此。今。晨。所。言。之。夢。中。讖。兆。耶。悶。葫。蘆。未。從。打。破。惟。於。雪。子。身。上。必。蒙。莫。大。之。不。利。益。則。可。預。決。而。知。雖。然。伯。爵。耄。矣。生。平。鍾。愛。止。雪。子。一。人。若。有。不。測。伯。爵。不。將。大。傷。老。懷。耶。余。思。至。此。深。悔。今。日。競。漕。誠。爲。多。事。否。則。自。校。歸。家。爲。時。尙。早。即。有。變。故。猝。起。庸。詎。不。能。補。救。耶。乃。急。至。艇。庫。整。衣。服。乘。自。轉。車。兩。足。力。旋。自。覺。行。猶。不。快。然。須。臾。已。至。別。墅。門。前。而。家。僕。之。馬。方。停。蹄。鞍。轡。猶。未。下。別。有。雙。馬。車。一。停。於。門。外。其。馬。嘶。聲。不。已。余。急。下。自。轉。車。曳。之。入。門。見。朝。顏。已。萎。悽。其。帶。憤。若。如。余。之。深。憂。雪。子。者。至。前。廊。見。伯。爵。族。人。散。坐。於。客。舍。與。其。次。室。絮。絮。相。私。語。面。咸。含。有。恐。怖。色。余。四。圍。瞻。望。自。語。曰。伯。爵。曷。在。伯。爵。曷。在。時。適。有。一。僕。工。儻。儻。垂。首。自。彼。方。來。余。問。以。伯。爵。所。在。彼。謂。殿。下。在。後。密。室。間。余。卽。經。長。廊。至。密。室。前。音。響。幽。靜。悄。然。若。無。人。者。余。急。步。入。見。伯。爵。背。南。牕。坐。與。一。少。年。紳。

士窃窃私語。少年爲誰。余之親友長岡武太郎也。

長岡武太郎。探偵術之名家也。時而老。時而幼。時而用財如糞土。爲金滿家兒。時而瘠容骨立。爲寒族簞子。時而窃窈美人。時而醜陋悍婦。變化之妙。幾於化工。人莫測其眞。且強於腕力。足敵數十人。劍術柔道。亦並稱長。兼之化學。尤所專門。而又神經銳敏。耳目聰明。凡偵探家所必要者。長岡氏無不備之。所以如何強敵。如何奇案。一經渠手。鮮有失敗。世之譽爲天下無雙者。豈過情哉。善者敬之如神明。惡者怖之若天魔。吾知全世界之偵探社會。無有出其右者。今伯爵與渠。爲此密語於密室間者。豈雪子愛娘之事實。有不可思議者乎。

余此時突然入。肺葉相擊作響。伯爵聞余足音。偶回顧。憂愁恐怖之色。交呈於面。睫間含淚。有聲無力。而謂余曰。武田君。今始歸乎。余曰。頃聞家僕言。事

略。悉。惟。不。知。究。是。何。事。者。曰。雪。子。踪。跡。忽。失。所。在。意。爲。惡。魔。勾。攝。而。去。矣。余。驚。愕。良。久。曰。惡。是。何。言。歟。何。物。惡。魔。得。勾。攝。此。雪。子。愛。娘。者。奇。絕。矣。請。爲。我。語。其。詳。伯。爵。更。悲。不。自。勝。歔。然。流。涕。曰。我。爲。此。事。心。已。碎。矣。一。道。及。雪。子。名。輒。悲。慟。欲。絕。安。忍。詳。語。君。聞。哉。欲。知。此。事。之。委。細。君。其。問。諸。長。岡。氏。余。乃。不。敢。復。問。幸。長。岡。氏。爲。我。親。友。一。聞。伯。爵。言。卽。曰。茲。事。鶻。突。余。滋。怪。焉。雅。願。一。述。君。聞。君。其。坐。此。以。聽。余。畢。其。說。余。曰。諾。

第五回 生人石像

長岡氏曰。雪子愛娘。今晨赴花園玩朝顏歸後。惜花心事。正無聊賴。廢日課。寂居寡歡。讀法蘭西悲哀小說。湏臾亦廢書。嘆顰蹙。不自安。過正午少頃。心忽躍躍動。欲出門散步。家中婢僕等。見其舉止。倥傯若喪魂魄。乃諫以海濱風冷。無利於身。雪子此時。若有無數魔物。引誘於其前。不從婢僕輩之言。遂

大

魔

窟

衣常服。侍女阿梅一人伴之。悄然出門去。時伯爵猶未知。過一時不歸。及過二時仍不歸。家中諸人騷然矣。然猶冀其或歸。不令伯爵知。恐傷渠老懷也。未幾而三時。而四時。仍杳然。家中人始大驚。謂雪子果何往。竟一去而不復返矣。不得已。白伯爵。伯爵如青天白日中。突聞霹靂。驚疑之狀。不可言喻。立遣偵者四出。尋聲覓影。無所獲。於是全家更騷然。四人一隊。五人一隊。陸續遣出。忽於距此大森里許。有名曰松原者。人家寥寂之海岸也。見侍女阿梅之身。忽變爲大理石像。色青白相間。右手指天空。屹立於巨大之岩石上。其側有紅絹布。與紺色鞋紐之木屐。蓋卽雪子物也。邏者乃進而問曰。愛娘何在。若伴愛娘果何往。阿梅似中於催眠術者。感覺全失。身亦不稍動。邏者爭喚其名。頭乃稍昂。淚亦如繩而下。高舉之右手。僅於空中描環。聲細如絲。幾不可辨。細聆之。則似曰。黑面。黑面。愛娘已歸天矣。邏者聞之。瞠目相視。

羣莫解其情

時余聞之。亦至松原。審之。果確爲愛娘侍女也。軀幹全似大理石所築成。無生人血色。乃亦就而問之。則亦曰黑面。黑面。愛娘已歸天矣。語音之細。殆若蠅鳴。余見此茫不解其術。思索良久。意此殆所謂夢中生活之魔術者歟。若果爲此魔術。而全失知覺。則三日以後。其夢必醒。至醒而壯健之體。仍復舊觀。又念此夢中生活之魔術。恐區區日本。無一能知其術者。然則今之施此魔術。阿梅化身。雪子被攝。亦決非日本人所爲。亦非等閒之兇賊。武田君。此實前代未有之一大事變。若有所見解乎。

長岡氏語至此。斜目視伯爵。見伯爵淚奪眶出。淋浪襟際。長岡氏乃復向余言曰。以余觀之。展此手段。以奪雪子去者。非橫行亞非利加業賣買人身之惡商人。卽出沒印度洋與澳大利亞沿海業搶掠之猙獰魔賊。侍女阿梅。由

大

魔

窟

魔術作用。血肉之軀。變爲石像。無生無死。若睡若醒。右手高擎。描環空中。而發黑面。黑面。等之嚙語。雖屬虛誕。不可信。然未始不可藉此。以得端倪。意者。惡奴出現於海。而攝雪子於彼方乎。

余聞長岡言。不覺一縷悲憤。來襲余心。復問之曰。然則雪子果歸於天乎。雪子不幸。被此惡奴勾攝。以去。果吞聲飲恨而死乎。哀哉。雪子長岡氏急搖首。以遮余言曰。否。否。雪子無事。僕可預言。此僕由經驗而決其必然者。蓋彼惡奴。用此術以奪愛娘。是何目的。僕固不審。然不謀害其身。則可預揣而得。卽有不利雪子。亦當在一旬外矣。遂振腕言曰。僕於偵探術。固不甚精。然雪子此事。僕能任之。今日非六月十五日乎。若一月以內。不能追回雪子者。僕誓不復爲偵探。彼惡奴爲翔天之魔神乎。僕當升天以求之。爲潛地之妖髡乎。僕當入地以跡之。天壤雖大。萬不使惡奴逸出。武田君其拭目以觀。語畢。復

睨視伯爵。見幽愁之中。含有一分喜色。正如宿雨新霽。黑雲撥墨。而一片陽光。自不可掩。

時伯爵族人。聞此變故。羣來問訊。伯爵以酬應若輩。舍余他出。石像之侍女阿梅。亦於此時。爲邏索者昇歸部屋。長岡氏欲復覘其變。令余導之往。至部屋。見阿梅身幹。果如寺院中所列之大理石像。仰臥床上。色慘白。頰額尤甚。無生人血色。目睜睜定視。惟光猶炯炯。絕不類死者。唇微動。如魚在水中之喞。細聆其聲。細於絲。仍似曰黑面。黑面。愛娘已歸於天矣。是何魔術。令彼娟秀美麗之阿梅。咻咻昏睡。若死人者。余乃以掌加阿梅額。寒冷如冰。其冰冷之底。僅有一點溫血。策策跳動。余頗驚愕。回顧長岡。長岡注視阿梅。軀悄然有所思。若計探偵之從何着手者。余曰。是果所謂夢中生活乎。長岡氏點首。默不語。既而復撫阿梅手。拊阿梅足。周圍四顧。眉蹙然有難色。余問

曰。是果難偵者乎。長岡曰。然。僕已有誓。無論如何。當救雪子。以摘發此魔術。君能助我乎。余曰。可。余固不明是術者。然哀我雪子。陷此魔術。救之。情切。亦不遑顧。已材之能。與否。而輕許。以可也。長岡氏辭去。余亦就寢。

第六回 海濱之足跡

是夜。伯爵家內外寂靜。不似日間之騷動。然諸人以此變故。心咸躍躍不成寐。伯爵念一生運命。亦何舛哉。彼何仇於我。竟來奪我雪子。雪子不歸。余亦已矣。然長岡大探偵。不有誓言乎。彼操術甚精。名滿宇宙。諒不欺我也。忽喜。忽懼。一刻萬變。余亦念雪子。此時曾亦念我與伯爵。惶怖萬狀。而飛還故鄉者。雪子苟不歸。則吾與若。今晨園中一睹。不可復見。而鞞鞞。顏長爲紀念物矣。其餘婢僕輩。亦深詫此魔術。覺屹立之石像。縣諸心目間。悒悒焉而不復入睡。人各一念。無非驚魔術之神奇。而逆揣日後之結果者。亦無庸浪費。

窟

魔

大

筆墨以贅述焉。

大探偵長岡氏。時亦爲此事。奔走四方。席不暇煖。先裝一英國老水夫。往返於橫濱埠頭場。探索久之。無所獲。又爲印度黑奴。售販南洋物產。出入於不正之商會。又爲法國粧束華麗之貴婦人。投宿其居留地之旅館。神龍天嬌。西爪東鱗。長岡氏之偵探。亦多術矣。然仍無所獲。長岡氏爲之喑然。

逾數日。長岡氏又赴松原。精驗其濱海砂礫。見雪子所遺之絹布。疊爲三角形。嗅之味稍腥。其木屐所在處。與阿梅屹立處。相距百餘武。此或隨潮流以去。未可知也。予于海濱。無所表見。正惆悵間。忽見砂際有一足跡。長短不類人形。酷似獸迹。然前後相距。無復有此跡形。噫。殆卽爲惡魔跡乎。凝思良久。恍然若有得。乃馳歸大森。余與伯爵出迎。伯爵問曰。雪子消息何若。長岡氏曰。未也。伯爵卽啞噎。淚簌簌下墮。長岡氏乃又曰。伯爵毋恐。吾已有誓。況端

大

魔

窟

倪略得。正好往探此魔窟。乃謂余曰。若記數年前倫敦偵探部之大警電乎。余曰。有之。長岡氏乃以砂際足跡告。且曰。雪子之美。世界莫與倫匹。不審九魔賊何術得見。奪去之以爲魔神之犧牲。余驚曰。如若言。則雪子將爲九魔賊自斷崖千丈之絕頂下投。諸深不可測之魔海。傷哉。雪子運命之危。直風中燭耳。且若曷審其魔窟所在。長岡氏曰。子所慮良是。曩余見倫敦電告後。卽究心其魔窟。後聞澳洲南端。有名黑面島者。世界上未開化之地也。數百年來無人跡。西北海岸荒涼尤甚。與警電所言。若合符節。余今故欲乘赴澳洲之汽船。以往探此魔窟。武田君。余苟有所獲。則不獨雪子生命無所害。而一生之榮譽。亦將益轟。

余聞之心躍然動。曰。吾與若同行可乎。伯爵急止我曰。若母言然。雪子一去。生死不可知。若往。吾益憂矣。若慎毋發此冒險思想。以攬余老懷。余曰。余雖

不武。然同往或足助長岡氏一二。右手挾雪子。左手鬥魔賊。是亦快事。余計已決。願伯爵毋復阻我。長岡氏曰。若能助我。我感甚。雖然。若亦未之思耳。是等魔賊。決非尋常敵手。余爲職業所在。決死以往。若奈何亦以前途貴重之身軀。爲孤注之一擲乎。余曰。苟能深入魔窟。奪還雪子。殲除魔賊。俾世界之災害。永不復現。一生榮譽。孰有過於是者。敵手愈強。愈顯我過人膂力。乃攘臂擊桌曰。此臂雖弱。寧肯下人。余計已決。請勿阻我。伯爵與長岡氏二人不得已。始允我請。

余一帝國大學之學生也。今既欲逐長岡氏之後。而爲大冒險之偵探。雅願卽日馳至彼島。以搜魔賊窟。然校中暑假之期。不逾十日。例有攷試。寧肯規避。又以雪子運命。朝不保夕。奚可令長岡氏久待。乃與長岡氏約。渠先往。若有緩急。卽當電告。長岡氏乃先往。余之雄心。乃暫按。而專候校中試驗事。

大

魔

窟

越數日。長岡氏來一電。曰賊果在是島。而雪子幸猶安然無事。君遲至七月十日。必來是島。南岸之端。見有澳洲薄鐵爾之渡船。即僕迎君之船。余見之喜極欲狂。淒涼窮島。若在目前。大理石像之侍女阿梅。亦果如長岡氏所言。夢中生活。至是漸醒。叩其所見。渺如隔世。凡愛娘被奪。己身化石。及黑面：黑面：之嚙語。亦略無所覺。於是無意識者聞之。咸以爲異。彼此闕傳。羣引頸以觀結果。余亦不及待。校中暑假。卽於七月三日。乘汽船海星丸發橫濱。而航行一禮拜之海程。

此余所以遠辭故國來此荒島。其目的悉如右所述。余既至黑面島。屹立舢梯。殷殷向埠頭場望。以尋長岡氏來迎之澳洲薄鐵爾者。斯時渡船麕集。爭呼旅館名以招待旅客。遠望有一白質黃文之澳洲薄鐵爾。小旗高颺。逐諸渡船之後而來。余子然一身。了無行李。至船距舢梯相近時。縱身一躍。渡船

卽離海星丸而去。

第七回 黑面人

澳洲薄鐵爾一名獨木舟。南洋渡船中最普通者也。船頭有一人。係十著體幹。胖壯。肌膚黝黑。類於銅。眼小而顴高。鼻端突起。髮黑且蜷縮。髯亦如之。瞥見余。若舊相識。不發一語。逕向前途導而往。余見黑人大駭。幾欲委而去。以生平所見。猙醜之人。無若此者。

余念世界寥闊。孰知有此恐怖之境者。彼皚皚如雪者。海岸也。困困盤盤。黝黑如妖女。顏聳然高齶。天半者。魔塔也。境既若彼之幽絕。而人又醜惡若此。吾濟活劇。不省演得成未。又念雪子與長岡氏。素不諳此島風土。不審其安否。且雪子猝遭禍變。陷此魔窟。果亦如阿梅之夢中生活則已。不爾。則回首故國。地角天涯。傷哉薄命女。竟不得終伴老父。憂傷哭泣。勢所不免。余不審

大

魔

窟

其嬌冶之顏。又銷瘦幾許。長岡氏曾得見否。彼於偵探術固高明。然入此魔窟。正非易易。惟吾不忍見雪子。以如此才貌。陷此魔窟。以終局雪子。不歸吾寧。決死與魔賊角。此時思潮萬變。起落千丈。遠眺海岸。恨不卽刻晤長岡氏。以所值之現狀。詔余。

時薄鐵爾距海星丸之本船程已遠。而距埠頭場之程亦不近。余心突然驚。蓋海星丸距埠頭場。僅一直航線耳。而此穉醜之黑人。反轉向西北進。張目一望。隻不見人。屋宇埠場。不接於目。惟見峻嶒岩石。峭立如劍。而怒濤澎湃。更甚於前。薄鐵爾一葦。直如一莖海藻。隨波上下。海岸一綫。橫巨舩頭。望之森然。有陰氣。余驚悸不能下。急厲聲問曰。若曷爲向是方行。黑人耳若重聽。無答辭。仍鼓櫂前進。余又大聲曰。若曷爲向是方行。黑人微笑不答。余益恐。怖思此。黑人是何居心。乃進茲幽寂之海岸者。若殆欲殺害我耳。然人薄我。

寧我薄人。奮然起立。將伸腕一擊。以投諸海。俾爲藻屑。無我害。然又念天下萬事。失之急躁者。十居八九。蠢爾黑人。未必遽懷害我。且若來迎我。長岡氏實使令之。況我手鎗。具在腰下。卽有緩急。擊而斃之。良未爲晚。恐怖之心。起而復落。乃默然坐下。薄鐵爾益向前進。回顧海星丸。已不見微影。而有人家有埠頭場之海岸。亦距離已遠。望之僅一微点。

船環一巨岬行。此岬形屈曲。而水益湍悍。奇形岩石。屹立兩側。薄鐵爾由此中行。奔流所激。勢如飛箭離弦。稍一不慎。觸之立成齏粉。余不覺悚然。然黑人持櫂。游行自在。毫不以爲恐。未幾。遂艤舟於岬之一端。

是處三面濱海。一面倚絕壁。其岩石之形。如兩婦人相抱接吻而來者。下有一洞窟。甚巨大。中多砂。色澤甚綺麗。砂上映有足跡。三三兩兩。噫。不審何人。亦曾留爪。是處者。

窟 魔 大

薄鐵爾既泊定。船主黑人。縱身一躍至海岸。立洞窟左近。魔手招余上。余夙稱膽壯者。履巉岩。披蒙茸。登臨險地。數習不鮮。然今一至幽絕處。目覩怪石之矗立。洞窟之巨大。一生豪氣。消蝕盡矣。強爲支撐。鼓力躍下。足疲石滑。絕少粘合力。塌然一響。倒身於岩。與岩接續之間。黑顏之船主。急伸猿臂。挾余而上。曰。武田勝雄。君何力弱。乃爾。余聞此一聲。大愕。思此黑面人。必有不利於我者。乃自腰間出手槍。以擬視彼。彼乃嘻嘻笑曰。武田君。若猶未審我顏乎。又自指其黑面曰。是乃公。若未識乃公乎。余曰。乃公果爲誰。彼曰。余卽業偵探之長岡武太郎。余至此驚喜過望。不覺失聲曰。若果長岡武太郎乎。奇絕怪絕。蓋長岡氏變相之妙。得未曾有。余夙拜伏。然或爲田舍翁。或爲金滿兒。又或爲美女。郎從未有現此猙獠可怖之黑面人。况長岡氏一威儀凜然之美丈夫。變此醜相。殊格格不相入。蓋此船主色若黑銅。鼻若獅子。眼圓唇

厚。種。種。奇。怪。之。風。格。無。稍。近。其。真。面。者。端。詳。審。視。睜。目。不。語。長。岡。氏。乃。復。笑。曰。武。田。君。若。猶。不。信。余。顏。乎。乃。一。撫。其。黑。面。假。面。去。而。真。面。顯。矣。余。見。之。大。驚。曰。奇。哉。此。相。若。果。如。何。而。得。此。長。岡。氏。乃。大。聲。發。噓。進。握。余。手。曰。武。田。勝。雄。君。余。聞。此。語。若。電。氣。達。體。周。身。脉。絡。策。策。動。

余。念。長。岡。氏。風。致。洒。落。之。好。紳。士。也。今。變。爲。黑。醜。之。船。主。來。迎。余。是。誠。何。心。哉。且。余。乘。汽。船。而。來。此。亦。憊。極。矣。乃。不。伴。余。至。安。適。之。旅。館。而。導。余。來。巨。大。之。洞。窟。又。何。爲。者。此。次。事。件。其。果。如。手。持。花。刺。在。在。棘。手。乎。美。人。雪。子。之。運。命。果。爲。風。中。燭。火。乎。余。此。時。如。夢。如。醉。身。殆。墮。於。五。里。霧。中。乃。向。長。岡。氏。問。曰。大。探。偵。雪。子。生。死。若。知。之。乎。若。來。此。由。何。道。而。偵。探。曾。何。所。得。請。若。先。說。以。鎮。余。心。長。岡。氏。左。右。迴。顧。乃。低。聲。問。曰。美。人。雪。子。幸。猶。無。事。余。一。至。此。卽。以。決。死。之。覺。悟。由。種。種。方。面。以。探。偵。是。事。時。化。爲。島。之。土。人。或。窺。窀。之。美。人。

大

魔

窟

妝或混入野獸羣。精心偵察。乃知奪雪子之兇賊。果爲半人半獸。擅有魔術。之大海賊。而潛身於此者也。曩時揣測之言。不幸而中。且彼魔賊之所以劫奪雪子。與雪子藏身之秘密處。皆已探得。惟雪子。今雖無事。而其運命。則甚迫耳。今君既來。無爲此恐怖境遇。以餒厥志。余卽問曰。美人雪子之生命。果迫於旦夕乎。長岡氏曰。然。爲期僅三日耳。三日內。苟不能出之魔窟。達我目的。哀哉雪子。必斃於兇賊之毒手。其侍女阿梅。曩中魔術未醒時。所謂愛孃歸天之語者。其殆讖歟。余聞之駭然曰。哦。僅三日耶。時限既如此迫。救我雪子。若能成乎。長岡氏搖首曰。此正未可豫言。特不審雪子運命如何耳。余乃益駭然曰。長岡氏。若曷爲出是言。美人薄命。橫遭魔禍。陷身於命不可知之危境。雪子此時。無翼以飛越。無術以遁形。能救與否。正在我輩。我輩當奮獅子搏兔之全力。以與有魔術之大海賊戰。以全美人之生命。長岡氏於意。

云何。長岡氏微笑曰。雪子生死。誠懸吾脰。若言豈不謂然。惟若未審其魔窟之所在。乃握余右手出洞窟。立於波浪衝激之岬端。指西北之方角而謂余曰。若見是。當知其難矣。余曰諾。

第八回 空中之怪

余遙望西北隅。見狂飈巨浪中。突起一火山。白煙上噴。煙縷殆與天接。巨大石岬自然具有魔形。千尺斷崖。形如劍削。其頂有一古塔。幽色蒼然。臨海而立。長岡氏拍余肩曰。彼處若識之乎。是最恐怖之黑面塔也。哀我雪子。今受無限之苦患而幽囚於是者。卽吾等將爲決死奮鬥之大舞臺也。若識之乎。余聽此語音。心不禁惻惻動。思吾在海星丸甲板時。已耳此魔塔名於二等水手。爾時好奇心勝。恨不能入塔中部。一窺秘奧。今何幸。希望之卽爲事實也。吾等決死奮鬥。將以是塔爲舞臺。好奇心爲之稍慰。然長岡氏猶有難色。

余因是亦睜眙不能制。

長岡氏斜眼。眙余而笑曰。武田君何怯哉。僅耳。黑面塔之名。已震。驚若。是若謂。足。敵。三。十。人。之。膂。力。果。何。在。耶。且。可。驚。可。怖。者。何。止。是。哉。乃。出。望。遠。鏡。授。余。曰。觀。此。當。可。得。崖。略。余。受。而。望。之。覺。恐。怖。之。象。一。時。間。奔。赴。目。前。蓋。頃。在。汽。船。甲。板。上。所。眺。者。距。離。之。程。遠。僅。得。其。模。樣。今。所。距。離。較。近。所。見。自。更。精。確。

見塔立於斷岩絕壁之巔。上接重霄。下臨大海。形由三面抱合。如妖女貌者。四圍莓苔点点。都作慘綠色。是塔之古。正不知歷幾千載星霜矣。塔之絕頂。殺氣森然。有黑色長旗一旒。向北飄動。終歲如此。不隨風向爲轉移。是必爲信號可知。然人跡滅絕。已數百年於茲矣。頃聞人言。鬼魅時現。以此爲人間之信號。正未可知。然猶不敢自決。乃問長岡氏曰。此旗爲信號乎。抑惡魔爲

此以眩人目乎。長岡氏潛聲答曰。非若是也。彼有魔術之海賊。以是處焚香而祭魔神也。請君更放眼一觀。

余復由望遠鏡仰眺黑面塔。凝視良久。無有異觀。頃之。忽現一最驚愕最恐怖之怪象。

噫。是何怪象。惟限於筆墨。頗難得其真相。雖合東西大文豪。如莎士比亞曲亭馬琴輩。亦不得寫其萬分之一。然余欲不寫。則無以解世界之惑。甚謂余見怪象之爲誣者。不得已據我所見者。拉雜書之。形容肖否。寧暇計耶。

時爲午前八九時間。余正由望遠鏡仰眺魔塔。幽氣黯然。塔影橫海。狂瀾跳空。如神龍起。蟄將飛出。水面者。陽光照水。金波閃爍。然以幽氣沈沈。不惟無人迹。來往卽小鳥亦不見飛一羽。

正凝眺間。忽見光明若鏡之海面。有一巨大薄黑影。冉冉映於水面者。望之

若雲若霧。漸漸自彼方而來。其影亦漸漸近。此處至影與黑面塔成一。直綫時。見黑影之上。隱然若有一物。現於天空。余見之大聲狂叫曰。異哉。此魔影也。身抖肢顫。手中望遠鏡。幾墮地。恐怖至不可名狀。平日所誇有足敵三十人之膂力。至此亦顫。顫。縮。縮。膽小如鼠。

余本無臆病者。生平豪氣。自謂天下境遇。無有可以頹喪我志者。况生於今二十世紀。鬼魅魔神等無稽之言。村嫗僮荒。亦所弗道。余腦中寧有此想者。然今一覩此魔影。自不得驚愕恐怖。而爲之叫奇絕駭絕者。覺世上有所謂鬼魅者。則此魔影。其鬼魅之形乎。世上有所謂魔神者。則此魔影。其魔神之像乎。不爾。余亦無以名之。名之曰「空中之怪」。

蓋此影一現於空中之幻相。非雲非霧。冉冉而來。若有形。若無形。初現卽隱。甫隱又現。迷離惝恍。有不可端倪者。且魔影現時。塔頂之黑旗動益速。旗端

向北動。若向空中描環者。至四五度而旗忽隱。白烟團團上昇不已。而空中
 魔影亦一時俱滅。

等九回 大祭期

余見此魔影。瞠目橋舌。心中熱血。停而弗流。癡然木立。不敢發一語。長岡氏
 急叩余肩曰。武田君。若見空中魔影乎。余警然回顧。如夢方覺。惘惘然不知
 所措。曰。見此現象。爲人世間所未嘗有。余生平所從未一見者。精神飛越。余
 亦不能自巳。此現象洵可驚可恐哉。長岡氏嗤嗤笑曰。武田君。洵臆病人哉。
 請舍是勿復覩。蓋此現象隱現無常。以若臆病人見之。已神經昏瞶。齒震震
 有聲。則自今以後。意外怪象。什百於此。斗現目前。不幾驚極欲暈乎。今君不
 可不定此覺悟。眺彼魔影。及種種可怖之怪象。俾若與我深入魔窟。無時無
 地足攬我懷。卽猙怪魔物。突然接諸眼簾。亦鎮靜不驚。否則一覩魔影。已恐

怖不能忍。眞憶病人哉。請舍是勿復談。及救護雪子事。

余非臆病人。長岡氏何以此惡名詞來。誣人聞之。令人憤激。不可耐。然長岡氏非故爲誣。蠱也。實欲藉此惡名詞。激動之。以復我勇氣耳。余力敵三十人。膽亦數倍於人。聞此激勵語。膽力頓復。恐怖之心。已遁入烏有之中。乃振腕向長岡氏曰。盲哉長岡氏。臆病人果謂誰。不知乃公之慄。非臆病也。乃武士所自有者。蓋心雖慄。力自在也。長岡氏笑曰。能如是乎。能如是。始不失武士之價值。余亦掩口大笑。復問長岡氏曰。若能一釋我疑團乎。頃吾所見空中之魔影。果何物乎。魔影一現。而塔頂黑旗。竭爾搖動。且甚激。倏爾黑旗隱沒。白煙團團然上昇。是何原因。竟離幻乃爾。若能一釋我疑團乎。

長岡氏曰。唯唯。若頃所見者。卽魔賊之所爲。吾儕與雪子所受此苦累者也。

復徐徐仰視塔頂。曰。倫敦電告全世界。謂地球上。有九大惡魔。此警報。距今

不過數年。若憶得未。蓋此九海賊。擅魔術。崇奉魔神曰海王。謂海王主宰已等。力莫能匹。有一魔影現空中。卽若頃刻所見者。每歲出現有定期。海賊等迷信益深。崇奉亦益盛。於魔影現時。登塔之絕頂。樹一旒黑旗。焚香合掌。伏旗下。用懺罪惡。以祈冥福。縷縷香煙。氤氳上昇。而空中魔影。卽時隱滅。海賊等以爲我等私願。神已許我。遂立此恐怖之誓。誓每日一小祭。每年一大祭。小祭猶不外尋常之祈禱。大祭則每年定以七月十三日午後十一時三十分。北斗橫空之夜半。卽距今三日也。大祭之犧牲。非牛羊。非犬豕。必世界第一之美人。海賊等恒潛爲物色。而劫奪之。祭之日。以美人自塔頂下投諸海。以承魔神之歡。若聞之。得毋疑余爲怪誕。余始亦作是想。及至此偵之果然。

余聞此幾掩耳走。念今二十世紀。理學大明。凡古昔相傳怪誕離奇之說。舉

毀破之無稍留。安得有此怪現象。以肆若輩雌黃之口乎。然余以彼親述所偵之心得。竟不敢與之辨。惟疑團終磊磊然存諸胸臆間而不能釋。

第十回 黑面塔之歷史

余凝視塔頂久。終莫解其理由。乃問長岡氏曰。吾儕遇事必衷諸理。縱彼魔術。寧能無疑。其所謂魔神者何人。所現於空中之魔影者何物乎。長岡氏笑曰。彼海賊所崇奉之魔神。如雲如煙。殆佛家所謂無色相者然。其所現之魔影。以理推測。自有一魔像。在語至此。翹首西眺。悄然若有所思。乃回顧余曰。武田君。空中魔影。余可說明者固不少。諒若亦未之前聞。惟黑面塔之歷史。若曾聞之乎。余曰。聞之。特略而不詳耳。吾聞此黑面塔。爲前代島王所締造者也。在昔島王無道。其處敵國之捕虜。及不順己意之臣下。尤慘酷無人理。因營一魔窟。凡王所仇視者。悉投入之一入其中。黯無天日。求生旣不可求。

死又不得。榜掠鞭笞。無所不至。當時所謂人間活地獄者。諒哉。泊乎血肉糜爛。體無完膚。以死死而骸骨出諸塔外。故此魔窟之構造。不知費幾許人力。年月以成。而茹怨銜苦。葬身於魔窟中者。亦不知幾何人。愁魂怨魄。終古不滅。陰雨之夕。鬼哭啾啾。至今遊者。恒談之色變。視爲駭絕。相戒跬步不敢經。此余得諸本國時讀小說。及頃聞海星丸汽船之二等水手所語。黑面塔之歷史。其盡是乎。

長岡氏曰。未也。塔中寧止一牢獄已哉。且世人以爲黑闇世界。實卽王之極榮世界也。蓋建此塔之島王。曰銅爺王。是人世之怪物。惡魔之化身。軀幹長八尺。眼炯炯如碧玉。兩耳長垂幾及肩。亂髮委地。白如雪。常衣紫衣。携鐵杖。臂力之強。恒自詡爲世無偶者。且生性殘酷。嗜啖孕婦之腹。美男之眼。及三匝月嬰兒之生膽等。每食必具。不則怏怏恒不自適。且好惡異於常人。每見

大魔窟

壯士流血。負痛顛躓之狀。聞病者垂死呻吟苦痛之聲。輒拍掌譁呼。以爲鈞天之舞。不是過也。因之而欲所聞所見。不絕於耳目。特建此黑面塔之大魔窟。以位置若輩捕虜及臣下。故黑面塔者。世所詫爲天下無類之大牢獄。實卽王所視爲無二之極樂世界也。徵諸歷史之軼聞。及撒母森之故話。昭然具在。特世人恒不及究耳。余先君來此島。百計偵察。決死以入塔之內部者數矣。故能語之若是其詳。幸子勿曠余瀾言。

語次。長岡氏自衣袋中出一圖。曰黑面塔之形式。略具於是。所恨者。爲我等敵手之九大魔賊。伏居塔內。余不能細爲偵察。僅得圖此模形耳。乃指示其圖。曰塔當分爲上下二部。塔底巖石四圍。深澗殆不可測。自海面起至數十尺。幽悽黯黑。舉手不能辨五指。中間空洞無一物。所設牢獄有二百餘。獄壁與海底中設一堰。堰一啟。海水卽淙淙然自外部入。獄底冤囚。呼天搶地。終

溺死而爲藻屑慘酷之狀幾不忍觀故此牢獄亦曰海底牢獄塔之上部卽
 自地面高聳接天之一部其處金碧輝煌輪奐宏壯昔銅爺王搜集宏材瓌
 寶而造此極樂世界者余今入其內部雖淒涼沈寂陰氣逼人然美麗之觀
 巍峨之象至今猶不少改近世雖有巨萬之資莫能得此堅固之工程其廣
 室之形如螺疊中設一寢臺嵌以金銀光耀閃目其扉與床皆有琥珀珊瑚
 珠猫眼石等貴重品爲之飾四圍臙牖皆緣以象牙珍珠臙牖之外金欄帳
 低垂風漾微動斜橫一銀梯階級間閃爍生輝室與室之間介以長迴廊攔
 以大理石爲之形若弓狀之懸橋沿塔外廊有一石浮橋所以自此室而達
 彼室者也橋臨斷岩絕壁上橋之下狂瀾怒湍氣象萬千銅爺王蓋藉是以
 攬波浪之異觀者也渡浮橋橋之一端有二女神白如雪隻手指天爲大理
 石像明眸皓齒肌膚如生雕刻之工近世罕覩過此而昇一而二二而三之

石梯至七石梯而入口。現矣輪廓奇妙。位置如北斗七星。然窬口入得達絕頂。此塔絕頂。卽若輩海賊。建旗焚香。遙祭空中。魔影處也。余登塔頂下瞰。全塔苔藤交橫。波浪激射。塔底覺生平所歷危境。無逾於此。至今思之。猶驚悸不能忘。

第十一回 十二星冠

余聞長岡氏言。味醴醴如讀漢籍。搜神等記。默不一語。側耳而聽。長岡氏亦搖首振腦。口角飛沫。津津然。復語余曰。爾時余肺葉震震作響。不敢登塔頂。因迴步。知銅翁王生存時所居之室。宏麗非常。徵諸歷史。班班可攷。將由此探偵其所在。至一處深奧而曲。如九魔賊幽禁雪子之室者。然心益動。步入其室。不意於此處發見一物。余急問曰。是何物。果奇妙乎。抑貴重乎。長岡氏曰。是奇妙貴重。兼而有之者。余入一室。鐵扉塵封。力闢之。蠟蛸掛戶。塵如山。

積霉濕之氣。撲鼻而至。知數百年來。自魔賊外。無一人足履其地者。正趨起間。忽見幽暗中。流露光明。点点如鬼燐。螢火然者。余趨前觀之。喜極欲暈。蓋所見非他。正名高天下之大寶窟也。室之北隅。設有鐵架。上列寶冠十餘。光明璀璨。皆如一。是即所謂二十七星冠是也。當銅爺王時。有嬖臣二十一。貢媚獻寵。深協王意。錫茲寶冠。用表恩寵。其冠以黃金爲之。紅綠寶玉。相間爲飾。冠之前顛。有一金剛石。長寸餘。光輝燦爛。若天庭中之北斗明星。而衆小星環繞於四匝者。其製作之精巧。形式之美麗。無論余所不多見。即巴黎倫敦諸大博物館中。亦恐未曾有此珍品。余生洵多幸哉。得藉偵探。窺見眞寶。乃走近鐵架前。注視寶冠不少動。數之則不足二十一之數。僅十二冠。思彼九魔賊。殆各取一寶冠。戴之以自相榮耀。銅爺王有知。應亦不許若輩之掠取。令余戰勝之而褫還也。余乃一一諦視之。寶玉光耀。剛石晶瑩。狀雖不一。

大

魔

窟

優劣無分。洵皆希世之珍也。至取最後之一冠時。忽聞豪然一聲。若有一物自冠間墮地者。余急俯覓之。湏臾拾得。觀之。乃一玉。形固甚細。然其色之澤。其光之麗。雖取古人數百篇瑞玉賦。猶不足形容於萬一。余得之意外。拍掌大叫。喜極欲狂。蓋此玉爲世所罕有。雖連城之重。不易也。

余曰。吾輩茹辛含苦。遠來荒島。入淒絕之黑面塔者。非爲寶玉也。爲雪子也。若奈何得一玉。而驟若是戀戀爲長岡氏曰。若毋言然。我得此而喜者。寧止爲珍寶哉。武田君來。若不諒我衷。我當白若聞。我爲此事。早審奪去雪子者。必係擅有魔賊之大海賊。誓當決死從事。除茲大惡。及後來此島。精細偵察。幸兇賊在是。吾言倖中。然成效益知不易。蓋此黑面塔若茲幽險。魔賊輩自奪雪子。銷聲匿跡。無所得。不審魔賊避匿何所。亦不審雪子幽禁何所。况空中魔影出現無常。海賊輩之魔術與魔力。雖迷信亦綦恐怖。再三考察。知魔

賊不易制勝。而營救雪子之目的。終不得達。抱此熱誠。或者至於失望。憂思焦慮。計無所獲。今何天幸。發見塔中之大寶窟。得獲此寶玉。置諸掌中。雖不滿一握。然胸境復躍躍活。如死灰之再燃。而勇氣亦陡增於前。蓋此玉不獨希世之珍。此後營救雪子。苟遇如何禍難。亦可恃之以無恐。余之喜忭。正爲此耳。否則余非貪捰者流。寧肯爲此寶玉戀戀爲。若知此。當能諒余。

長岡氏懃懃懇懇然詔余。自不我欺。然藉是玉之力。能悉力與魔賊格。援出雪子。有勝無負。是何爲者。余思想鈍拙。卒莫解其理由。乃仰首問曰。若固長者。諒不以虛妄言論塗余聽。余亦不敢以虛妄揣長者。惟援救雪子。得恃之無恐。是玉洵所謂奇妙貴重。兼而有者。咄哉。是玉。今何在。今何在。

長岡氏啞然笑曰。武田君。若何急躁。爾若欲觀是玉。語未既。而斜照洞窟之陽光。斗然薄暗。仰眺天空。見先刻所現之空中魔影。復冉冉自黑面塔

西之海空而來。余不覺厲聲狂叫曰。魔影又現矣。空中之大魔影又現矣。咄。塔頂之黑旗揮矣。白烟上矣。而魔影現而復隱矣。異哉。是果何物。而幻變。乃爾。長岡氏袖手仰眺。冷然言曰。如何竟又現耶。見茲魔影。誠不可思議哉。彼魔賊輩抱此迷信。尊爲宇宙間之大魔神。亦非無理。又向余言曰。丁茲世界一切魔神鬼魅及眩人智識不可思議之現象。咸欲一掃而空。然今所見之魔影。實堪詫異。詢爲吾曹前途困難之原因。然苟一觀其究竟。則無所用其恐怖。亦無所用其不可思議。若焉用是愕顧爲。

第十二回 白衣道人

余固不信魔神鬼魅之說者。長岡氏之言。豈可信哉。然今天空之中。如雲如烟。不可思議之現象。魔神之幻影。分明接於目。如之何弗驚。長岡氏見余驚愕狀。若猶弗釋。乃歎曰。武田君。若何瞶瞶而猶未釋。然於懷耶。吁。以若所學。

猶有所迷。無怪乎不學無術之魔賊輩。視此幻影爲宇宙間之大魔神。焚香頂禮。敬懼竟不敢少衰。復高聲笑曰。若之疑團。殆不能自釋。我請爲若釋。若其聽之。有此魔影。魔賊等因之抱不可破之迷信。妨害世界之平和。劫取美人雪子。而與吾儕以非常之困難。若固知之審矣。然此魔影。卽所稱黑面塔之魔王。而爲昔時銅爺王之所爲。若殆未之知。余曰。哦。是果銅爺王所爲乎。然余疑不獨未釋。且滋甚矣。蓋銅爺王之死。已數千年於茲矣。魂旣飄散。骸骨亦已朽滅。彼銅爺王是何神奇。至今日猶現此不可思議之魔形。而與吾儕以非常之困難。此余疑不能不滋甚。

長岡氏頷首微笑曰。天下事不加實驗。僅測以理想者。往往十不得一。余初來此島時。睹此空中之魔影。亦未嘗不如君之驚訝交集。其後親入黑面塔偵察魔窟。或讀塔壁上之彫刻。或於千山萬峰之深奧處。搜尋遺跡。一草一

大

魔

窟

木亦不敢視爲等閑。至結果而此離奇可怖之魔影。不圖自余眼窺破之。余曰。然則魔影果何物乎。長岡氏言曰。語甚長。若苟不厭煩屑。吾請爲若語。余曰。諾。願聞。長岡氏曰。余入黑面塔。在在偵探。得發見大寶窟。獲此寶玉。喜出望外。勇氣斗增。自念此玉入我掌握。庶得力服此魔賊。而美人生命。亦不致斷送於魔窟。忻然出大寶窟。走至一別室。廣袤略如大寶窟。而積塵蛛網。尤甚焉。且僅有一小窻。淒寂黯黑。不可彷彿。自窻隙外眺。則面一島。頗巨大。隱然與黑面島作對峙狀。窻下則濤浪旋渦。水紋若巴字形。臨此深淵。自不能不戰兢。室之形爲六角。中央設一壇。若祈禱時所用者。壇之上一爐。壇之左右。建黑旗二旒。惟爲時甚久。旗已朽敗如灰。而爐灰亦堅於石塊。余觀此大駭。念是室殆爲昔時祈禱之室者。然殘暴苛虐如銅爺王。信神皈佛。決不惑此。咄。設是果何爲者。踟躕四顧。昏暗無所得。復由窻隙微光所射處。審視之。

壁上積塵間似刻有古代文字。惟模糊不可驟辨。細審再三始能句讀。其文曰：神乎神乎。其來救余罪惡。貫盈之人乎。其側又有文曰：嗚呼。我之罪惡。彌天悔已無及矣。而美女死時愁苦之聲。與壯男流血時之慘狀。今甯忍再接諸耳目乎。而百千之怨恨幽魂。日夜環集諸吾側。詰責我無道。嗚呼。今我如何斷送此餘生。其下則曰：身魂俱病之銅爺王記。讀此文字。竊訝銅爺王之豪氣。蓋世何發此悲惻之詞。正疑駭間。猛憶歷史軼聞。上非有此一段記錄乎。謂銅爺王在中年時。最慘酷無人理。前已略言之矣。王居塔之上部。奢華靡麗。世無倫匹。恒與二三曠臣寵妾。恒舞酣歌。達宵旦。聞塔底悲慘之聲。手舞足蹈。喜不自持。及至晚年。血之躁熱。雅不如少壯時代。而元氣亦漸衰弱。回首前塵。覺一生罪惡。擢髮難終。生前惡孽。死後刑誅。輕重無毫髮爽。古人已明詔我矣。以我所爲。則未來刑罰。甯可計耶。於是始而懼之。懼之不巳。且

悔之。悔之不已。且責之。責之不已。且懺之。日夜傍徨。無片晷甯。凡殺人虐人諸事。不惟不敢接諸目。且不忍入諸耳。自懺自悔。腦脊亂。神經亦狂。至夜輒夢見獄底冤魂。號泣奔來。環集床側。晝則單身子影。寂居塔中。覺金碧璀璨。都成慘色。彷彿見有無數厲鬼。披髮入門。頸血淋漓。呼號繞室走。侍者皆不之覺。而銅爺王驚悸不甯。於是羣以爲魔。乃設一祈禱室。集國中數百巫覡。焚香祭神。以爲驅除魔鬼之術。然亦無所驗。銅爺王用是益惴惴。時適有一白衣道人行經黑面塔門。狀貌奇特。迥出塵表。銅爺王目而異之。召之入。道人自稱天神使者。擅驅召之狀。凡下界種種邪鬼妖魅。皆得驅退。俾不再爲魔患。銅爺王大神之。急求其術。道人曰。魔者天地之厲氣也。其魔皆來自西北。欲使邪魔驅退。不復魔人者。當於其來途如戌亥（卽西北）方之山頂。立一最恐怖之巨像。令種種鬼祟。望之卻步。不敢越此雷池一步者。是退魔之

神法也。銅爺王大喜。贈以金銀財寶無數。又叩其立何形象。道人曰。惟王之意是從。止求能猙獰可怖者耳。言畢。卽飄然拂袖去。銅爺王以爲是殆神使。逆之不可。乃下令國中。謂有能從神使之言。設一世界無類之惡象。足以驚走魘鬼者。余當賞以一寶星之冠。此存於歷史上者。其後銅爺王立如何惡象於戊亥山頂。以行此退魘之神法。又此神法有何效驗。以驅散此種種魘。則歷史上固未之詳。而余亦莫知其究竟。語次。復顧余曰。雖然。茲事亦奇哉。銅爺王之死。距今已數千年。不圖黑面塔之祈禱室中。得解釋歷史上之一大疑問。蓋余曩讀銅爺王歷史。謂王至晚年。腦擾心迷。生一切幻想。見一切幻影。雖奇其事。然疑信實參半焉。今余在祈禱室。見當年所設之香爐黑旗。及壁上之雕刻文字。其詞意之悲惻。覺銅爺王在晚年追悔前非。冀免禍患。及其神經管。精神衰亂。種種鬼魘之苦難。有歷歷其如繪者。自念白衣

道人傳以退魔神法一事。實非誣稱。然銅爺王苟用此法以退魔。則於當戎亥方之山頂。自必立一怪象可知。至於今。道人杳矣。銅爺王死矣。而所立之怪象。恐猶存在天壤間。又念今所現空中之魔影。必與當日道人退魔神法中所立之怪象。有何等關係。特一時不及覺耳。余憑此理想。以推測種種。復將壁上文字。細審數過。自誦曰。神乎神乎。其來救此罪惡貫盈之余乎。一人喃喃反覆誦不輟。

第十三回 退魔之怪象

長岡氏本雄辯家。談此事。每至奇情獨闢處。輒故作波折。令人忽驚忽喜。不能自主。發此奇譚。以入余好奇者之耳。殊妮妮動聽。甯生倦心。至是長岡氏又續曰。余細審雕刻文字之筆跡。玩味其悱惻之詞句。移時復迴首旋踵。不覺於東南壁上。朧朦間現一物影。大驚失色。肉躍心顫。蓋余意中雖早計及。

然不過以爲或然者耳。今突然有此不思議之怪象。隱現壁上。焉得不驚。然空中魔影之眞面。亦藉之窺破。武田君若曾知余所見者爲何物。余僅瞠目視。不能答。長岡氏乃笑曰。若本未見。難責若以不知。卽余意中亦未有此像。蓋所見者爲一大魔神像。余詫曰。是一大魔神像乎。長岡氏曰。然。此像刻在祈禱室之石壁上。剝迹甚深。其像之四緣。殺氣森森。不寒而慄。最可異者。其像之猙獰奇醜。與若所見空中之魔影。似出一致。毫髮不爽。意者其幻影乎。

余聞之大詫。不覺隨聲問曰。何爲與空中魔影一致乎。長岡氏曰。任爾時。余亦不之解。思此魔像。僅彫壁面。如何得透黑面塔堅厚之石壁。現影於空中乎。走近其前。細審壁面。乃知空中魔影。非卽壁面魔像也。蓋刻魔像之壁面。又刻有字畫。畫爲一婦人。腕形甚纖細。指成亥方。字數行亦甚小。且歷年旣

大

魔

窟

久。漫漶不堪。卒讀。再四辨識。僅能得解其大略。曰。身魂俱病之銅爺王記。今幸天不棄予。得降白衣道人。授我退魔神法。立一小退魔神像於此處。令守護此祈禱室。又立一巨大之退魔神像於戌亥方之山頂。令守護此黑面塔之全部。願爾色色冤魂。悉屏退。勿復來。覩吾魂。誦讀數過。驚極欲暈。凝靜片時。復細審一周。無他異。乃急出祈禱室。至塔之外部。蓋審知空中魔影。非關於壁面所刻之小魔像也。更有一巨大者於戌亥方之山頂。欲探之以抉破其隱。

余出黑面塔時。而空中不雲不煙之魔影。適又出現。余仰首瞻眺。思此魔影果來自何處乎。抑卽戌亥方山巔所立之魔像乎。乃遠望西北。有一島甚巨大。與黑面塔之祈禱室。恰對峙。中隔一海。波濤漫漫。島上有一火山。山之中心。腹陰氣森然上騰。如人魂之曳尾。與空中魔影若相接。移時。影漸淡。至於磨

滅不可見。由此經驗。愈審魔影之必有原像無疑。況此魔影之現於天空。朝北暮南。其必山中原像。受太陽之光影而然。果爾。則此魔像必在祈禱室隔海對峙之火山中。余即渡海往。欲至山之中腹。搜索魔影之原像。

余急問曰。若果往乎。魔影之原像。果在乎。長岡氏曰。然。乃指示西北一島曰。余抱此決心渡海。往赴此島。一上陸。見荒涼寂寞。闕無居人。惟一種黃乳樹。彌望皆是。樹幹矗立如帆檣。皮光澤可愛。無一枝條。僅於樹杪。見團團之青葉。與纍纍之果實耳。望之鬱然青葱。影蔽全島。余潛身於黃乳樹下。穿林索徑。形頽悵悵。越小邱。涉溪澗。約行半里許。至山麓。荒野漠漠。淒寂不可言狀。仰眺山巔。高殆眩目。冉冉白雲。無心流露。山麓有一石碑。苔藤糾纏。望而知爲古物。碑上刻有女王山三字。然風霜已剝蝕過半。余不審此山爲古代何國女王之墓乎。抑或女王厭世。終隱此山乎。然急欲登山。不暇深究。山道頗

大
魔
窟

險峻。苔滑滑。足幾不能支。道旁巖石峭立如削劍。竭力攀上。逾時始達山之腹部。一望廣漠。無一樹一草。惟見陰氣上騰處。果有一退魔神像。巍然突立。是卽銅爺王藉以驅退諸鬼魅者。與黑面塔祈禱室。所刻壁面之像。遙遙對照。其質銅。其形甚巨。其面日之猙獰。狀態之醜惡。若固已見空中之幻影。奚待余喋喋爲。惟此山中之魔像。遠映於黑面塔上之天空。而現此幻影。是何作用神奇乃爾。爾時余亦莫測其理由。然今已了然得矣。乃向余問曰。武田君。若知海市蜃樓之事乎。余曰。知之。惟僅得諸傳聞耳。曾未嘗一接於目。曩余所讀書有記此事者。謂有商人一群。乘駱駝。旅行於亞刺伯及亞非利加中間之沙漠。一日。忽見有都邑臨乎其前。高樓大廈。狀甚巍峨。逾時即滅。是名空中樓閣。蓋由空氣作用。以遠處都邑之景象。幻映於沙漠之天空。今所見之空中魔影。其卽是乎。

長岡氏曰。若言誠然。蓋澳大利亞與黑面島附近之地。四圍空氣。既甚稀薄。且有一種透明之水蒸氣。瀰滿天空。故如有物置於某處。其所受太陽之光線。有時或成適當之方角。則類於幻燈作用。而映此物影於空中。退魔神像之立於山巔。良以所處適當。故受朝曦於東。而此魔影現於北。受夕陽於西。而此魔影現於南。此豈有異術哉。良亦海市蜃樓之一斑焉。

語次。長岡氏雙手捫胸。心若有所感觸者。喟然歎曰。吁。在昔銅爺王。神魂擾沸。致苦魔患。立此魔像於山巔。當時果能達其願望。驅退鬼魅。與否猶未可知。至於今何圖。適爲招魔之像乎。彼野蠻魔賊。視此空中魔影。爲神聖無二之大魔神。焚香頂禮。立此尊嚴之祭儀。俾雪子羈囚。伯爵憂鬱。吾儕亦因此立決死誓。以入黑面塔之大魔窟。惡哉魔賊。其貽害良非淺鮮。然吾儕得藉之發厥秘鑰。以破數千年愚者之迷信。良亦天假之緣也。長岡氏言至此。眉

宇軒軒豪氣正勃不可遏。

第十四回 星冠之玉

時日影漸高。余自懷中出時計。知已午前十時許。而山巔魔像之幻影。復依然出現天空。余顧長岡氏曰。空中魔影又現矣。而塔頂之黑旗動。香煙上矣。彼魔賊之迷信。真可笑哉。長岡氏曰。魔賊之迷信益深。而美人雪子。愈不可救傷哉。余聞此如睡夢中。聞晨鐘一聲。瞿然驚悟。思雪子運命。危於風燭。若三日內不能達我目的。出美人於魔塔。雪子何辜。終罹魔網。於星河皎潔之夜半。將自塔絕頂處。下投空闊之海底。以爲大魔神之犧牲。彼長岡氏。猶不急策援救。是何居心。乃握長岡氏之腕曰。爲期已促。請若與我速入此魔塔。長岡氏蹙然如深詫。余之急躁者。從容言曰。請稍待。猶有一事不可不與若白。余曰。何事。長岡氏曰。無他。特寶玉耳。頃吾與若言。得此寶玉。爲與魔賊

角鬥時。唯一之武器。若知之乎。余亟應曰。然。寶玉誠希世之寶玉。此寶玉何在。速與我一觀。長岡氏一手探入衣袋曰。在此。若果欲觀。不可不先爲若一解。余心急欲焦。甚不願聞其解。乃引攔其手曰。請速。請速。出此寶玉。不則余性不能耐。長岡氏徐徐言曰。余雅不欲聒若耳。惟此寶玉。不獨今所無。卽在古代亦有歷史。焉得不一白俾若了了也。余爲君白。君其聽之。幸勿憂慮雪子。隱嫉余言之煩屑者。余嘿然。

長岡氏又言曰。是玉歷史。謂銅爺王夢中受神賜貺。撈拾於大海之底者。古代傳說。半屬虛謬。若究其是誰所作。何因而入銅爺王之手。千古遠昧。未從揣測。然是玉良可寶貴。具形之微妙。與魔力之可驚。微論常人想像不到。卽今二十世紀。擅理化學之奇人。偉士亦莫知其究竟。言次。手自衣袋出。余亟欲觀。玉猶未出。長岡氏手撫其額曰。余生世上。業探偵。爲滅世界之罪惡耳。

惟社會進步。遠勝前代。所出兇器。日益銳利。惡徒之犯罪。亦日益巧。甚有擅可恐之魔術。以攪亂我偵探社會者。我輩之捕繩手銃及軟靴等。往往不足於用。或使用催眠術。或遞傳電氣力。罪案所出。茫乎莫得其端倪。索影揣聲。神經煩惱。余自業偵探。逮捕魔術之惡徒。及奇絕之兇器。不可勝數。經驗積久。遂於偵探界上。發明一大利器。卽此寶玉是也。吾初聞時。不禁駭絕。蓋此寶玉。具有神秘之作用。可怖之魔力。萬一不幸入於惡徒之手。則吾等探偵術。幾爲之窮。若果得邀如天幸福。寶玉得入我手。微特偵探界之面目一新。卽罪大惡極者流。將無遁匿。而社會亦得永保平和。歷年披尋。不獲一見。自謂天壤茫茫。叢爾一玉。正不知其所在。今雪子不幸被錮魔塔。海賊九人。咸有過人之魔力。余爾時聞茲事。卽慮此玉或墮賊手。則此度奏捷。良非易易。吁。以古代所作之玉。博物家所不能釋。化學家所不能詳。入銅爺王手後。數

大

魔

窟

千年禍中於吾儕身上。此其中殆有因緣。非偶然也。言畢。後探入衣袋。余曰。請速出此玉。畀余觀。俾其本質及奇妙之作用。並得餉余研究。以一擴我眼界。

長岡氏掉首笑曰。玉之本質。今猶不能辨別。若與我偕入魔塔。戰勝海賊。救歸雪子後。再返故國。以徐徐研究之。特恐理想玄妙。非理化學所能解釋耳。至其作用。語之甚長。立談之頃。焉能喋喋。略言之。又恐不能了了。况試期伊邇。與魔賊決鬥時。行將一試其神變作用。若其拭目以觀。乃自衣袋中出一物。鄭重授余曰。是玉雖小。良足貴也。若其觀之。余大喜。若雪子已得救者。急受而觀之。見是玉爲圓形。直徑不滿一寸。光彩閃爍。流離含英。略如女王冠上之金剛石。然內部真空。含有綺麗之液體。色如金露。約半部餘。液體之中。又含有紅綠二物。形如星冠。迭相浮沈。余把玩良久。實勝怪詫。思此渺乎小

大

玉具茲奇狀。良可寶貴。然如長岡氏所言。謂此玉具有絕大之魔力。我等得藉此力以深入黑面塔。勝九魔賊。以救護雪子之生命。而重歸祖國者。引證何在。殊類荒唐。余亦何敢遽信。然亦不敢遽與長岡氏辯。蓋彼意氣懃懃。諒不以戲謔之言欺我。余遂瞠目熟視。漠然無一語。

魔

長岡氏見余狀。直趨余前曰。若殆疑乎。若殆謂余之所說。未衷諸理乎。雖然。若亦太固矣。天下事不經實驗。鮮不以爲荒誕者。豈獨此玉爲然。卽今日之通行於社會者。亦指不勝屈。若電信。若電話（德律風）若幻燈（影戲）若寫眞。離奇怪詭。無逾於此。其他一爆裂彈。可使蕩蕩堅城。碎爲微塵。一魚形水雷。可使偌大軍艦。擊爲粉齏。奇幻若此。人卒無有異視者。良由經驗既數。恬不之怪。若據此以詔諸非洲之野蠻。必羣相咋舌。不曰天降之魔怪。卽曰惑世之罪人。熱嘲冷罵。無所不至。甚者攘臂紛起。橫加毆辱。無他。未曾經驗使

窟

然耳。今若於此玉之奇妙作用。曾未一觀。余遂向若絮絮作怪語。是與向野蠻而言火葯水雷之功用。相去正不能以寸。若亦安得不疑。雖然。余非好作怪語以欺人者。若亦當深諒余衷。况顯此奇妙之作用。曾不過一轉瞬間。若疑胡爲者。言次。復睨視余手中寶玉。曰。武田君。此名星冠之玉。誠希世珍也。是玉全世界僅有七。而爲銅爺王有者居其五。以飾冠。數千年後。韜晦不聞。余單身入大寶窟時。見金剛寶玉。錯落其間。十二星冠。橫列架上。余念此寶玉藏之何所。諒亦不外此寶窟。惟彼九魔賊。蟠踞此塔。歷有年所。星冠既取其九。則此寶玉難保不入賊手。一念及此。希望全灰。蓋此玉雖渺乎微小。雪子之生死。吾與汝之勝負。皆係於此。敵得之則敵勝。而雪子不可救。我得之則我勝。而敵終不得雪子。乃取星冠一一檢察其表裡。無所獲。心血幾冰冷。至檢最後一冠時。有一物橐然墮地。急拾而觀之。果此星冠之玉。余大喜合

掌祝天曰。感惠厚貺。以佑余與雪子。希望蘇甦。心血復熱。蓋物在已失之界。而突然得之。人生快意事。甯有逾此。故自不禁其感謝天惠。躍然欲狂焉。

第十五回 入塔之決心

余置玉掌中。頻頻玩弄。見玉之內部。如金露之液體。中有紅綠二冠形。紅沈則綠浮。綠沈則紅浮。迭相浮沈。若晝夜之循環然。奇哉此玉。果何爲而至此。然余以長岡氏詞鋒銳厲。不敢復詰。惟輾轉反復。愛玩不已耳。長岡氏乃扣余肩曰。此玉奚若。果奇妙否。余曰。實奇妙。余生平未一見也。長岡氏笑曰。若不見液體中有紅綠二物。互相上下者乎。余曰。然。特不知歷幾何年矣。長岡氏僕指計曰。詳固不可知。然大略約二千餘年矣。具體既微小。而含有紅綠二星冠。浮沈其間。若能見此。當審此玉非尋常物矣。余頷首應曰。然。余固審之。其作用雖不了了。然已識其爲非尋常物矣。

余把玩既久。稱嘆不迭。惟余一莽男子。萬一失手。情何以堪。乃兢兢然置右掌以歸。長岡氏曰。是誠奇品。余得見此。眼福固不淺矣。若其慎藏之。長岡氏曰。是玉情若藏之。余愕然曰。噫。異哉。是玉竟情余藏乎。余於玉之使用法。固茫乎未有得。請若勿復弄我。長岡氏嗤然晒曰。若以余言爲戲弄乎。然正因若之不明使用法。用情若藏。從我指揮以使用之。若勿復疑。余凝視寶玉曰。余從若之指揮乎。長岡氏曰。然。從我指揮。吾等行將深入魔塔。力與此九魔賊格。至時機漸熟。始用此玉。余言出。則若出之。余言投。則若投之。武田君。吾等與魔賊決鬥之得勝與否。雪子之得救與否。悉視乎使用法之適不適耳。是玉貴重。尙其慎守勿失。余曰。謹受教。諸人生命。皆係於此。自當固守。不負汝意。長岡氏又曰。是玉聲價。若固知之。然尙有一言。不得不爲君囑。此後我與若深入魔塔。艱難困苦。亦意計中事。萬一君偏遭困阨。九死一生。性命呼

大

魔

窟

吸。則余當出力助君。脫君於險。斷勿以是有魔力。輕於一用。以全生命。蓋恐一失之後。不可復得。而營救雪子。轉成畫餅。若其忍乎。余曰。諾。誓當死守弗失。長岡氏點首無語。絕不詫余之設立重誓。蓋是玉關係重大。誠制勝魔賊之武器。營救雪子之重寶。自不覺其鄭重者。乃納玉於裏衣袋中。

長岡氏出時計。余就而觀之。知爲午前十一時餘。余自出海星丸汽船。而來此瀕海之洞窟。時朝暾正初上地平線耳。既至洞窟。黑面塔淒慘之景色。空中魔神之幻影。無一不接於目。又承長岡氏厚我。凡黑面塔之歷史。與銅爺王之古語。及其探偵內部時所見之大寶窟祈禱室女王山頂之退魔神像。希世奇珍之星冠寶玉。靡不詔我以顛末。俾余得聞所未聞。立此洞窟中。已歷四時矣。猶不速入魔塔。與九海賊決鬥。以出雪子於塗炭。是誠何心。乃問曰。吾與若曷入此魔塔。以畢乃事。長岡氏微点首。乃躍登我來時所乘之獨

木舟出一小包。包中假面軟靴覆面。一切之探偵器械皆具焉。外又有乾麵包及乾肉等類。長岡氏以偵探器械一一檢查。納入衣袋。復取麪包等。顧余曰。若曷來共食之。余自來此。得聞種種之怪語。腹中頗不覺飢。乃辭曰。謝君厚意。吾腹未枵也。長岡氏笑曰。若勿爾。一入魔塔。甯能安然自適。一日三餐。耶。恐一與魔賊決鬥。不得雪子。終不暇食。故不能不先時食此。以果腹而培元氣。否則飢火上燃。膂力尙可支耶。余聞之不得。曰。亦下舟食少許。長岡氏以包中之麪包肉脯。張口大嚼。唇吻翕動。狀若老饕。不一時。多量之麪包肉脯。食盡無遺屑。余見之。頗愕然。

食既畢。長岡氏乃徐徐立起。曰。夫然後可以入黑面塔矣。復顧余顏。莞爾微笑。曰。自今後吾與若生死不可知。惟視我二人之運命耳。故若不可不以生死二字置之膜外。余此時志恣不自己。竟莫措一答詞。惟垂首以示允意。

長岡氏乃鼓棹向前行。中有一大海灣。波浪掀天。勢甚喘厲。薄鐵爾出沒波中。飛珠濺玉。沿灣行數海里。至一處。艤舟片刻。蓋自是至黑面塔。爲程綦邇。余心忐忑甚於前。忽喜忽懼。思潮起落。一秒間。殆有千萬張目。四顧。覺山海草木一時俱寂。惟見高高之黑面塔。聳立雲表。森然有陰氣。塔頂黑旗。從風招颭。幽暗陰沈。不可具狀。

第十六回 約法之預立

是處距黑面島約三里許。中有一港灣橫斷。經行程亦不下二里半。越此上陸。即可索秘密途徑。以入魔塔。余知距離不遠。乃自腰間出手鎗。檢視彈丸。長岡氏顧余曰。由此出發至魔窟。不過三四里。故吾不得不與若立約法三章。余曰。若試言之。長岡氏曰。第一吾輩入塔。凡有舉動。必惟吾之命是從。其能之乎。余曰。能。長岡氏曰。第二魔賊感覺銳敏過人。吾等由此渡海。至隣近

塔處。當端坐勿動。靜謐無聲。若至其地。吾當舉右手以爲識。君自入塔。以至出塔。始終不能發一語。其能之乎。余曰。是固極難。然當勉爲之也。長岡氏至此。若有不嫌於懷者。余曰。請更言其第三。長岡氏曰。若於第二。已有難色。恐此第三。更復難守。余急曰。試言之。試言之。苟人所能爲者。余自當勉意守之。不負君約。長岡氏曰。無他。吾等由此入塔。中途所歷。詎無怪事。至一達塔之內部。則種種變幻離奇。令人顫且慄之事。更不一而足。然當視之若無觀。慎勿爲之倉皇失措。大聲疾呼。君其能乎。余思此約之難倍於前。况倉卒遭遇。失聲狂叫。情不自已。何能默默。然我非怯男兒。奈何自外此約乎。况長岡氏出此約。諒非無因。此次事件。關係綦重。雪子幽栖塔內。正恐望余之眼。殆將穿耳。乃決然應曰。能此約。苟不能守。甯能來此荒寒淒寂之境耶。長岡氏曰。壯哉。此言得此。正不負爲東瀛健兒矣。

大 魔 窟

相約既終。長岡氏乃解纜離岸。舟極小。櫂止一枝。非長岡氏之熟練。不能操之而行。余蜩縮舟中。默然無語。唯見四圍海鳥飛翔。上下海魚亦時時掀浪。躍出狂飆。怒號吹自海岸。來刮刮幾削。余面浪隨風高。遠望如萬鷺來集。白頭四起。亦時高時下。顛簸欲暈。沿弓形之磯。越幽陰之島。穿巨巖之峽。種種險境。在在皆是。長岡氏操舟之術。洵不可及。哉不若是甯能處險如夷乎。余蹲坐小舟。頗不耐此顛簸。乃瞑目不稍動。然心境却如駿馬脫勒。奔馳來往。無復有一瞬甯靜者。自念此變端一起。遠離故國以來。茲絕境界。決死之舞臺。正復不遠。恐不得雪子。吾亦不復生還也。一縷悲酸。斗達腦府。又念爲救雪子。得藉以踏破數千年間人蹟不到之大魔窟。除退爲患世界之大惡魔。他日名滿天下。正未可知。一生勇氣頓滿。全體好奇之心。亦同時蠢蠢欲動。忽復念面黑塔何地。魔賊何人。變幻恍惚。莫可端倪。頃長岡氏言猶在耳。甯敢

作此快念乎。正夷猶間。長岡氏突然喚曰。武田君。余聞之大驚。幾忘獨木舟之傾。而卒然起立曰。何事。長岡氏曰。吾與若談論雖久。竟有一事失問。至此始覺者。故不禁其言之怪突耳。乞君諒余。憶雪子被奪時。其墮於魔術。身幹化爲石像。而半生半死。非有侍女阿梅者乎。余曰。然。長岡氏曰。吾爾時曾言此侍女。陷於夢中生活。雖爲石像。至數十日後。必能回復正氣。然此僅推測之見耳。不審若離日本時。夢中生活曾醒也未。余曰。果如君言。阿梅於出發前五六日。已回復元氣。而如夢始覺矣。前後相距。正二禮拜耳。惟雪子奪去。己身化石。種種事變。茫無所覺。斯亦奇矣。吾不知何因而然。長岡氏頷首應曰。良是。若自快前言之。或中者。後噤不一語。仍操櫂向前進。然余深詫其突然詰此。果胡爲者。特不敢叩其故。而思緒紛紛揣測耳。

時舟已經過海程二里半矣。回首來程。見出發之海岸。彎若弓形。隱隱可辨。

大 魔 窟

正如一鈎新月。籠罩於薄霧間。又有奇狀小岩。突立波間。彌復可玩。舟所行之處。則又深灣屈曲。不可逼視。左峙一岬。狀若巨人。右矗一岩。狀又如牛犢。舟行其間。水波旋渦。冷氣侵入。入肌骨。出岩岬。有一絕壁。臨乎其前。峯然特立。蓋自此至黑面塔。已不及一里。然以是處三面斷崖。轉不見塔之所在。舟行至是處。始泊。長岡氏一躍登岸。我亦隨之上陸。見鋒銳如劍之岩角。與多角形之石礫。徧地深埋。甯能插足。卽有一二稍平坦處。輒復滑滑莓苔。脛力幾不能支。上帝不仁。特設茲險境。以試吾輩。胡太無情。又不審當從何道。得入此塔。回顧海面。波濤滾滾而來。若吞海岸。幽險若此。雖胆壯如余。觀之猶足奪人魄。

余乃穿長岡氏所給之軟靴。蓋茲靴彈力甚彊。雖疾趨石上。步若凌虛。不聞有趑然足音者。至起立時。長岡氏忽向余曰。武田君。星冠寶玉在是乎。余曰。

在。乃揭開衣袋曰。是非寶玉乎。長岡氏始安然曰。若爾良佳。乃舉足前行。若爲引道者。余跡之行。岩石嶢峭。苔草深厚。稍不慎。立卽蹉跌。步履之艱。匪可言喻。行數十武。長岡氏忽回顧。高舉右手。余突然呼曰。吁。忽猛憶余與長岡氏。非有無言之契約乎。呼此吁字。胡爲者。設彼九魔賊聞余音。譁然競出。則貽誤正復匪淺。乃自相策勵。苟不至奪歸。雪子出此。魔塔萬不復一動。我唇齒甯捫舌掩口。以爲此啞旅行。

第十七回 秘密隧道

余隨長岡氏行。默然不語。不敢妄啟齒。以破此無言契約。予行約一町程。長岡氏忽止步。張目四顧。余亦仰首望。見是處四圍峭壁。壁立如列屏。壁之絕頂。殆摩霄漢。且藤蘿葛藟。纏繞無際。天目幾爲之蔽。其下稍幽暗冷寂。蒸水下滴。色可染物。絕壁之東北。巨岩屹立。色白如大理石。前後左右環合自

大

魔

窟

然其形如圓頂之居室然。傍有一泉。團團然若人畫之印於地上者。左方稍廣。深不可測。水色如翡翠。味甚惡。然砥平透明。如碧琉璃。巨岩倒映了了可辨。寫生家無此微肖。

泉與巨岩間有一石碑。高略三尺。若墓標然。風霜剝蝕。青苔點點。如碎翠。碑之表面。隱隱有幽靈門三字。怪哉名稱。余覩之不勝駭詫。摩挲良久。恍然若忘此身之猶在塵世間。長岡氏走至碑側。竭力搖撼。碑忽仆。下有一門。啟之則有大洞穴。幽深不可測。石梯即以岩石爲之。剗刻階級。歷歷可數。探首俯眎。黑闇不能辨一物。時長岡氏忽叩余肩。招手命我下。余爾時亦不省其用意之所在。又不敢啟口設問。以違成約。惟木然相視耳。至長岡氏走入洞穴。余始恍然。徐徐踵其後。然身甫入穴。而穴口之門忽自然運動。闐然一聲。仰視之。蓋已闔矣。

門既闔。穴中黑暗倍於前。長岡氏亦履軟靴。並不聞其蹶然音。又不知行之所在。余僅沿石梯。徐徐而下。覺足下或凹下。或凸出。或苔泥滑滑。幾於蹉跌者數矣。約過十分時。階級始度盡。蓋自地面至此。不知其幾百尺矣。且黑暗無一綫光。摸索前途。彌形悵悵。度此必爲地底隧道。爲通黑面塔秘密之道者無疑。然張臂左右摸索。觸處冰冷。若有邪魔在指尖。至此益大駭。思攝長岡氏衣。爲瞽者相。然不審其身之所在。思呼之來以導余行。則又契約所在。不敢妄違一辭。正徘徊間。忽見一点燈光。閃閃耀吾目。蓋長岡氏所携之探險燈也。於黑暗中驟得此光。奚啻貧男兒之驟獲巨富。忻喜一時。匪可殫述。惟默祝慈悲長岡氏之萬歲耳。隨此燈光。左右一望。果係隧道甚廣大。兩旁巖石凹凸間。具有種種怪幻相。覩之毛髮竦然。思長岡氏以何術得此秘密之隧道。亦神矣哉。長岡氏右提探險燈。回首顧余曰。進音甚低。余亦默然隨。

其後。

隧道中幽冷悽慘。莫可言喻。余二人趨行其間。聞有聲殷殷然來。若魔神之發聲長鳴者。然於彼於此。殊難辨別。且契約既協。良難詰問。余非啞者。奈此恐怖之境。何。側耳聽之。魂幾飛越。憤彼長岡氏。豈無耳者。尙何憫憫前行爲。再三細聆。乃審此音爲余二人足音之反響也。自問諸心。良復啞然。諺云。疑心生暗鬼。諒哉。然行此隧道。不至隕越失所者。猶賴有此探險燈耳。

余隨此燈光行。耽耽注視。目不邪瞬。私念此秘密隧道。自銅爺王開鑿後。數千年苔鎖塵封。無一人經行者。今天時人事。交迫而來。余二人爲此事件。得通此道。良非偶然。若天祐余二人。異日獲救雪子。復由此道以出此險。真感謝不淺矣。且行且念。思潮紛湧。突然一怪事。觸余目。蓋此秘密地道。太陽光線。既無所及。而人世間自余二人外。孰知有此道而偶一涉足者。青苔疊疊。

固所宜然。胡爲燈光所及之處。足跡歷歷。留存於青苔上者。且足跡大小異形。參伍錯綜。至少亦有數人。噫。異哉。豈當時足跡。至今猶未湮滅者。抑豈泉下有人。爲此地底旅行。耶。怪思幻想。甯有終極。俯首細審。見足跡奇特。頗不類人形。何物魔怪。竟先我而通行此道者。噫。其殆擅有魔術之九海賊乎。復審視良久。知必爲潛身塔內之魔賊無疑。果爾。則余二人之危運迫矣。蓋魔賊既目此爲孔道。出入必經。則余二人行至中道。安知不有彼等或臨余前。或逐余後乎。思之兩足趨趨。穀棘不能堪。乃於腰際出手鎗。以備魔賊之突如其來。

第十八回 幽暗之室

幸哉天佑。雖覩此足跡。而中道得不逢此惡魔。詎非余二人之幸福。遺行二十餘町程。長岡氏步忽止。蓋隧道於此盡矣。隧道盡處。一鐵扉障於其前。扉

大

魔

窟

甚巨大。古語謂巴比倫府之鑿門重大。世無其倫。此扉庶幾近之。余急步趨扉前。右手搖撼之。不稍動。長岡氏見之。急挽余臂至其後。兩目炯炯視。若甚怒。余之妄動而叱責者。余念撼此鐵扉。亦尋常事。奚爲是怒視者。况此扉不啓。余焉得入。勢必仍出隧道。而吾輩目的。又何能成。然余於長岡氏。非有惟余命是從之契約乎。與之詛。寧非背約。且長岡氏老成練達。入塔內部。已非一次。固不似余之初入。情殊曠曠者。怒余觸扉。良有以也。於是憤彼之心。一變而爲敬心矣。

長岡氏見余默然。僅微哂。乃移步至鐵扉前。兩手瑟縮。不敢稍觸扉。惟高舉探險燈。細審岩壁。若有所探索者。余亦立其後覘之。見岩壁彫刻痕。顯然可見。蓋一爲經文文字。一爲小蛇文字。甚古。且限於燈光。模糊不堪讀。惟小蛇則蟠屈有致。彌復可人。長岡氏舉燈細讀。若有所悟。乃微觸小蛇。而余二人

所立處忽旋動而鐵扉亦開然開矣。噫抑亦奇也。

扉既闢長岡氏麾余入。余探身入其中見茲室甚巨大亦依岩鑿壁而成幽暗無一綫光與頃歷之隧道無異靈霧充塞如旋渦一入其中覺臭惡之氣撲鼻而來聞之幾欲吐足所觸處骸骨縱橫圓顛方趾猶得約略辨別然目有不忍覩者嗟乎是皆昔年無罪之人遭銅爺王之荼毒茹苦飲恨而葬身於茲者彼上帝何不仁乃爾生此魘王以魚肉臣民靈魂有知亦當上叩九闕以說不平然苟生於今日當不遭茲魘刦試問此二十世紀之時代莽莽圓球中何所容此魘物今覩此纍纍遺骨余心猶悸痛焉正歎息間突聞有人間笑語聲余大駭傾耳細聆覺所聞良確奇哉此聲圓圍岩壁奚由得此急擡眼仰望見余與長岡氏所立之側有一木門頗堅緻窺其隙則隱有一通明之屋宇在焉內有數人高談抗論嘈雜不堪聽余至此益駭知談者爲

誰不問可決。而危機將從此迫矣。回顧長岡氏。則亦面色慘白。注視此門不旁瞬。余欲辨所語。側耳細聽。僅如雨部蝦蟆。呶呶不辨。欲窺其形。則又木門中隔。未得一觀。嗚呼已矣。吾其奈何。

未幾。長岡氏之探險燈。光忽薄暗。驟覺四壁陰氣。相逼而來。然猶可藉之以見物。又未幾。光益暗。而余驚益甚。思居茲暗室。非此何見。燈火不情。一至於此。又無幾時。光小僅如豆。幾乎滅矣。余驚極將狂叫。長岡氏見余驚狀。急推螺旋使起。詎知光質不明而轉滅矣。噫。是可怪也。

火既滅。室中窸窣有聲。若有一物。自余足疾上至余肩。而斜拊余襟首。余急伸手撫之。覺冰冷如死人之腕然者。余此時驚愕不可言狀。生人魂魄。幾至離散。況黝黑無光。何由得覩此怪物。乃急麾手。周章失度。而全身血脈。若浴冷水。無生氣。兩手顫動。不能自制。且顫且靡。不意偶觸側端之木門。塌然一

聲。聲。起。鎖。落。而。木。門。闢。矣。始。見。彼。室。日。光。射。入。不。類。此。室。之。幽。暗。欲。絕。者。然。木。門。闢。時。長。岡。氏。亟。曰。危。矣。急。矣。即。彼。室。談。話。之。聲。由。此。止。而。拔。劍。之。聲。作。矣。余。此。時。身。呆。然。若。槁。木。惟。手。足。尤。顫。動。不。已。耳。

第十九回 余其爲袋鼠乎

木。門。忽。開。魔。賊。已。覺。余。手。足。顫。動。不。知。所。出。急。顧。長。岡。氏。長。岡。氏。知。事。敗。露。亟。握。余。腕。曰。事。急。矣。將。奈。何。復。促。曰。走。走。舍。是。無。他。策。不。爾。魔。賊。之。劍。刃。將。及。矣。速。走。勿。延。佇。語。畢。即。翻。身。出。走。兩。足。如。飛。而。去。余。聞。是。言。亦。若。得。將。軍。之。令。疾。馳。遁。出。然。聞。彼。數。魔。賊。已。拔。劍。出。門。羣。相。鼓。譟。而。出。矣。

隧。道。暗。黑。初。入。時。固。安。行。徐。步。且。賴。有。探。險。燈。以。燭。照。者。此。時。暗。中。摸。索。遁。何。能。者。然。丁。茲。時。間。生。命。呼。吸。亡。命。奔。逃。猶。慮。魔。賊。之。或。及。兩。足。飛。馳。若。獲。天。助。並。不。觸。碍。然。恐。怖。之。極。魂。魄。飛。越。即。有。觸。礙。甯。復。顧。恤。奔。至。隧。道。中。間。

大

魔

窟

岩石凹凸更甚。每一舉足。動蹶。至三蹶而力不能支。崩然跌矣。余急欲翻身騰起。首適又觸岩壁。砉然震響。身復傾跌。驚痛幾欲暈。而濡濡下垂。濕我襟領。知血已湧出。不可制。嗟乎。彼長岡氏已揚長前去。甯復知余遭此挫折乎。然魔賊足音已相逼而來。急忍痛掙起。思欲再奔。而吁吁喘息。既將絕。痛又不可忍。張臂摸索。思暫得一藏身處。以待魔賊之過。幸天不死余。於所跌處得一安樂窩。蓋此隧道。既歷數千年。岩壁破損。在所不免。余所觸處。適當岩壁破裂中。有一穴。廣可三尺。得此大喜。意此殆余暫避賊鋒之安樂窩乎。穴中如何。雖不可知。然於斯時得此。亦可以少息。乃急返身入穴。時魔賊之鼓譟聲。馳逐聲。相雜而來。距余止七八武。隧道中回響隆隆然。觸余耳。余蜷縮穴中。狀若袋鼠。心突突躍不已。思魔賊非易制者。羣相追逐。疾於風電。余身雖隱。不審長岡氏能脫此厄否。然余之生死。亦正難決。倘魔賊

追擊之間。探得此穴。則賊既得余。甯肯稍縱。思至此。默默無主。思謀所以衛己身者。急探腰際手鎗。杳不可得。知已於傾跌時墮落矣。然爲時已迫。前後搜索。誠恐不及。籌思無策。心急欲焦。猛憶長岡氏未入穴時。曾言星冠之玉。殊可寶貴。制勝魔賊。舍此末由。今此寶玉。尙在袋中。何妨藉此一試。以顯功用。然又念爲余一人。輕投此玉。萬一失之。甯能再得。此玉若失。則蠢爾魔賊。既不勝。而亭亭雪子。將終墮此魔窟。不復再覩此光天化日矣。余甯保藏此玉。曝屍於此。斷不忍冀免一身之危難也。然則欲謀護此身者。將奈何。無已。惟賴此拳耳。余亦勇男兒。彼魔賊來茲。設使得探余藏身處。余惟仗此無情之拳。出其不意。制彼機先。雖白手不持寸鐵。而隧道甚狹。勢難並進。自揣拳力。敵彼四五人。良非難事。乃突然舉臂以待敵至。決計與魔賊敵。然又念腕力雖強。敵彼魔賊。恐欲勝反致敗耳。喪身魔窟。縱不爲弱。然鹵莽債事。甯非

妄乎。乃復歛拳入穴。蝟縮不敢出。以觸賊手。噫。余其甘爲袋鼠乎。此時思潮起落。雖叙至數百言。不能盡。然僅一瞬間耳。故至甘爲袋鼠時。而魔賊之縱猶未至。

轉瞬間魔賊八九人。爭來余前。喧譟之聲聒余耳。瑟縮狂顫。不能自制。至余前者若止步。余更恐怖不可狀。殆如罪人臨刑時。突見白刃加諸頸。而一縷靈魂飛越。失舍者未幾。不覺魔賊又舍我去。而雜沓之聲去。余漸遠。余心始稍定。然猶不敢出一息。若恐魔賊聞之。復躡余蹤焉。

余聞魔賊輩去已遠。心大喜。若死人之得蘇然。然心猶不能釋。蓋魔賊當過余前時。突然止步。似有所悟。其語言囁雜。雖不知作何語。然彷彿間。若嘲余之甘爲袋鼠。而曰。勁敵在前。當急跡之。似此弱蟲歸時。再治未晚也。故復舍余去。而跡前行之長岡氏。否則既止。復行奚爲者。茲雖臆想。確否不可知。然

窟

魔

大

此隧道。魔賊輩業已熟經。若此岩穴。甯無聞見。以此思之。所聞良確。然則余雖不遇惡魔。僅一時耳。後此其奈何。彼長岡氏固亞東之名偵探。機敏勇壯之偉丈夫也。其生平嘗自謂此身入水不濡。入火不燃。遭人毒手。良可無慮。故所歷危境。亦非一次。悍賊強敵。降服孔多。若彼魔賊。甯能挫其一毫乎。然余滋愧焉。余生平亦自詡力敵三十人者。臨茲危境。遽爾身傾鎗墮。縮身穴內。而爲袋鼠。一生膂力。至此何存。卽機警敏捷。亦不及長岡氏之萬一。加之魔塔內部。余本無知。失此良導。何異盲者失杖。此時一別。不省何時得遇。愁緒如亂絲。蓬蓬紛起。而首痛至此。亦漸覺鬱鬱。居此終非久計。然舍此外。出必遇魔賊。亦止爲撲火之蛾。籌思移時。伸首內望。見暗室鐵扉。明光斜透。乃決復入內。冒險以一探此木門內魔賊之居室。遂出穴。傾耳聽之。寂無所聞。而魔賊之縱。已杳不知其何往矣。

第二十回 大醉漢

余既出穴。乃急屈身左右摸索。以覓頃刻所墮去之手槍。旋得諸相距數步處。已失之物。至此復得。合浦珠還之樂。亦人生第一快境也。果早得此手槍。吾當扼守此隧道。不令魔賊輩越此一步。越此者中彈斃惜乎。身傾卽墮。便宜此輩魔賊也。取手鎗仍置腰際。躡足疾走。踰鐵門入立木門前。探身窺內室。音響寂寂。闐其無人。知數魔賊羣出追逐。大喜入室。見室頗宏壯。四圍牆壁。純用大理石壘成之。莊嚴華麗。在在眩目。當世名工。莫能建之。不審此室在黒面塔中。有逾於是者否。然爾時銅爺王窮奢極麗。是雖壯觀。恐後此所見者正多也。

室之中央設一床。床板彫刻精細。形神磅礴。無一毫斧鑿痕。每步至床板。各板自然上下。衆樂雜奏。音之合度。雖鈞天音樂。不是過也。步若停。則樂亦劃

然止。知此爲當時銅爺王之寢室。然床板能自上下。以作音樂。工作巧妙。一至於此。誠不可思議哉。

驚訝間。斗覺有一縷香氣。觸入鼻管。神魂頓爲之清沁者。龍之涎耶。麝之臍耶。覺此香只應天上。迴非人世間所習聞者。不省其發自何物乎。徐徐迴顧。見壇上置一水晶瓶。瓶式甚古雅。且綺麗。中有花枝。花兼紅紫綠三色。脂粉爛熳。綠葉繽紛。雖種非瑤島。博物家亦恐無能舉其名。有一美蝴蝶。翩然而來。四翼之色。如天半虹。繞花飛舞。上下不已。蝶翅觸花。花瓣紛墮。蜨去落花。飛集舊枝。新豔如故。香氣更冷乎馨乎。溫馨不絕。余聞之心幾醉。嗟乎。好花易謝。春日難留。是人世之恒言。而是處獨有異者。

床之前一食几。形橢圓。周圍列椅九几之上。盃皿綺麗。成行陳列者。不下數十具。中盛食品。莫舉其名。總之不離乎山海珍錯者。近是。苟有麥麥葡萄酒。

大

三鞭酒等瓶。林立左右。惟刀叉位置。凌亂無次。椅座亦多傾倒。燒肉之皿。蒸氣猶蓬勃焉。是殆彼魔賊宴會於此。聞余觸木門音。乃始拔劍群起。致刀叉橫。椅座倒而不顧。周章之狀。睹斯可知。

余見此酒食。口角流涎。然余非饕餮。奈何一觸於目。遽爾垂涎。欲大嚼之。以爲快者。蓋余自昨夜海星丸晚餐後。今辰卽離此汽船。以來海岸。與長岡氏談論數時。雖勺飲亦未入口。卽頃出發時。心懼於魔窟之危。志怯氣餒。又何能食。一入隧道。奔走往來。至此時飢火上燃。腹背殆將粘合矣。幸上天賜我。留此美味。以實我肌腹。我卽不食。上帝不將嗤我爲賣獸者。試思是等珍錯。食者之口福不淺矣。一旦得之。甯肯置之不食乎。況彼魔賊。正視長岡氏爲勁敵。百計窮追。卽再入室。甯無十五分或二十分之間隙乎。乘隙大嚼。匪特療飢。抑亦鼓勇。乃取一椅坐其上。

窟

魔

是等意緒。余後時亦頗自哂。然在當時。則固有此思想者。余坦坐椅上。四圍瞻矚。覺室宇軒昂。花香蝶影。珍錯美味。羅列我前。意地暢適。幾忘此地爲懾人意氣之魔塔者。凡已往之苦難。與未來之境遇。俱惘然忘諸懷。且割且啖。豪興勃勃。味之甘馥。余生平固未一嘗骨肉狼藉。殆不可狀。幸爾時無伺其旁者。不爾。飢鷹餓虎之嘲。猶恐未盡此形容焉。數分時。食已盡。所餘者僅殘羹耳。而余腹亦果矣。

天下事以知足勝。不知足敗者比比矣。余後此九死一生。起震天撼地之波浪瀾者。正坐此不知足之弊。蓋余腹既果。亦可以已。乃對此酒瓶。興復如潮湧。倒酒狂飲。勢若渴驥之吸泉。一瓶既罄。一瓶又續。如是者凡麥酒八。葡萄酒三。三鞭酒二。蓋已十三瓶矣。余固一東洋豪飲家。夙在日本時。當與同學長夜痛飲。酣嬉淋漓。曾未一醉。然今於一時間。傾此十三瓶。任爾酒中仙。烏

得不醉爾時。余酒氣上湧。覺勇力百倍於前。天下事無有足以難我者。彼魔賊輩。么麼小醜耳。若來歸。當飽之以乃公拳味。醉態。慳騰。頽然坐椅上。

余復念此黑面塔之內部。不意竟若是其華麗者。此室如是他室可知。曷乘此餘興。徧探各室。匪特廣余所見。卽美人雪子。或者得覩。果爾。余當舒臂。揉進挾雪子於肩。飛步以出。此魔塔計之便捷。莫過於此。何至待長岡氏之焦心。悴慮乎。一出魔塔。余當長嘯一聲。俾長岡氏驚余之不勞而獲。高唱萬歲。賀我成功。卽魔賊輩。怒余羣來追逐。則余當翕舒兩臂。以爲大刀。往復上下。如風車。使若輩魔賊。咸斃於車下。膚色青紫。積尸以爲山。得此寧非生平一大快事耶。思至此。興豪發益不可遏。突然離椅起。

第二十一回 銅爺王之肖像

余中酒後。離椅起。步履蹣跚。醉眼四顧。見此室西北牕。適與隔海女王山之

小島遙相對照。牕之左近。一金繡門簾障一扉。扉正洞開。門簾隨風徐徐動。揭簾探望。則卽塔之外廊也。廊中一浮橋斜上。亦純用大理石。皜白如玉。龍惟莓苔滋蔓。點點青葱。彌復可愛。蓋卽長岡氏所謂由此達彼之大浮橋也。思欲登橋。恐醉後步履不慎。或遭傾跌。况一面臨海。層波洶湧。墮落於此。必爲藻屑。對橋凝視。卒趨趨不敢前。急返身仍入此室。突見正壁間。懸有一油畫肖像。雖歷數千年。紙色蒼然。然審其顏貌。精神活現。而一種兇厲之象。尤隱隱然吐露於眉宇間。令人猶不敢逼視。余趨近其前。略視大概。卽迴踵出。蓋余不欲久滯此室者。

甫迴踵。足觸床板。發聲甚鏗鏘可聽。思若此制作。誠巧奪天工哉。乃更走近其處。欲一探其關鍵。不意於是處。更見一肖像在焉。頭上戴一寶冠。金銀寶玉。徧於四緣。光彩奕奕。眩人目。頃長岡氏所謂星冠。此物庶幾近之。巨顏長

大

魔

窟

髮兩眼深窪。色如碧玉。兩耳特長。下垂幾及肩。身衣紫衣。右手携一鐵杖。面目丰采宛如生。余大駭。謂猙厲若此。不審爲誰之肖像者。端洋審視。果於額面之下。見有三細字。曰銅爺王。

噫。是果銅爺王乎。咄哉。此奴。咄哉。此奴。彼於數千年前。高據獨夫椅。以自尊貴。不進世界之文明。不與人民以自由。徒欲窮奢極欲。享受此帝王幸福。是可忍也。孰不可忍。甚者。竭萬姓脂膏。供一已揮霍。造此黑面塔之大魔窟。以位置數百千無罪之臣民。海底牢獄。古所傳聞。種種慘毒。暗無天日。生性之殘酷。甯得謂之人類乎。生前罪惡無可道矣。暮年垂死。大懼冥罰。又設種種退魔神像。俾若輩魔賊。尊爲海王。奪美人雪子。以爲祭時之犧牲。累我與長岡氏。跋涉數千里。以來茲絕境。死後刑誅。甯可逃乎。余一東洋自由民。不容汝專制惡魔王。爲世界毒。今雖死矣。肖像尙存。曷飽嘗我武田勝雄之拳。

乎。時。酒。氣。大。湧。膽。大。如。天。末。有。顧。忌。乃。對。此。肖。像。嚴。詞。呵。責。若。數。其。罪。曰。咄。哉。爾。奴。若。不。以。呻。吟。苦。痛。之。聲。流。血。慘。死。之。狀。爲。大。快。於。耳。目。者。乎。余。當。抉。爾。目。揉。爾。耳。以。懲。之。若。不。以。美。男。之。眼。孕。婦。之。腹。三。月。嬰。兒。之。生。膽。爲。天。下。之。甘。味。乎。余。當。拔。爾。舌。以。懲。之。若。不。以。無。罪。之。臣。民。與。活。地。獄。之。慘。苦。俾。爾。得。快。於。心。乎。余。當。斷。爾。頭。以。償。厥。愆。又。剖。爾。心。以。觀。厥。狀。揮。拳。亂。毆。不。數。下。而。肖。像。之。面。目。毀。矣。頭。顱。飛。上。適。當。岩。壁。反。墮。床。板。乃。舉。足。蹴。踏。碎。爲。微。塵。探。入。肖。像。內。部。中。無。所。有。惟。實。少。許。木。石。耳。乃。曰。有。此。木。石。心。腸。無。惑。乎。生。前。殘。虐。至。於。此。極。乃。自。窗。擲。出。下。投。諸。海。嗟。乎。若。此。舉。動。雅。屬。無。識。天。下。由。此。以。招。社。會。之。指。摘。增。鄉。愚。之。迷。信。者。固。不。少。矣。文。明。人。甯。肯。出。此。然。余。在。當。時。酒。氣。醺。人。碎。此。惡。魔。王。之。肖。像。誠。無。上。之。快。舉。也。意。氣。昂。然。聊。無。顧。慮。

余既毀像少憩。香氣芬郁。花影低亞。四翼彩蝶。又欸欸飛來。瓶中各花。仍復亂墮。蝶乃去。迴集於正壁所懸之油畫。肖像處。意是處。殆有珍物乎。不爾。蝶胡爲者。乃睜起醉眼。細審其處。見壁間現一美人。手膚色膩白如寶玉。長指委曲。殆如招我。余見之。殊愕然。

第二十二回 幽囚之美人

余見壁間現一美人手。突然一驚。念此又不知是何怪物在。乃趨近其前。一握此手。冰冷堅硬。雅不似生人手腕。細審之。蓋由蠟石築成者。握此手腕時。余立處之床板。忽豁然下墮二三尺。而正壁間之暗扉。亦閉然開矣。

余睹此壁扉洞開。頗自驚駭。乃急探首內望。見一薄暗之室。廣袤與此室同。烟霧深鎖。朦朧不能辨。惟見室之中央。設一寢臺。絹帳紙垂。帳內有一妙齡美婦人。若天女化身。側身寢臺。鼾鼾入睡。意此美婦人果爲誰。乃急入室。

欲就近覘之。忽有一物自背後無音而來。自足至肩。斜附襟首。撫之冰冷如死人手腕。正與頃暗室中所遇之怪物者無異。余急舉兩手擊落之。曰。咄。是何怪物。敢頻來擾我。寧然一聲。卽墮地。見一蛇細而長。背上銀鱗。光皚皚然。頗眩目。匍匐地上。仰首瞻余顏。余亦數之曰。爾畜可惡。頃暗室中未有日光。爾畜得倖免。今又來茲。冀謀毒我。咄爾賤畜。何可惡。乃爾。余必蹴殺爾。以除患。乃舉足欲蹴。蛇若有知。急遁入寢臺之側。余恐其毒此美人。急進逐之曰。賤畜賤畜。爾何往。見室之壁隅。下有一小穴。蛇入其中。尙首迴顧。余紅舌時咋。余覩此狀。益欲殺之。然追至壁隅。而蛇之全身已盡入穴。此蛇怪狀。余至今猶不能忘。殲之不得。徒呼荷荷耳。

余乃走近寢臺。揭絹帳。細審美人貌。見黑髮蓬蓬然散枕畔。玉容憔悴如患重疴。眉眼顰蹙。似有萬千愁緒。盡鎖眉尖。然慘澹之中。猶不掩十分艷麗。枯

稿之狀彌復可憐。嗟乎此美人爲誰。是卽余與長岡氏所以冒千難萬苦入此魔窟而竭力營救之美人雪子也。

余見之。淚涔涔下。非悲也。蓋喜極而轉爲此也。然見此固亦有可悲者。思爾雪子享家庭幸福。自謂人寰中之仙女。何意磨蝎未除。變生不測。竟一旦而爲黑面塔中之俘虜乎。秀肌媚骨。女界中是爲翹楚。陷此魔塔。曾無幾時。衰憊至此。幾不復識。識雪子者。殆無不憐彼薄命。況朝夕共處之。余其能弗悲然憂惱。攻心胡爲。猶甘入此黑甜鄉。而鼯然不醒者。不忍遽使之驚覺。僅俯首拊耳曰。愛娘醒未不應。復再三呼之。而鼯鼯如故。不得已。乃手摩其頂。趣之使覺曰。愛娘醒。雪子愛娘速醒。雪子身微動。目亦徐啓。仰見余顏。若頗驚訝者。曰。若非武田君乎。抑何酷肖也。雪子疑懼。急下寢臺。細細端詳。余顏曰。是果爲故鄉之武田先生者。然何爲相見此手。此殆夢乎。蓋雪子自入魔塔。

朝朝暮暮。所接諸目者。無非人獸參半之數。魔賊而可愛之阿爺。與相愛之朋友。雲山萬里人絕路。殊魂夢中。或可把晤。否則甯有一日相見耶。今睡夢後驟然晤余。疑爲夢境。又何足怪。乃急語雪子曰。是非夢。愛孃勿疑。我與名偵探長岡氏。計欲營救愛孃。忍入此黑面塔之魔窟。愛娘勿疑。雪子微頷首。潛然流涕。唏噓握余腕而顧我曰。君自故鄉來。君知吾父無恙乎。余亦含淚答曰。愛孃母慮爾父伯爵。強健如故。惟以愛娘事。日自愁歎。怏怏頗有憂色耳。愛孃若能得上帝眷顧。早日出此魔塔。則令父伯爵。得早一日慰老懷。愛孃其自愛。雪子舉袖拭淚。殊復慘然曰。嗟乎阿爺。以妾故傷厥老懷。妾罪何辭。雖然於事甯有濟乎。掩面入余懷。泣不止。

美哉雪子。忍己之苦難。係懷於老父之安危。愛孃誠加人一等哉。橫遭魔賊之毒手。而幽囚於此。抑何命蹇。美人薄命。至斯而極。余對此亦不覺惻惻動

大 魔 窟

人乃徐撫雪子肩曰。愛孃其自愛。勿復慮此。余與長岡氏忍入魔塔。來救愛孃。長岡氏今雖不在爾愛孃前。然固名偵探也。今誓決死救爾愛孃。出此魔塔。決非虛語。愛孃與令父伯爵相見之期。正復不遠。勿再爲此惻惻以自傷。雪子顏稍霽。左手拭淚。右手握余腕曰。武田君。語至此。淚落如繩。哽噎不成聲。移時始復曰。噫。若與長岡氏不忍。妾之墮茲苦境。冒萬難以來。茲此恩此德。設世不忘。雖然是固妾之初念。不能到此者。妾曩偕侍女阿梅。出遊大森海岸時。見獐厲之黑面數魔賊。突然渡海來。倉卒間。逃避不及。卒至被難。自入塔後。幽囚於此室中。終日不能出一步。側耳不聞音。舉眼不見天。僅於朝暮時。有面目可憎。似人似鬼之九魔賊。送少許之飲食物來。外此則淒涼沈寂。陰氣襲人。且茲境位於地球之南極。哥崙布所未經。麥折倫所不到之處。故此魔塔。雖歷數千年至今。曾未表暴於世者。妾以一女子。身幽囚此黑暗。

之牢獄。搶地呼天。誰有應者。故妾居此。自分折蘭摧玉。此生已矣。甯復望君等之援手乎。今若與長岡氏熱腸。磊落冒險而來。爲救妾之謀。妾當熬一瓣心香。祝爾二人之萬歲。然茲塔旣幽險迴絕。彼魔賊亦勇力過人。若雖武健。度非易下手者。況妾已垂死。在在累君。再覩天日。殊非易易。若以妾故。累爾二人。同陷魔窟。匪特無以對君。抑且重增妾罪。妾雖無狀。詎復贖贖。若此。天乎。已矣。夫復何言。若速出。妾不復見矣。語至此。聲益嗚咽。曰。武田君。若宜自量。勿爲妾身自苦。若能援妾出塔。固所甚願。萬一不然。宜速歸本國。慰妾老父。無令憂傷哭泣也。言未旣。淚復濕襟。悲哀不可抑。余曰。愚矣。愚矣。愛孃之愚。何至於斯。余與長岡氏均誓死以救爾。愛孃出茲危境。偕歸故鄉。俾愛孃與老父。重享家庭幸福。愛孃慎勿自苦。余決不爲此虛語。以誑愛孃。雪予垂首不語狀。如名花萎露。彌復可憐。乃力把其腕。思乘此隙。以出此魔塔。

第二十三回 大浮橋

余把雪子腕。將乘此逸出時。忽聞有隆隆然如遠雷。側耳澄聽。音響漸近。轉瞬間。審知此音。實可恐怖。蓋爲魔賊歸來。經行隧道之履聲橐橐也。頃魔賊不知余之潛身岩穴。徑行直前。以逐長岡氏之後。今相率而返。不省長岡氏能脫此厄否。未幾。音益近。若已至鐵扉處者。余大驚。酒爲之醒。乃急釋雪子腕。曰。嗟乎。彼來矣。可若何。雪子亦顏色慘變。曰。彼之冠然者何音乎。豈彼黑面魔賊之歸來乎。武田君。是果爲黑面魔賊之歸來者。言已。倉卒四顧。似爲余索藏身處者。余亦曰。彼來矣。可若何。彼來矣。可若何。再三審顧。幾至失措。思將索藏身處乎。抑求逃生路乎。然環顧室內。三面石壁。頗形堅固。無隙穴可尋。一面爲余先刻穿窬而來之出入口。適當魔賊之歸途。卽所開一窓。面波濤浩淼之大海。鐵欄圍繞。甯能逃遁。噫。余其爲籠中鳥乎。奚能衝決此網。

大

魔

窟

羅以飛入於冥冥中。耶。于。室。中。計。無。所。得。

時。魔。賊。輩。之。足。音。益。不。遠。似。已。至。隣。室。之。木。門。左。近。者。余。思。潛。身。於。寢。臺。下。然。又。念。余。一。鱗。鱗。之。壯。男。兒。伏。人。床。下。甯。非。羞。事。然。則。將。何。以。處。此。危。急。時。乎。不。得。已。定。一。決。死。之。策。念。與。其。避。賊。被。捕。而。死。無。甯。與。賊。決。鬥。而。死。等。死。焉。而。勇。怯。異。矣。况。寶。玉。具。在。正。可。及。時。一。顯。其。功。用。度。長。岡。氏。未。必。怒。余。計。已。決。無。復。有。周。章。之。狀。乃。從。容。自。腰。際。出。手。鎗。將。突。出。隣。室。以。待。魔。賊。來。與。之。開。決。鬥。而。立。余。側。之。雪。子。早。涕。泗。交。墮。悲。不。可。抑。捉。余。腕。而。言。曰。急。矣。急。矣。武。田。君。勿。爲。此。冒。險。卽。引。余。至。寢。臺。側。橫。臥。其。上。以。尙。襲。餘。溫。之。衾。被。覆。余。身。雪。子。亦。斜。臥。寢。臺。覆。以。水。色。布。被。如。先。時。之。酣。臥。冀。以。遮。掩。余。身。而。欺。魔。賊。之。目。雪。子。誠。愛。我。哉。

時。羣。魔。賊。雜。沓。自。隧。道。以。入。隣。室。遽。發。聲。狂。叫。聞。之。如。山。中。猿。嘯。殊。不。類。人。

大

魔

窟

音蓋隣室之中。狼藉幾不可收拾。几上食品。啖盡無餘。而十餘酒瓶。亦無剩滴。羣相供奉之。魔王肖像。身首異處。蕩爲塵土。大聲怒鳴。雖獅吼。狼嗥。無以加之。且鳴且躍。床板亂響。耳幾爲聾。余蒙被偃臥。呼吸亦不敢聲。自悔舉動何粗暴。乃爾頃在隣室。狂吞大嚼。以至於醉。醉則毀肖像。啓壁扉。凡百暴動。無所不至。結此惡果。以激若輩。魔賊之憤怒。然猶畏首畏尾。不能決然出諸險。反奪雪子之寢臺。爲藏身之固。萬一魔賊輩探獲。余踪則余之來。非救雪子。轉速其禍。將何以對我。雪子粗暴之罪。無能道矣。正自愧悔。聞隣室魔賊果以憤怒之極。突然而來。

余聞魔賊入此室。縮身不敢動。雪子亦張身蔽余。微形服慄。諸魔賊初時。東奔西突。狀若猛虎。探索無所獲。爭相怪詭。乃向雪子喃喃語。唇吻翕關。若相責問者。雪子低首無言。然悲狀更不可掩。無幾。突有一魔賊大聲高呼。餘皆

羣趨而來。自被底捉余踵。余知不得免。突然躍起。劃然長嘯。聲如裂帛。蓋所謂臨死時而發死聲。有不自知其狂哮者。飛降寢臺。突貫群魔賊。魔賊驚其不意。自相辟易。得出此室。然亦險矣。

余既出室。見通行地道之木門。已嚴扃固鎖。不可出。周視室中。絕無去路。所得出者。僅頃刻所趨。越不敢進之大浮橋。此時機危間不容髮。挺而走險。急何能擇。得此浮橋。寧能舍此他適耶。亟出戶。上登浮橋。回首一顧。見魔賊八九人。各戴鐵假面具。面目黧黑。狀若羅刹國中人物。獍猛之姿。寧不畏人。頭上爛爛星冠。果如長岡氏所言。手提長劍。奔馳而來。余奔上浮橋。左則岩壁聳峭。右則怒濤逆卷。臨此絕境。亦頗壯觀。然余於爾時。迫於魔賊之追。高下且不能辨。不數秒時。浮橋已度盡。見橋之一端。有大理石之女神像二。相抱而立。余伏身竄下。疾如風過。此即塔之內部。長廊屈曲如複道。舉足疾走。長

大

廊盡處一石梯斜倚而立。見之頗復趑趄。然群魔賊已相逼而來。急登石梯。歷梯級。疾於揉之升木。蓋余爲魔賊追逐之身。如鹿之被逐於獵夫。舍是寧復得免。一梯既盡。又是一梯。復昇之。如是者共歷盡七石梯。而魔賊足音。仍若追風逐電。雜沓而至。嗚呼。前途既盡。後敵方來。余其奈何。不得已。復躡足至塔之絕頂。

魔

既登塔頂。見此塔起於狂瀾噬磯之斷岩絕壁上。而聳立天空。高出海面。蓋不知其數百尋丈。朔風獵獵。排山倒海。而頃從海岸所見之黑旗一旒。今現於目前。飄飄無所定。對此淒景。已自可怖。而魔賊之呼噪聲追逐聲。亦自石梯飛馳而至。余驚極欲暈。思臨茲絕頂。逃將安往。東北南塔石壁立。不敢俯視。四圍山水。望之縹緲不辨。若有煙霧深鎖者。惟見西北一大噴火山。絕頂摩空。與魔塔隔海對峙。蓋卽立退魔神像之女王山也。然此輩魔賊。群欲得

窟

余以甘心。故飛足窮追。半身已現於塔頂。余見之駭極。曰。咄。奈何。馳逐塔頂上不得遁。

第二十四回 銀鱗之毒蛇

余逼於魘賊。馳逐塔頂時。見塔之西角。自絕頂直下二層。勾配甚固。屋瓦鱗鱗。尚可插足。此時危極。甯復有所顧慮耶。乃自塔之絕頂。奮力一躍。以冀得此屋頂爲駐足地。然直下之勢甚猛。兼之屋頂雨淋風吹。青苔重疊。以足注之。適爲苔滑。反下墜。余急呼曰。苟不得止。余其休矣。思此屋頂。手足不得攀。則余身將如彈丸脫絃。而一層。而二層。而三層。直墮而下。不至岩石矗立。波浪涌起之所不止。余身不爲海底之藻屑。必爲岩壁之微塵。正愁思間。而余之半身已離屋頂。余又呼曰。休矣。余身必斷送於此矣。大聲狂呼。迄無應者。

余臨此生。死一髮之境。身離屋簷。出死力。舉兩手。冀藉以支撐其身。俾勿
 下墮。幸哉。天不殲余。兩手得攀角外嚮之塔簷。身懸空中。雖未必不死。然尙
 得苟延片刻。心始稍定。風聲調刁。自海面吹來。身搖搖如鐘之擺動。仰眺天
 空。大如笠塔頂白雲往來。變黶。下則塔壁聳立。圍列如屏。風奇岩怪。石突立
 如劍。周布島麓。岩石之外。茫茫一片。無涯。浪怒濤破。空而來。飛花濺雪。
 岩石幾碎。余懸身危境。目眩而魂爲飛。越塔頂。魔賊鼓譟如故。身搖不定。腕
 漸萎。體漸疲。力漸不能支。然手一縱。身卽下墮。於千尋海底。而隨此不情之
 潮流以去矣。於此危絕之境。有誰慈悲。人能援余之生命乎。彼長岡氏
 苟知余陷此。必來助我。然彼之生死。猶不可知。況於此淒涼荒寂之黑面塔
 四方數十里。鳥且不見。一羽所接。諸耳目者。僅恐怖之境。遇與塔頂魔賊輩
 之喧噪耳。援余生命。其又何人。然風益厲。身之擺動亦愈甚。而兩腕更不能

支未幾手忽滑。而身將碎然墮。

此時余手足失措。魂爲之蕩。驚駭之狀。較罪徒之受死罪宣告。置己首於斷頭臺下者爲尤酷。蓋受死罪之人。猶得瞑目無覩。而聽教士之懺悔以引導之者。今余死於此。誰使我瞑目。誰爲我懺悔者。惟覺海波浩淼。岩石嶒嶮。險境突現於目前。而魘賊喧譟之聲。不絕於耳。嗚呼。天乎。余有何辜。而自高之塔頂。以葬身於千尋之海底乎。死之慘酷。甯有加余而上之。此時又忽有眷戀之念。紛集於胸。思頃別雪子。誰謂死別。然自此以後。不可復見。苟令雪子知之。自當紅淚交墮。痛余之援救美人。喪身窟窟。歌哀詞以招余魂。即長岡氏亦必脫衣下海。索余所委之骸骨。不得則木立海濱。放聲一慟。故鄉之親戚朋友。在此時亦群相笑語。謂武田君歸時。必能以奇絕怪絕之談。走告余輩。屈指歸期。殷殷屬望。安知余之慘死於此。不復生還故國矣。可憐無

定河邊骨猶是深閨夢裡人。斯言亦太可哀哉。轉瞬間思潮起落。有如是其交集者。

生死鬼頭神魂失舍。而種種思念浮現。心胸者亦人之恒情耳。然絕處逢生。得無意之救護。脫此無限之危境。而終不至於死者。余之運命亦惡而佳矣。余正危迫間。忽覺余首上窸窣有聞。急觀之。蓋卽隧道中驚我塔室中脅我之惡蛇也。身蟠余首尾伏塔簷。仰首咋舌。鱗鱗有銀色。氣味甚惡。不堪入鼻。蟠伏之力遠過兩腕。噫是殆天使之來以救余生命乎。否則不十分時腕力一失。此身早墮波濤間矣。未幾惡蛇嚙余肩。舐余頰。氣味之毒不可狀。余又念是殆非助余生命而反促余者。然與其受惡蛇之毒。蒙種種不潔。以死甯撒手下。墮飲滿海水而死。計略定將放手時。忽聞有橐然一聲。達余耳。

第二十五回 空中之大傘

余聞此聲。若啓窓牖。急張眼顧。無所獲。又俯首視。果見離懸身處約三層許。塔壁間一小窓忽開。一人探首仰望。分明打個照面。然以是人戴假面具。廬山面目。良非易測。諦視之。大喜過望。其人爲誰。蓋卽名偵探長岡氏也。余於懸身空際。旣苦脆弱。又苦蛇毒時。得此長岡氏遇諸日。若在地獄中得逢生佛者。一時喜悅。匪可言喻。乃放聲呼曰。下之探首出望者。非大偵探長岡氏乎。大偵探。大偵探。速來救余。不則余其休矣。長岡氏急舉眼。瞰余曰。默勿聲。我當來救爾。言次。復出半身。仰望余所攀處。乃笑曰。若眞幸矣。彼蟠伏塔角者。非蠻蛇乎。武田君。若得賴之下降。必無患矣。蓋此蛇狀雖兇惡。並不加害於人。特其性好人體溫暖。故一聞人氣。卽來繞其身。無他意。是名蠻蛇。爲此島之特產者。武田君。爾慎勿怒此蛇。蓋其尾有一綱。若之生命係於是者。若當握其綱以下降。毋多恐。言畢。卽縮身入塔。已不見。余復呼曰。稍待大

偵探乞稍待余。然亦不聞有答詞。不審長岡氏又往何處去矣。

此持蠻蛇纏余左手。氣極臭惡。且冰冷如死人手腕。親余肌膚。實所難堪。然一聞長岡氏言。雖不辨其謊實。而恐怖之心。早已屏退。惟念此蛇頃於隧道塔室。自足至肩。以爲毒余生命者。烏知其殷殷親人。僅好其溫度耳。而莫余毒也。不惟不毒余。且足以助余生命。長岡氏之言。誠不思議哉。然亦決不欺我也。

余左手攀屋簷。右手探蛇尾。其尾果有一網。洵可謂救余生命之網也。雖其他端未知所拊。握此以降安危。亦未可預卜。信他人之言。而握此不知素性之網。以試於生死一髮之危境。甯豈明哲者所爲。然長岡氏之經驗。閱歷。強余什倍。其思慮之精密。機智之銳捷。不言則已。言則無或爽者。卽此生命之網。寧獨不實。况余惟彼之命。是從。胡爲鰓鰓焉。過慮其所言之不驗乎。乃固

握其綱。思將由此飛降。然波瀾涌起。之大海突現。眼下又不覺目眩神飛。身爲之顫。然爲生爲死。上帝主宰。甯豈人力所能強爭。雖心懾氣脅。亦有何濟。乃定決死之心。堅瞑兩目。突然釋手。身卽如彈丸下墮。一落千丈。不可稍阻。惟覺海風浪浪掠余身而過。而余之靈魂亦飄飄乎。莫知所底。此時忽有一物拍余首。風聲隆隆。飄飄不定。余身亦隨之而飛舞空際。余駭極。急啓目仰視。盖一大傘也。此傘專用於天空飛降時。似氣球。非氣球。似風船。非風船。孕風飛舞。且甚穩。忽來余首。誰實使之。誠奇異哉。余乃握其綱。隨風下墮。狂喜呼曰。得矣。得矣。無復慮矣。一時之愉悅。若已墮平地。得慶生存者。思此制作奇妙之大傘。若此荒島。豈有之乎。然今所乘者。甯自天外飛來。則非長岡氏之用意。周到必無此第二人物。不知長岡氏費幾許腦力。造此大傘。以爲危急萬分時之用。又不知長岡氏潛身何所得覩余之躍下塔頂。臨此九死一

大

魔

窟

生之危境而繫此蛇尾之綱。乘風之傘以拔我於危境。不爾浮寄孤懸。脚根無綫如轉蓬。猶能免於慘死。耶賴有長岡氏之機敏。獨絕活我。餘生爾時感謝長岡氏之心。如潮而起。惟不舉之於口。而默祝其萬歲耳。

余乘此大傘。彌覺穩定。乃張目審顧。覺此奇妙製作。恐物理家亦爲之咋舌。蓋其形畧似圓。而有無數之不等角稜稜顯現。所繫之線亦無定數。鼓孕海風。飛舞空際。飄飄乎如列子之御風而行。余至此不覺好奇之心。又蠢蠢活動。思此凌虛微步。亦生平一大快事。爾時在塔頂之所望者爲何人。余之所降下者爲何處。亦快然若忘而無所怖。

第二十六回 海面之活劇

余在大傘時。上有魔賊之耽耽。虎視下有水波接天之荒海。猶覺眉飛色舞。一似神仙之電車。風馬翩翩來下者。余之愚妄亦甚矣哉。未幾果聞魔賊輩。

嗒。嗒。嗒。擾聲殆詫余之逃下者其聲之怒鳴。雖狼。嗥。獅。吼。亦不是。過余聞後。嗒。然。

同時。忽聞有轟然聲。接續而來。彈丸下墮。紛紛然若雨雹。而硝煙炮火。直迷我目。余不禁驚呼曰。急矣。急矣。誰來解此大變者。乃縮首下視。見此傘雖急下墮。然距塔之屋簷。猶不下百餘尺。蒼蒼海水。奔騰眼底。且風漸自東而西。次第飛行於女王山之方向。然是處至彼島。約二三百海里。苟不及十分之一。則我與大傘。必隨海波以俱去。爾時魔賊所發之彈丸。早由余之身畔。飛越而過。而鎗聲亦頓然息。意彼魔賊。其肯縱我乎。殆以余漸降下。彼將自下塔頂。乘船追逐。以殲我於海中耳。噫。余運何塞而又入此危境乎。

余爾時有死志。無生望。乘大傘以隨風降下。覺眼下淒寂不可狀。距海面僅一二百尺。彼女王山之荒島。遙遙在望。勢不能即。然塔麓海岸已將盡。而魔

大

魔

窟

賊輩之黑面惡相。又突然現於海岸。一時恐怖。膽幾爲裂。忽聞隱隱有聲曰。武田君。武田君。若有人喚余者。噫。其殆慈悲長岡氏之聲乎。乃急俯瞰。見塔之麓處。有一勇敢機敏之長岡氏。徐徐出現於波濤噴射之石磯東畔。余欣欣然有喜色。將呼號以乞其來援也。而黑面魔賊。又於彼處海岸突然現。揮劍發鎗。狂聲怒鳴而來。距長岡氏不及二町之程。余又戚戚然爲長岡氏危思我死。則於事無損。長岡氏苟喪身。賊手不特雪。子無生還。而偵探界之明星。下隕從此黑暗矣。然長岡氏若無覩也。予于沿石磯行數十武。是處有一小江。江中泊有大小船二三艘。殆魔賊儲之以備用者。長岡氏早縱身躍登。其最小之舟。鼓槳急前。遙指余將墮落之海面。破風逐浪而來。然余距海面已不及數尺。而船猶相距數十尺。滅頂之凶。其不免乎。未幾。余與大傘果入海。余本擅泅水術。固無慮其溺斃者。然爲攀緣塔簷。全身力盡。足已疲。手已

出沒波濤。自知無能。竭力游泳。稍得前。幸長岡氏習於操舟之術。直向余處行而呼曰。武田君。速攀舷上。其無恐。余身在海中。上下幾不能自主。長岡氏急伸猿臂。捉余襟而上。顧余。晒曰。君其憊乎。爾時。余自幸得有長岡氏。得不致死。一時快慰。若失路孤兒。驟逢慈母。瞠目相顧。不能措一詞。乃取手中所握之蠻蛇及大傘。投擲海中。曰。謝若援我。然今已無用。隨波而去可也。長岡氏若無聞。默不語。余亦喘息安坐。

然長岡氏舟行一町長之海程時。魔賊等亦入小江。乘一大舟。而逐長岡氏之後。至余登舟時。鎗聲已隆然不止。回顧彼舟。八槳齊動。直逐余舟。嗚呼。以此一棹。甯敵彼之八棹乎。幸此舟小。而乘者止二人。彼舟大而乘者八九人。輕重相較。或不追及。然鎗聲益震。彈丸如雨而來。余乃呼曰。長岡氏。其不免乎。余與若其不免乎。忽立忽起。手揮足顫。船亦因之簸動左右。浪幾入。長岡

大

魔

窟

氏正色語余曰。速端坐。勿妄爲此騷擾。終使君安。然達彼女王山島。若苟懼彈丸之來。潛身船底可也。安用此叫囂爲。余乃復曰。余身雖隱。君身固猶在也。彈中君身。與中余身者同。余焉忍獨隱。而使君身爲之的。長岡氏厲色叱曰。碎。武田君。顧猶爲是曉曉而不從。余命乎。余操舟急渡。生死不可知。唯任運耳。君身不隱。又焉用之。萬一余爲彈丸所中。君其竟余志願。出雪子於魔塔。其他非君所知也。君其速潛。無遺厥愆。余不得已。潛身船底。見一彈丸。砰然掠長岡氏之帽簷而過。不禁急起曰。危哉。此彈長岡氏復怒視曰。令若潛何。又出爲速潛。余之生死。決諸運命。驚懼無益焉。若豈忘我言乎。余乃復潛。鎗聲益隆隆如雷震。窺覘四方。見女王山聳於前。黑面塔矗於後。而船猶在其適中處。然魔賊之船相距不遠。船首有四五魔賊。舉槍發彈。彈入海中。水波壁立。前彈甫過。後彈旋來。正驚愕間。忽一彈適中長岡氏握櫂之右腕。血

湧出不止。余乃顛聲呼曰：噫！痛哉！長岡氏欲立起裏其創。一彈又掠余耳而過。追舟益邇。彈益厲。噫！余輩其不免乎？

時正午後三四時。照曜海波之日光。忽至此薄暗。仰首望之。則非雲非霧。遙自隔海之方面而來。蓋女王山之退魔神像。又現空際。長岡氏亦忘其彈丸之創。而竊然自喜曰：得矣。得矣。吾其免矣。回顧魔賊。則鎗聲忽寂。爭棄鎗。停櫂。匍匐船底。合掌拜天。若相祈禱曰：大魔神赫赫在上。勿爲此無禮之舉。以遭神譴。故闕如哮虎之威武。至此而身伏如鼠矣。余不禁呼曰：幸爾迷信。俾余等得生魔賊。畢誤於魔矣。長岡氏目視余光甚銳。似怒余之妄語者。然鼓櫂猛進。全身之力。盡運於兩腕。蓋恐魔城輩之復來逼余者。然相距已過遠矣。卽頂禮魔神之後。仍蹴浪而來。則觸耳之鎗聲。洞貫之彈丸。當不復過余前。則空中魔影。不先不後而現於此時。余輩亦當感謝之。未幾舟已近島。然

魔賊之追舟。仍逐我後而來。距離已不遠矣。

舟甫至島。余卽一躍登岸。長岡氏繼余後。唯見皚皚白砂如積雪。平鋪海岸。岩石峭立。不敢逼視。島之與一森林在焉。鬱然青葱。若無途徑。余乃瞻顧四方。曰。若此絕島。當自何處行。長岡氏指森林處曰。向女王山之方面行耳。若無恐。隨余來。余乃處於後。步長岡氏塵。彳亍纘進。路亦不辨其險夷。至行二三町程時。黑面魔賊亦舍舟登陸。揮劍疾呼而來。余益急奔。蹴岩石。踐枯木。鷺叢鳥道。幾顛躓者數矣。至四五町程時。有一河阻其前。幅雖不廣。而流甚急。長岡氏疾如逾溝。一躍而過。余亦倣之。力不能及。墮水中。急緣岸上。然衣已濡濕。狼狽之狀不可言。而魔賊輩亦輕身若飛。相繼越河過。長岡氏回顧。見魔賊將薄余。乃急促曰。速進。速進。

第二十七回 無形之金城鐵壁

余行于走山道間。道益險。岩石突兀。幾損足趾。舉目一望。惟見山頂摩空。若隻手之擎天。羊腸坂道。峻峭無着足處。而魔賊怒吼聲。直似羣虎逐狼。愈逐愈近。長岡氏導余左行。則見黃乳樹叢雜矗立如帆檣。幹無旁枝。樹杪青葱。團團然若張蓋。余亦無心觀覽。隨長岡氏穿林過林盡。則已達山之中腹矣。

山腹頗平坦。無一草一木着其地。突見有一銅像。聳乎立其前。狀貌獯惡。目所未覩。其身幹頗魁偉。高約數十尺。見之令人悚然。噫。是非頃刻。長岡氏所言退魔之神像乎。銅爺王用以驅退諸幽靈者。余睜目審視。渾不覺諸魔賊之逐我後。是真所謂忘情者。

忽聞黃乳樹間。魔賊之咆哮聲。突觸於耳膜。余急發死聲呼曰。大偵探。大偵探。其速來援我。長岡氏前余十餘武。將達於魔像下。聞余呼救聲而迴顧曰。

大

魔

窟

速來。速來。其隨我母恐。未幾。長岡氏如猿升木。不幾武。已達至魔像之首。余仰望踟躕不敢上。長岡氏復促余曰。速隨我上。其母恐。不則魔賊至。將不利汝矣。余迫於魔賊。鼓勇攀魔像足。緣而上。至腹部。青苔溼滑。將下墜。急攀魔像肩。至達首部。而余力已疲。不能勝矣。

余觀此魔像。屹立地面。高三十餘尺。首戴王冠。冠頂頗平坦。大可容十餘人。余與長岡氏。逃至冠頂。無下墜慮。俯首下眺。見魔賊九人。已集於魔像之足處。面深墨若塗炭。形相之獍惡。恐聚世界人種。亦莫與倫比。然渠等苟亦如余輩之緣像上達。則性命終於不保。其奈之何。心頗戰兢。不自持。而魔賊一至是處。羣仰首失色。若恐怖。若奇訝。重足木立。忽置所携之鎗劍。合掌伏地。似相祈禱。余大奇之。乃向長岡氏言曰。異哉。魔賊之所爲。渠等既如電光石火之追馳而來。不薄我於險。而反伏地以爲祈禱。異哉。果何爲者。長岡氏嘿

然。余。又。曰。渠。輩。之。因。何。祈。禱。雖。不。可。知。然。不。敢。緣。魔。像。上。未。始。不。足。以。慰。余。輩。憂。長。岡。氏。乃。笑。而。問。曰。若。知。魔。賊。所。拜。者。爲。誰。乎。又。知。魔。賊。之。不。敢。上。逼。果。畏。余。輩。乎。余。曰。此。誠。未。必。渠。等。拜。余。果。有。何。益。此。中。當。有。不。可。思。議。之。迷。信。在。也。長。岡。氏。曰。余。輩。所。踐。踏。弗。恤。之。魔。像。正。渠。等。所。視。爲。巍巍。尊。敬。弗。敢。稍。衰。者。所。以。匍。匐。地。上。泥。首。如。搗。葱。雖。以。深。讐。大。仇。之。余。輩。臨。乎。其。上。終。不。敢。跨。像。而。薄。我。者。皆。畏。此。魔。像。之。威。靈。也。豈。畏。余。輩。哉。余。乃。領。首。笑。曰。天。下。往。往。有。同。一。物。而。時。爲。致。禍。之。原。因。時。爲。免。福。之。道。具。禍。福。無。門。誠。不。可。思。議。哉。此。女。王。山。一。有。此。退。魔。神。像。而。九。魔。賊。之。大。迷。信。由。此。而。起。雪。子。美。孃。由。此。而。奪。余。等。兩。人。亦。由。此。而。來。茲。地。球。極。端。之。窮。島。遭。遇。種。種。生。死。一。髮。之。危。境。皆。此。退。魔。神。像。爲。之。厲。階。也。今。臨。此。絕。境。而。卽。依。賴。此。神。像。以。安。余。身。事。機。之。變。幻。不。可。謂。非。奇。妙。矣。長。岡。氏。曰。誠。然。少。頃。魔。賊。之。祈。禱。畢。怒。曰。

犬

魔

窟

嚙。齒。躑。躅。像。下。頻。視。我。兩。人。若。深。恨。我。兩。人。之。高。踞。冠。頂。莫。我。如。何。者。長。岡。氏。親。此。粲。然。顧。余。曰。今。日。魔。賊。入。我。穀。中。矢。我。初。時。發。見。此。魔。像。早。預。爲。吾。輩。金。城。鐵。壁。之。安。樂。地。蓋。此。像。之。狀。貌。與。踰。躑。空。際。之。神。影。若。相。符。合。彼。魔。賊。之。敬。信。崇。拜。不。難。預。決。自。念。身。入。魔。窟。萬。一。不。敵。爲。彼。窘。迫。當。遁。入。此。島。攀。像。上。踞。以。免。一。時。之。危。急。今。何。幸。而。斯。言。果。中。乎。頃。離。黑。面。塔。時。彈。丸。飛。集。追。之。如。恐。不。力。及。既。踞。像。巔。與。魔。賊。相。距。之。程。僅。上。下。間。數。十。尺。耳。而。鐵。砲。之。聲。轉。絕。硝。烟。之。影。忽。滅。者。非。懼。我。也。懼。魔。像。也。彼。以。爲。對。此。而。用。武。是。大。不。敬。也。是。將。以。罪。譴。加。我。生。前。冥。誅。責。我。身。後。也。故。其。始。來。也。如。疾。風。迅。電。及。既。來。茲。則。惟。耽。耽。虎。視。莫。敢。誰。何。渺。爾。尺。寸。之。像。頂。金。城。鐵。壁。不。是。過。也。君。其。安。意。居。之。無。以。彼。爲。慮。彼。不。久。即。將。遁。余。聆。此。心。中。疑。懼。渙。然。冰。釋。竊。羨。長。岡。氏。之。思。患。豫。防。而。笑。魔。賊。之。愚。不。可。及。鼓。掌。笑。曰。妙。哉。此。金。城。鐵。

壁也。異哉。此無形之金城鐵壁也。彼擲躅不去者。殆將謂我輩踐踏神像。罪惡彌天神。而有靈。必加大罰不我恕也。流血下墜。轉瞬間耳。拙哉。此奴可笑哉。此奴乃復大聲語。魔賊曰。若見之否。盍來茲。長岡氏急制余曰。君勿爾。若輩果來。君其何以禦之。余乃嘿然不敢言。魔賊仰首凝眺良久。忽發怪聲如牛鳴。殆詈我者。乃唧唧嚙嚙。羣向故道而去。

第二十八回 樹上人

余袖手遠眺。覺四邊寂寂。悄無人聲。惟聞九魔賊之足音。漸移於黃乳樹林而不覺。余心始大慰。乃回語長岡氏曰。彼遁矣。無一人留於此。是誠金城鐵壁哉。然露居於此。亦非久計。曷不乘此時間。緣像而下。以求魔賊踪跡之所。在長岡氏悄然有所思。若不聞余言者。余促之再三。乃曰。勿爾勿爾。魔賊雖遁。亦不明其踪跡。率爾緣下。君將安之。况此島四圍冷落。闕無居氏。出處之

大

魔

窟

間不可不慎。君其稍安毋躁。勿再爲此輕舉妄動。以致噬臍。余快然曰。然則將如何而可。君宜早爲籌定。不然殆矣。長岡氏交腕屹立。笑而不答。余亦癡然木立。欲籌一出島之善法。顧未得而一日之經歷。浮現於目前。思我自海星丸上陸以來。止八九時耳。親歷之離離奇奇。恍如塵夢。我飛下塔頂時。又分身爲藻屑矣。賴有長岡氏之慈航。渡我上陸。而魔賊之追逐。仍接踵至。又賴此魔像。以爲我避秦之桃源。得不死於賊手。今魔賊已去。正可藉此出茲絕險。而長岡氏不以是爲汲汲。袖手安居。竟同樂土。似不得善後之策。不逕離此處者。萬一善後乏策。將一日二日。鬱鬱居此而不去乎。枯立像巔。四無居民。不果鵬鴉之腹。必爲溝壑之填。然距此一二町。非有高榦摩空。青蒼無際之森林乎。果實纍纍。足資數日糧。餓鄉之遊。或可免矣。余當息心靜氣。以待長岡氏之命。然余於是時。所最不堪耐者。渴耳。頃在塔室中。飲酒既甚。而

又加以援救雪子姬之騷動。塔頂下墜之險惡。魔賊追逐之危迫。奔走馳逐。趾無一息停。今幸亡命登此。飢火熊熊。益不可遏。蓋地當南洋之熱帶。午後四時。日光爛爛。斜照大地。光明炫耀。不可逼視。而魔像左近。陽光反射。紅於火焰。自遠望之。若項羽之屠咸陽。炎炎之光。直騰霄漢。居其際者。能無渴死。然始猶強爲忍耐。至愈忍耐而渴愈不可支。真有得之則生。不得則死之苦者。不得曰。引長岡氏之袖曰。君其救我乎。否則我咽將涸。不能發聲矣。時長岡氏苦心焦慮。不知其用心何在者。聞余言而徐徐答曰。余亦無術。足以解爾渴。願君忍耐之。曰。余忍耐已久矣。若再忍。則余必渴死。長岡氏曰。愚哉。武田。天下安有一日不得水而卽渴死者。余聞之。頗悵悵。謂長岡氏亦東人也。何不諒人而苛待若是。雖然。余不欲顯違長岡氏。而姑爲隱忍。放眼四顧。安得有纍纍之梅。使我一望而止渴乎。幸哉。天不死余也。見距魔像數十武。有

大

魔

窟

一道飛泉。如天空白練。逕直下垂者。乃鼓掌笑曰。美哉此泉。余請掬而飲之。長岡氏急止余曰。是泉含有鐵分。不可飲也。君其少待。請君勿作是想。余固爭之。不可得。乃憤然曰。余之肝腸。渴幾裂矣。見此清冽之泉。余情更不可遏。余決欲掬而飲之。鐵分之含否。不暇計也。願君勿復阻我。我誓欲一飲此泉。中毒隕命。亦所甘也。長岡氏知不可沮。乃曰。君必欲飲。余亦何敢絕阻。惟一掬已足。請勿多飲。飲畢。卽攀像而下。捷於援揉。來泉側。覺噴珠濺玉。清冽無比。急余不遠離也。語畢。卽攀像而下。捷於援揉。來泉側。覺噴珠濺玉。清冽無比。急掬手飲之。味酸且苦。不堪飲。長岡氏多含鐵分之言。信非誣也。然渴仍不可抑。惘惘而返。情又難堪。惟漠漠荒島。無物可以解渴。正躊躇間。見距此一町許。有一林。高矗天空。蔚然青茂。樹杪碧葉。團團如張蓋。果實纍纍。若林檎。然。是蓋魔賊追逐時所經之黃乳樹也。見之不啻彌瑕餘桃。仲子半李。旣接諸

目甯肯舍之。乃遙覘長岡氏。欲窺其顏色。以爲余決。則見長岡氏屹立冠頂。向余望。且麾余歸。曰不速歸。恐召禍。然余計必得而食之。乃已。四圍瞻顧。覓賊形影。竟然不見。於是遙語長岡氏曰。君稍待。余去此卽來。語畢。倉皇走出。惟聞長岡氏疾呼曰。勿爾。否則危矣。余且奔且走。若無聞者。不幾時。卽達林薄。則見樹無筍幹。端之碧葉團團如張蓋。余乃攀援而上。一一摘其果。藏諸囊。時喜不自勝。一摘再摘。若欲盡此林之果實而後快。雖在荒島。不以爲意。長岡氏警余之聲。直如充耳。未幾忽聞長岡氏呼曰。武田君其速來。武田君其速來。語音激急。似非常聞者。乃乘高四望。不覺血沸幾瀋。直逼胸臆而來。

第二十九回 深山之船

吁。危乎殆哉。一波未平。而一波又起矣。蓋黑面魔賊。暗明屬余。自彼麓疾驅而來。余覩此若獸遇獵犬。有不自知其殼棘者。思欲緣樹而下。暫避賊鋒。然

大

魔

窟

九魔賊已爭先入林。至余處。僅轉瞬間。緣下而適爲若輩所捕獲。似非計之得者。不得已。行下三四尺。擇其最高之枝。攀之疾上。然魔賊咆哮之聲。已喧傳樹下。眈眈環視。有必欲得余而甘心者。未幾。果有三四人緣幹而上。余急登最高之樹杪。取出手鎗。轟然一發。雖不命中。幸一聞鎗聲。紛然潰散。手鎗甫收。而羣賊又登幹上。上而復擊。擊而復散。而魔賊之心終不死。仍先後至。嗚呼。余之生命。其可恃一手鎗而無患乎。恐彈丸告罄。而魔賊終不可退。遙望長岡氏。見其木立冠上。愀然有思。殆籌救余計略者。余至此不覺銘感長岡氏之心。益勃發不可止。蓋先時余身自危塔下墜。幾墮荒海。賴有長岡氏出余絕險。俾不至爲海中藻屑。此恩此義。感佩莫名。彼之命令。在余初志。萬萬不敢稍背。不期渴之一境。相逼而來。遂至身墮霧中。曠曠失措。忘其訓命。拒其諫阻。貿然來茲。以陷於生死一髮之危境。果誰爲爲之而孰令使之乎。

人之遭遇困苦。或者可以委天任運。惟余之無端而來。招茲魔禍。夫亦何尤。諺曰。自作自受。非余而誰。然此時不幸之中。尙有大幸者。魔賊輩迷信過深。猶以此林距神像不遠。不敢發一鐵砲。不然。以一手鎗。敵九鐵砲。其何能免。是亦不可不謂幸福矣。余與魔賊相拒約半時許。余固不勝其煩。而彼亦莫可如何。暫少退息。團坐林間。有揮手相語者。有捫胸籌思者。有仰首矚余者。有高談雄辯。口角流沫者。側耳遠聽。不審絮絮作何語。未幾。一人忽拍手狂呼。卒然起立。餘亦皆隨之起。其間五人向麓下行。四人仍走近余處。環立四面。不迫余。亦不縱余。若惟防余之奔逃。而竚足以候同類之歸者。余至此益竦然栗起。不審彼又將以何術窘余者。乃回顧長岡氏。見渠愁眉雙鎖。塊然獨立。遙對余而歎曰。武田君事急矣。若之何。復俯首凝思。余亦莫知所措。時夕陽銜山。白雲冉冉。自女王山中腹飛渡而來。荒島寂寞。不可言喻。長岡氏

大

魔

窟

峭立魔像之冠頂。余踞坐樹杪。而四魔賊環而伺我。四圍寥寂。悄無人聲。越一時。忽聞有嘈雜之聲。起於山麓。長岡氏愕然遠聽。余亦傾耳聆之。覺語音囂然。足音蹙然。如行舟過灘。有多數繹夫。拖之而號呼者。又如山中運車。不辨道路之礚礚。而作顛簸之聲者。噫。嘻。異哉。此聲也。胡爲乎來哉。未幾。聲益近。急登樹杪望之。見先時同去之五魔賊。曳一小舟。徐徐由麓下而上。而此四魔賊。一見渠等之來。鼓掌歡呼。羣趨而前。以助其負者。不一刻。舟已至林。余自樹杪細審之。蓋此舟非他。卽余與長岡氏由黑面島乘之以來者也。余見此週身血皆冰冷。而訝魔賊之計之毒也。最可怪者。內有一魔賊。負一大鋸。逐諸魔賊之後而來。如將有大工作者。湏臾。舟已達余近處。而大鋸亦橫陳地上。噫。是何爲者。

余此時瞶瞶。不啻身墮五里霧中。而莫知所措者。羣魔賊。謹呼喜笑。且有仰

首瞻望。譁然失聲。以余爲嘲笑之地。余更爲之駭愕。惟恨蒼蒼者於生我時。何不予我兩翼。俾得破空飛去。卽有弋人。亦何足慕。正驚顧間。忽見羣魔賊。曳舟稍近。側伏地上。而負大鋸者。亦挾鋸偕來。蹲坐舟底。餘二人亦相繼入。羣魔賊之譁聲。益如雷動。而我之生命恐益危。未幾。果見執鋸者。向我所託足之樹根。用力鋸之。蓋欲斷此樹以捕獲余也。余此時爲巢幕之燕。身之下墜。不過轉瞬。欲拒以手鎗。則魔賊以舟蔽體。雖竭我彈丸。亦不足洞其胸腹。欲爲將伯之呼。則又以此慘澹之境。闕無居人。力竭聲嘶。有誰來援。卽彼長岡氏。亦以救援無計。愛莫能助。噫。身死魔賊之毒。手骨暴天南之窮。島事殆前定。余復何言。一念及此。生平意氣。墮落盡矣。乃躡坐樹杪。一任魔賊之所爲。一鋸再鋸。拉風摔雷。與魔賊跳叫之聲。若相唱和。未幾。鋸聲益厲。樹益岌岌動。俯眎地面。岩石峻嶒。無在不足碎。余軀爲微塵者。又無幾。樹漸傾。而剝

啄之音。連續不已。忽聞礮然一聲。如天地之反覆。如山岳之崩塌。而羣魔賊亦同時狂叫。譁然欲沸者。噫。樹其倒矣。余果何如。

幸哉。天之不余死也。余以呼吸垂盡之肉體。託諸樹杪。樹崩則肉糜。亦意中事耳。何期枝葉蔚茂。竟足爲余之茵席。俾余體不至與岩石接觸。而僅擦傷面頰者。又非余之初念所料及此乎。身既不死。乃猝然躍起。將欲爲脫樊之鬼。奈羣魔賊又接踵至。攔余首。且緊縛余身。余力爭之。不得脫。乃回顧長岡氏。正如雛鳥之被鷹擊。猶依戀其母鳥。而望其來援。此時情景。在事後始能道之。當時固不自知也。余見長岡氏覩余被縛狀。至不忍。忽而睜其目。握其拳。突然自魔像上緣之而下。渠殆將來解余縛者。余乃不禁顫聲呼曰。大探偵其無來。來則危。將同於余之被縛矣。願君安居無恐。善籌救余及雪子姬之計略。長岡氏其無來。此時長岡氏之得聞余言與否。皆不可知。惟見彼攀

大

魔

窟

像而下。而四五魔賊復追踪至彼處。長岡氏不遁匿。亦不抵抗。甘然束手。就其縛。羣魔賊挾之以來余旁。

余於此時心緒。轉轉如車輪。思長岡氏何所取而受茲束縛。然其怡然安受。諒非無因。特余之識淺。不能測度耳。長岡氏既來余傍。余見之。哽咽不能言。長岡氏亦僅以最微弱之音語。余曰。武田君前之失算。請勿復言。此後之手段。非常奇妙。余可訴君一聞之。余不審彼所謂奇妙之手段。是何手段者。然余於此時。亦卒卒無暇問其詳。

爾時。最志滿意。而得無上之快樂者。諸黑面之魔神耳。既得達獲余之目的。又不勞而獲長岡氏。魔王大敵。一時悉縛。正如射者之發一矢而得雙鵬。宜其笑容溢於黑面也。余與長岡氏。瞑目不語。任其彼此玩弄。宛轉地上。如蹴鞠。未幾有二三人。負一長樹枝。自森林中來。用以昇余與長岡氏者。秋獵

歸時將所得鹿豕諸獸。纍纍貫矛首以誇武力者。何余與長岡氏之不幸。而下儕諸鹿豕類乎。然魔賊固何所恤。悍然荷枝之兩端。昇我二人以出山麓。

第三十回 海底之牢獄

時余與長岡氏縮首斂足。不敢稍動。蓋以避岩壁之觸損也。然黑面魔賊且謹且走。如擔輕物。步履偏畸。時有所觸。痛楚不可言狀。數分時始盡。女王山之麓。而達於島岸。我等所泊之舟。已爲魔賊曳之上陸。惟見汪洋一片。荒磯濺沫耳。循岸行數十武。見有一大舟。空無一人。橫繫磯左。殆爲魔賊初時之追舟也。魔賊果陸續登舟。置我兩人於船底。魔賊遂力櫂。仍向黑面島而來。

余與長岡氏伏身船底。手足拘攣。不得稍動。渡海時之景況。微特讀我書者。未由懸揣。卽余兩人亦一無所見。惟聞水聲淙淙。與船舫相衝擊。後舟泊魔

塔下。魔賊復昇余兩人上岸。沿塔外壁行。歷間道。穿石門。始達一室。余啟目微窺。四壁峻嶒。皆石。中有一床。悄無人居。是卽雪子姬所奄奄臥。而我所乘醉爭鬥處也。惟床帳空存。佳人何在。苟不得其踪。余兩人其奈若何。雪子果乘機而逸乎。抑爲魔賊挾之以囚諸別室乎。一念及此。心不覺突突躍。然亦不敢言。

魔賊既昇。余兩人入室。闐聲忽起。有躡余足者。有撮余鼻者。有遠望不已。而又近玩者。有作一紙線。來伸入余之鼻孔者。種種惡戲。類於貓之捕鼠。不遽噬之。而先弄之也。長岡氏悄焉凝思。若不自覺。余則怒不可遏。念余輩何人能爲若輩之玩物。任其調弄者。不得已。唾其面。魔賊怒余之無禮。將舉拳掌余頰。長岡氏急呼余曰。愚哉武田。小不忍必亂大謀。是果何事。竟悻悻然不能暫忍耶。愚哉武田。余聞長岡氏之言。知渠必有深意存焉。頃以拒彼忠言。

致罹此禍。一之爲甚。其何敢再。乃赧然垂首。置諸不較。在魔賊怒猶未平。虐余不已。余憤火中燒。嚙齒不言。惟期此仇。恨得早日報復。爲所願耳。

魔賊輩戲弄既久。略有倦意。乃握余兩人襟領。曳之而行。長岡氏任其所之。不少抵抗。余亦默不一語。羣魔賊前引後督。擁之出室。經余所醉麥酒毀肖像之室。仍渡浮橋。大理石女神之像。屹立如故。復登石梯。一如頃達塔頂之逕。忽一扉閉然洞開。扉之內有一長廊數丈。狹不容二人並行。至長廊盡處。始稍廣焉。惟前與左右。皆圍以堅壁。若前途已盡者。前導之魔賊。至此忽審視壁間。三再至三。乃於橫壁微叩數下。忽有海風冷冷然。直撲余襟。砭人肌骨。是果何自而洩於此乎。正驚愕間。而足底之板。又岌岌搖動。砅然一聲。板忽下陷。余與長岡氏亦隨之俱陷。如一指掩目。頓不見眼前景狀者。闇黑之中。無可記載。惟覺入此陷扉。係一石階。魔賊仍挾余下。歷級而降。約計之不

下二百級。級盡處。冷氣逼人。陰森可怖。而黑闇更甚。有伸手不見五指者。知此處入地。已不淺矣。魔賊復曳余輩行十餘步。忽止。有一人自腰間出鑰。將啟其鎖。未幾。果有一石扉開。魔賊卽力推余輩入。余知非生地。急欲旋踵。而石扉已槩然闔矣。且下鎖矣。魔賊等復相譁相呼。仍由地底之間道以出。嗚呼已矣。余其爲陷阱之虎乎。余不死於塔頂之下。墜海磯之荒浪。而將死於地底之牢獄。中南天荒島。即死亦寧。有人知上帝實真。曠曠耳。使若輩魔賊得據此窟穴。以害生民。而驕其毒。餓是真不可問矣。時長岡氏悄無一言。而余聞魔賊足音已漸遠。屬垣之耳。可無慮矣。乃發微聲曰。長岡君安在！大偵探安在！長岡氏亦以低聲應余。且以手探余側。余爲之一大驚。長岡氏非與余同爲縲紲之人哉。何意曾不轉瞬而已爲自由之身乎。是果何術而得此。乃曰。不圖君已脫卻束縛。君誠大偵探哉。長岡氏低聲答曰。脫

大

魔

窟

之何難。旋爲余解除繩索。余乃大喜。拘攣已久。至此始釋。不啻人民久伏於專制政體之下。一旦而忽得自由。歡喜愉快。有不可勝言者。急起問長岡氏曰。是何所者。何闇黑乃爾。長岡氏答曰。吾所言之海底牢獄。君猶憶未。余復大驚。蓋海底牢獄。世界有名之第一恐怖境也。乃曰。是處卽爲海底牢獄乎。語音細而顫。長岡氏曰。然。在昔銅爺王所設之以處反對者。忠臣義士之懷讒負謗。葬身於此者。蓋已不可枚舉。幽闇愁苦。慘無天日。吾輩之被囚。正意中事耳。惟所立之處。下於地面且數百尺。石壁之外。漫漫蒼海。君其聞海波觸壁之音乎。余聞之。果然。覺此淙淙之聲。入諸耳膜。若罪人之聞宣告死刑者。愁情惡念。交并而來。思此牢獄距海水。僅一重石壁。壁間設有一堰。堰苟一開。海水卽泊泊而入。昔惡王所用之死囚人者。今我輩不幸陷身是間。微特所謀不果。且將逐忠臣義士之後。而永作波臣者。余之生命。危於風燭。

矣。

然死灰之中。猶有一二星火。未曾泯滅者。長岡氏之舉動也。當余被執時。長岡氏猝下魔像。同來就縛。去安全之處境。忍入此陰森之牢獄。是必有深意存乎其間。且向余言此後奇妙之手段。亦不審其奇妙何在。今又以吾輩被囚爲意中事。若預期其被捕者。綜其言行。雲譎波詭。諒非無因。惟余鈍根人。殊不識是中奧窔耳。乃往來腦際。凝思片時。長岡氏忽握余腕而問曰。君於余之舉動。曾思得其故否。余曰。未也。惟君於僕被執時。尙得安立魔像。徐籌援余及雪子之計略。今若是。是何爲者。君能爲我一剖之。長岡氏曰。請君勿疑。我於此固籌之審矣。此事遭際。大違初衷。千挫萬折。以至於此。此匪特君之咎也。殆亦運命使然耳。余於君之被捕時。雅願置身事外。徐圖補救。惟荒海孤島。遁將安之。不如同入牢獄。或者有一縷希望。咄嗟之間。此意立決。余

之束手就縛。正爲此耳。至此後計略。雖有端倪。惟成事與否。尙難豫測。不審蒼蒼者之眷顧。何如耳。語已俯首蹙眉。蓋惟恐其行之無效者。

余聆此言。不覺赧然汗顏。愧悔無地。念此事之千挫萬折。全余一人輕躁之過。卽幽囚牢獄。夫亦何尤。乃長岡氏爲余與雪子。姬二人不辭縲紲。不惜身命。同囚於奇暗之牢獄。其深情高義。寧止薄雲霄而已。感激之心。與悔恨之心。一時紛起。欲出一語以謝長岡氏。正不知若何措詞者。瞠然相視。嘿爾無一詞。

第三十一回 雪子其死乎

沈淪九淵。暗無天日。亦人世間之夜臺也。余與長岡氏相對無言。覺四圍岑寂。惟聞壁外波濤奔騰澎湃。與已肺葉之震震作響耳。正寥寂間。忽聞有人動作聲。長岡氏急奔赴聽之。余亦迴首而觀。若忘其爲暗室者。長岡氏忽銳

聲呼曰。武田君其快來。武田君其快携燈火來。余若夜半捕賊。暗中摸索。不辨其路之高低者。且奔且語曰。來矣來矣。燈火果在何處者。長岡氏曰。在余衣袋中。君探當得之。余至長岡氏身畔。急伸手。探渠衣袋中。果得一偵探所用之秘密燈。形正方。大不過二寸。發火自然。風水不滅。余得此大喜。急拈發火機。橐然一聲。火光迸發。奇暗之中。得此光亮。目幾爲之炫。光之所向。照徹一隅。見長岡氏緊抱一婦人。面色慘白。若垂死然者。噫。是果何人而死於此者。

余急就近諦視之。見鬢髮散若飛蓬。披垂肩左。雪白裡衣。略染泥塗。目暝唇白。而兩眉之間。尤蹙蹙如訴苦况者。余號呼之曰。嗟乎。雪子何至此哉。其身寂不一動。余乃撼動而呼曰。雪子愛孃。雪子愛孃。吾輩來此以援爾。爾其知之乎。力竭聲嘶。仍不一應。而其生平美麗之姿態。已如花遭風雨。無復有存

大

魔

窟

偶觸其頰冷若冰雪無復有蘇生望者至此乃不禁失聲哭曰哀哉雪子吾輩來此止爲卿耳卿何不幸而終死於魔賊之毒手使我二人之熱望付之浮漚天乎人乎哀哉雪子余輩不能早入此獄援卿生命皆余之過余負卿矣且哭且語涕泗交下不覺浪浪已滿襟袖矣長岡氏旋伸一手扣余肩曰甚哉武田君之愚也請君暫息哀明聽吾言於此海底牢獄發見雪子僕亦預計及此今幸如願以償不虛所望是殆天幸從此保護雪子出此魔塔安返本國自是急務何反齷齪然作此啜泣爲余乃言曰雪子一生如此結局美人薄命至斯極矣余焉得不悲語至此淚落如繩聲亦哽咽復曰長岡氏余與君茹辛含苦來此魔窟者無他援美人生命也今雪子曰死大事所望然坐視魔賊之戕賊同胞抑亦何忍誓當礪我牙摩我拳生捕此九魔賊食肉寢皮上以除世界之大熬次以復美人之深仇下以洩一己之私忿庶足

顯東洋男兒之手段。而余兩人亦不虛此一行。君其矐我言乎。長岡氏曰。余謂君愚。君誠愚也。語時。目光炯炯。周視石壁。若暗有計畫者。繼復迴視雪子之面。而正色告余曰。武田君殆謂雪子已死乎。其實固未死也。余轉爲之驚愕。曰。天下烏有生人。而肌膚冰冷。寂不一動者耶。君言實滋余惑。雪子果未死乎。長岡乃捉余手。置雪子胸前。曰。心臟之躍動。君其覺未。死人心臟。曾若是乎。余觀雪子面目。已不類生人姿態。長岡氏所語。或者不實。手試按之。躍不已。惟面色已慘白如死。而心臟又復生氣勃勃。是中原理實難索解。余垂首沈思。百不一當。久之。忽憶魔賊有所謂夢中生活者。雪子得毋墮此術乎。不則何至於此。乃以之問長岡氏。長岡氏曰。然。

夢中生活。一魔術名也。初時雪子被虜。侍女阿梅曾墮此術。化身如石。生不死。吾已具述於前。讀吾書者。當早審之。今雪子何不幸。亦墮身於此。然不

大

魔

窟

致殞生亦幸甚矣。時長岡氏乃語余曰。武田君。今二十世紀之世界中。尙有此大魔窟。魔賊得憑之以爲城社。施種種魔術。是豈恒人意計及此。夢中生。活。君固知之。可知雪子之奄奄一息。狀若陳尸者。特失感覺於麻醉劑耳。性命之虞。自可得免。不越數日。當復爲絕代佳人。君其屈指以驗余言。余大喜。過望。乃曰。得如君言。於願足矣。惟至蘇息後。恐姬姜顛顛。無復前此媚媚也。長岡氏笑曰。吾今乃知君之愛雪子者。非愛雪子也。愛雪子之媚媚耳。雖然。君亦勿慮。蘇息時不特姿色如故。卽氣體之壯健。亦不少減。余應曰。是固良佳。雖然。余兩人在斯牢獄。不啻斷頭臺下之囚徒。束手待斃焉耳。今幸於此。得見雪子。自必出此魔窟。始慶生全。惟四圍石壁。黑暗如漆。何由而得生路。君其籌及之乎。長岡氏深矐余言。猝然問曰。武田君。星冠之玉。猶在乎。余聞言形頗失措。急伸手入衣袋中。乃曰。險哉此玉。幸未失也。君試觀之。出寶玉。

以授長岡氏。長岡氏載諸掌上。瞠目審視。旋莞爾微笑曰。此玉不失。余輩其生還矣。又曰。雪子生命終可蘇息。今之奄奄垂斃。由若輩之魔術使然耳。魔賊以強健活潑之美人。而使之感覺不靈。形同槁木。其魔術之力。亦不可謂不猛矣。然能抵抗其力。使之失敗者。厥惟此星冠之玉。今幸完好如初。余輩不死矣。君其知之否乎。余曰。愧余腦力薄弱。懸揣何從。惟訝此玉之力。抑何猛烈若此。長岡氏曰。星冠之玉。余已屢言其價值之寶貴。甯止連城。諒君亦知之審矣。彼黑面賊。雖擅有種種不思議之魔力。而欲抵抗之者。舍此玉外。無他物矣。是誠不易得之寶也。余輩逸出魔窟時。小有戰鬥。余兩人敵之。有餘。固無藉此寶玉也。萬一。至。不。得。已。之。時。竟。與。魔。賊。肉。薄。血。戰。則。必。拋。擲。此。玉。以。抵。抗。之。勝。負。之。分。生。死。繫。焉。君。其。鄭。重。視。之。余。乃。撫。掌。稱。快。

第三十二回

大

魔

窟

余當時稱快。自今思之。何快之有。蓋余爲海底牢獄之囚徒。晝夜奇黑。陰森逼人。獄外又波浪漫天。噴珠濺沫。留則爲獄底冤魂。出則爲海中藻屑。逸出之事。良非易易。至今回首。猶覺駭目動心。則余之稱快。不過一時快耳。時面色蒼白。半生半死之雪子。忽生氣激復。倦眼微開。一見余與長岡氏。依依在側。嫣然若笑。未幾眼復閉。一切如故。態長岡氏顧余笑曰。雪子之麻醉。不甚重也。余乃以手加不額。冰冷如前時。不覺隻眉深鎖。恐不復生。然長岡氏之言。度不欺我。余因之有所疑。長岡氏若審余意之所在。乃復曰。雪子之麻醉。甚輕。我度不過三日。必可甦矣。蓋若輩魔術之力。因人而異。有三日而蘇者。有一旬以上而蘇者。其効力之異。突由軀幹之強弱。今雪子氣體既屬壯健。血液又頗純潔。三日後必可甦也。余注視雪子之顏。而徐徐言曰。三日而蘇之期。果可必乎。長岡氏曰。可必。可必。復注視余面而言曰。吾輩冒千險萬難。

入此魔窟。得覩雪子。殊出意外。雖慘白如死。而蘇息之期。亦正不遠。未始不爲天幸。然楚囚相對。不思逸出牢籠。遠彼弋人。甯豈善策。武田君於意云何。君於此事。雖經困苦。然智識上之利益。所增不少。度必有善策以處之。余聞之赧然變色。莫可置答。徒頷首耳。此時情景。可笑亦復可憐。若無長岡氏之智勇兼備。余其終老南天矣。

時長岡氏覩余狀。並不追詰。卒然起立。隻手抱雪子而言曰。然則余輩行乎。余愕然曰。行將何從。蓋此牢獄。四周皆堅且厚之石壁。雖極大砲彈。不能洞穿。兼之壁外怒濤噴薄。一片茫茫。非有天魔神鬼之手段。不能出牢獄一步。長岡氏有何能力而出此。然亦不敢問。恐長岡氏笑余智短也。長岡氏行二三武。取余手中之秘密燈。高擎仰矚。余亦隨其後。見是處石壁。純是黑色。角石所疊而成。形雖礮礪。頗堅固。歷數千年。曾不少壞。惟暗綠色之蘚苔。纖纖

滿壁耳。

余此時忽見諸黑石間。有一石橫約三尺。縱約四尺。色稍異。面較平滑。蘚苔亦較微。余指示長岡氏曰。君見此石之形色。有異於諸石乎。長岡氏曰。然是水門也。是亦黑面塔中奇異之一也。昔銅爺王所設以處死囚徒者也。王以積不相能之囚徒。投茲牢獄。乃使人浮海來壁外。開此水門。海水倒入。勢如瀑布。獄中囚徒。無有倖免。故此水門之斷送生人者。甯可枚舉。余益愕然。言曰。然則此水門。固萬不可開。一開則余等三人。必續諸囚徒之後而死矣。長岡氏曰。水門之不可開。固也。然魔賊先置雪子於此。後又投余兩人於此。則其居心。猶銅爺王之心也。安知不自外來。開此水門。俾余輩作波臣之事乎。余不覺身爲戰慄。乃曰。事固可慮。將何法以兔之。長岡氏悵然若有所思。久乃言曰。一至其時。海水迸入。勇者失其勇。智者失其智。任爾壯健。亦無倖免。

其必葬身水中斯已耳。語至此。復低聲語曰。求免之策有一焉。惟不審其有效否耳。請君爲我決之。余度獄囚之所以不免於水刑之慘者。因水門開時。海水噴薄而入。獄囚驚極。倒身床上。水自上部衝擊而下。勢何能遏。欲起則力不可支。欲避則天地踟躕。周章狼狽。末從呼籲。至水滿牢獄。而此身已作藻屑矣。若於海水初入時。妥擇位置。則水力雖猛。或可免其衝擊。君能計及此否。依僕思之。水門開時。海水涌入。然自高處飛下。勢必傾斜。而水門之下。必無衝擊之力。而門之高度。高於床者五尺餘。而畧等於吾身之長。海水初入。具有大海之壓力。與海水迸入之勢力。噴薄而下。逾於瀑布。吾等於此時。稍一躊躇。必奔避不及。而爲所掀倒。故宜預有成算。俾臨時不至顛越。君其記之勿忘。水門一開。吾輩即倚門下之石壁而立。則海水自頭上飛越而過。激損自可無慮。汨汨不絕。水面漸高。至高達水門時。而外來水勢。亦漸緩弱。

六

我等乃於此時上攀水門。潛爲游泳。以出此牢獄。不審此計。君謂何若。余拍掌笑曰。妙妙。君真有智囊哉。長岡氏曰。猶未盡其妙也。請君續聞之。乃復謂余曰。君之鼓掌而笑。殆謂余等逸出水門。而生命遽爾得保耶。不知憂正未艾也。水門之外。海水蒼蒼。而又有魔賊輩。伺於水門之左。洄水而出。殊非易事。況今日爲七月十四。正明月照海之時。幸而陰雲漠漠。月影模糊。或可逃魔賊之眼。萬一皓月當空。則必伏身水中。潛渡而出。無爲若輩所覺。而後可。大凡從此至黑面塔下之海岸時。約二三里。爲程尙不甚遠。如天之福。得登彼岸。當卽乘來時之渡船。連夜出海岸。以達於海星丸汽船之停泊處。若余等逸出時。不幸見覺。則亦惟鋌而走險耳。僕肩雪子以前行。而君爲殿焉。進退行止。惟余所命。顧君勿再蹈前此躁妄之覆轍。以敗乃公事。語未已。忽聞壁外之浪聲。淙淙中復有一片窸然之足音。以震鳴於獄底。

魔

窟

第三十三回 速戰速戰其無憚

余與長岡氏談論間。聞有足音。自水門左近處而來。余頓驚愕。幾於不知所措。而長岡氏側耳聽之。輕語余曰。來者必魔賊也。武田君趣來此以避之。遂抱此夢中生活之雪子。趨至水門之下。倚壁而立。余亦隨之立壁下。少頃。足音忽止。而水門搖動之音。復續續起。余此時心如懸旌。飄蕩不已。猶默祝海水之不予侵者。未幾。礮然一聲。海水噴涌。如百道飛泉。交迸下瀉。勢不可遏。又如黃河之水。來於天上。奔流倒海。而不復回者。其色則如白虹之下。飲獄底。其聲則如戰士之寶刀。摧折。鏗鏘。直向對面之石壁。衝擊而下。猛烈之狀。不可方物。余稍仰而觀之。則水綫通越頭上。類於玉橋半架。而余輩正伏身橋下者。未幾。獄內之水量漸增。始沒余脛。繼達余腹部。至後遂超余肩。而駸駸乎有滅頂之凶矣。幸衝入之勢。至此已弱。不復如前之一瀉難回者。

大

長岡氏與余。乃力自水底上浮。則見獄內水面。高等水門。然猶汨汨而入。如江河之水。朝宗於海者。長岡氏回顧余曰。願努力速出。不則殆矣。乃抱雪子於肩。泳出水門。余亦逆流潛渡。隨之而出。

魔

水門外卽海耳。怒濤噴薄。聲如萬馬之奔騰。潛行數十武。乃出首水面。見長岡氏前。余數尺。亦探首出水。所幸者。不辜長岡氏之希望耳。白雲滿天。海水無色。四圍漠漠。惟見海之彼處。烟焰飛騰。如大工場之烟囪者。即余輩頃演活劇之女王山也。巨浪滾滾。身爲浮沈。回顧黑面塔高摩天空。陰森可怖。塔麓之巖石上。隱隱有二三人影。往來不絕者。卽黑面之魔賊也。窺其舉止。若以爲余輩已作獄底冤魂。無復他慮。而烏知已儻然逸出者。吁。何其幸歟。距余數尺之長岡氏。默不一語。排浪而行。余亦努力逐其後。見有海岸隱隱。長岡氏招手示余。向余点首以應。然所見之海岸。猶是沿塔外廊之海岸也。

窟

距水門左近之魔賊。僅指顧間耳。若一敗露。則魔賊必來逐余輩。前此計畫。等諸水泡。良可虞也。乃私自祈禱。且泳且祝曰。慈善之上帝。其勿相惡人。俾瀕吾輩於死境。

斯時風聲雜入浪聲。砰砰訇訇。音回島岸。凄然可聽。若上帝應予祈禱者然。果也得避魔賊之視綫。而達於彼岸。上帝誠相余哉。心始釋然。默謝不已。及至岸傍。仰視島岸。高若城垣。其側石筍嶙嶙。尖銳無倫。彷彿劍樹刀山。萬難插足。長岡氏肩負雪子。如揉升木。不數分時。安然抵岸。抑何神勇。乃爾。余乃躡衣以上。攀巉岩。履蒙茸。探栖鶻之危巢。俯馮夷之幽宮。蓋距水面已數尺矣。然兩臂疼痛。殆不能支。此軀殼兩足。皸裂血痕。隱隱力竭氣喘。安得一息足處。以稍休憩乎。距岸已邇。半途中止。壯夫不爲此念一起。豪情頓發。奮身躍上。思欲一蹴而幾。烏知天下事。有非可強致者。有幾許材力。乃成幾許。

事業稍一躓等。立見覆敗。余足甫躍上。石角小且滑。偶失重心。而此身已如蘋果下墜。復入荒海。此時恐怖之心。突突亂躍。使我靈魂。幾離軀殼。讀我書者。至此必曰。武田子其死矣。

大
斯時倉皇失措中。若有明神詔余。促登海岸。不顧手之創痛。足之血注。仍若前之出死力以上攀。長岡氏懼余復顛。亦俯身挾余上。余乃得登岸。此時浮雲四散。明月在天。光照海面。漉漉金波。如百萬玉龍。海中戰鬥。銀鱗点点。隱現不定者。初魔賊輩聞余墮水聲。已譁然四起。視綫爭集。至此見余輩滿身涼月。高立海岸。乃益狂呼。聲幾爲沸。長岡氏見事敗露。急負雪子。沿塔外廊行。急於疾風。余亦隨之奔。經一小時而余疲極矣。稍一回顧。則見九魔賊。手執燃着之松枝。奔馳而來。熊熊燭天。明於白晝。長岡氏既負雪子。而余又疲勞已極。禍難之避。其道何由。未幾魔賊之聲益近。而松枝之火。光燭天閭。寒

冷之刃。銳若冰雪。其咆哮之聲。震響於寂寞之山谷。水濱而益厲。耳目所接。悽惻至不可狀。余乃呼曰。勢急矣。若之何。長岡氏曰。急行急行。無多慮。乃歷岩陰。踰險崖。至荒磯之邊。是處也。卽余與長岡氏由此上陸入塔。而爲幽靈門之海岸也。前此窺幽靈門。經隧道入魔塔。今幸自塔奔出。而復歸此處者。殆由天定使然。覺四圍絕壁。岩石之矗立。如丈八金剛。森然逼人。幽靈門之石碑。與異狀之穹廬。依然屹立。卽深無涯涘之水泉。亦幽咽聲吞。心爲惻惻。前之距今。僅數時間耳。而憂樂萬端。層出不已。人事洵難逆料哉。然在當時。固不計及此。惟冀或得生路。以免魔賊之追斯已耳。

余迫於魔賊之窮追。幾無倖免。放眼四顧。惟見磯邊有一小舟。滿載月光。浮沈蕩漾於銀鱗明滅之波濤中。得此若苦海之獲慈航。寧忍舍此弗顧者。急奔其前。欲奮身躍下。長岡氏忽自後來。急牽余裾曰。若欲乘此端舟乎。吾未

大

魔

窟

審若意之所在。余曰。無他。欲遁耳。長岡氏曰。愚哉此舉。君不見若輩之窮追。非有必得余輩之狀乎。若乘此而遁。寧不泳水而來覆余舟乎。余輩若復見捕。補救從此無術。而先後希望。亦永絕矣。愚哉此舉。余不願焉。余聞言。大辜所望。私計得此不遁。更有何術以濟其後。余乃問曰。然則果如何而可。長岡氏語未及答。而短刃明火之九魔賊。已突現於眼前。長岡氏乃決然大呼曰。武田氏其奮戰。無以生死置之懷。速戰速戰。其無憚。魔賊等揮刃直進。光晃晃如電。長岡氏負雪子。而前後左右。捷若飛鳥。以避其鋒。余亦急出玉鎗。振機不聲。頓悟。頃在女王山中。彈丸已發罄。無一存者。不得已。乃奮生平敵三十人之武力。擲擊一魔賊面。面破。鮮血迸射。負痛欲退。余躍起。蹴之倒。乃急奪其手中刃。以禦敵。

魔賊見余蹴倒一人。怒聲狂吼。捨長岡氏。爭來擊余。余左抵右抗。刃刃相擊。

厥聲鏗然。遠震岩谷。聞之悽絕。惟以一敵八。衆寡懸絕。身已負痛。力漸不能支。躍出戰線。冀得少憩。惟覺松火之明。爛天荒浪之聲。觸磯如戛玉。一輪皓月。高懸天中。情景之幽寂。真莫可彷彿者。乃向岩陰沿穹廬而奔。挺而走險。不辨高下。至幽靈門石碑左近。氣喘力竭。神經爲昏。忽聞一聲疾呼曰。後者危。趣留意。余始如夢初覺。知聲爲長岡氏之聲也。望後則有深無涯涘之泉。冷冷然處乎其後。隱然見一人影。映入泉面。仰首遠望。見泉之南。穹廬之頂。長岡氏在焉。右手抱雪子愛孃。以視余戰。余思孤高若此之穹廬。得容長岡氏。挿足。何神勇乃爾。遲疑間。而魔賊亦接踵至。於是振臂一呼。復與決鬥。深夜闌寂。惟聞白刃相交聲。與步履雜沓聲耳。再接再厲。未始不爲劇戰。奈此魔賊。蠻力不屈。正如羣狼逐羊。有得此而始甘心者。余正失抵抗力時。而長岡氏忽又自穹廬頂而呼曰。武田君。趣投星冠之玉。武田君。趣投星冠之玉。

其聲甚銳。直入余耳。余頓憶此玉有救援余輩之神力。而若此劇戰。不可不謂大奮鬥。是非使用此玉之時乎。時哉時哉。不可失矣。

余乃左手持刃以抗魔賊。右手取玉而默祝之曰。吾輩生命係於此矣。願顯此不思議之作用。以殲此羣魔。以除世界之大愆。以救余輩之危境。勿虛此一擲。俾喪余身。祝畢。乃向旁側大巖石盡力一擲。亦不聞玉之碎音。唯見所擲之處。白煙一縷。森然直上。而白煙之間。燦乎有千百星光。迸出亂飛。其光若紅綠之冠。絢爛眴目。往來浮沈。余爲之駭愕不已。惶惶有飛集余頂之恐。旋見羣魔賊若喪靈魂。握刃仆地。余亦漸覺眩暈昏然。倒臥不省人事。

第三十四回 海星丸之歸航

逾數日。余在昏夢中。聞隱然有呼余名者。余始微開倦眼。見余所睡處。非海上。端舟非地。中牢獄。乃汽船中之上等船室也。回憶月下海岸。揮及鏖戰時。

事依稀彷彿。恍若隔世。余方疑愕間。覺有一纖若柔荑之手指。撫摩余額。而低呼余名曰。武田君。若躬安未。語音柔婉。若生平所熟悉者。特一時不及記憶。睜目審視。其人非他。蓋卽生平相愛之雪子也。貌若櫻花之乍經風雨。嬌冶中含。有幾分憔悴者。依余枕畔。似甚憫余。見余啟目微笑。乃喜形於色曰。武田君。幸元氣已回復矣。不爾一暝不醒。長如石像。妾之肝腸。殆欲寸裂矣。余聞之大愕。自念身如石像。蓋由雪子感於魔術使然。何余亦墮此術中。彼雪子何時蘇息。乃抱持余躬。而爲余看護者。種種疑團。不能自釋。乃向雪子問曰。卿所謂一暝不醒。長如石像者。果僕乎。卿至何時得甦乎。是處爲汽船船室。果何船乎。來自何來。往自何往乎。余輩果以何時入此室處乎。距離魔窟。遠乎近乎。黑面之魔賊。擒乎縱乎。長岡氏何以不得一見。果何往乎。卿若不嫌煩瑣。請爲余一一釋之。雪子笑曰。是固非妾所能者。長岡大偵探。本欲

將此事首尾。述與君聽。惟君今正夢中生活初醒之時。雅不欲強聒君耳。擾君清慮。君其靜養無躁。此後自當了了。余曰。噫。僕乃爲夢中生活乎。俯首凝思。往事如塵。浮現胸際。覺自逸出魔塔之後。若何被追。若何惡戰。若何投玉。若何發光諸事。尙覺歷歷。後此諸境。力索不得。非健忘也。殆卽所謂夢中生。活者。其在此時間乎。

雪子見余沈思凝慮。乃笑曰。茲事誠不可思議哉。今距君投玉時。已八日矣。聞昇君入此船室之後。不生不死。終日昏昏。在夢中生活。血肉之軀。竟如大理石之假像。是誠不可思議哉。余曰。僕固如此。卿則何如。雪子曰。妾與君同方乘此汽船時。猶是塊然不靈之石像也。越三日。卽距今五日。始遽然蘇甦。前此諸事。渾無知覺。殆與君等。彼長岡氏不誠可笑乎。所與長岡氏同乘者。惟君與妾。外此則黑面之魔賊九人耳。無一不爲夢中生活。長岡氏周旋其

間如枯守青塚。惟見陳尸纍纍者。彼長岡氏頃往船底牢獄。以觀幽囚之九魔賊。此時殆將歸矣。余曰。船底亦有牢獄乎。雪子曰。非眞牢獄。特今九魔賊幽囚是處。故加以牢獄之名。語未畢。忽閉然一聲。船室之戶洞開。而長岡氏自外入矣。

余見之大喜。若獲異珍。呼曰。長岡氏其來乎。長岡氏見余甦醒。絕不驚喜。若意中事者。仍以沈着之顏詰余曰。武田君。今自夢中生活醒矣。兩腰左近。得毋有堅如大理石之存留。而尙未回復者乎。余乃扣腰答曰。無之。余已回復如故矣。

余與長岡氏及雪子姬三人。入彼魔窟。危境迭遭。自分幾無生理。今雪子得救。無事生還。而夢中生活之余。亦得蘇息。安全無事。環坐船室。一時之愉快。何堪殫述。時長岡氏徐吸雪茄。謂余曰。僕與君以救援美人。深入魔塔。歷盡

大

魔

窟

艱辛。得以戰勝魔賊。使幽靈門之石碑。足爲吾輩莫大之功者。星冠之玉耳。此玉具有不思議之實力。而爲當世理化學社會所未知者。僕早與君言之。諒君亦知之審矣。方君與魔賊鏖戰海岸時。以一刃敵衆刃。勝敗之機。間不容髮。非利用此玉。萬難制勝。僕乃自穹廬頂上。趣君投玉。君果悉力投擲。玉碎如微塵。其間白氣一縷。陡然直上。陰森可怖。此在庸俗者。必謂之魔術。其實非魔術也。亦天地間不思議之化學作用耳。一切生物。觸此氣者。無不麻醉。麻醉之人。惟見亂星飛流。紅綠光輝。閃爍眩目。是爲神經痲痺之證據。君與魔賊。爲氣所醉。握刃倒臥。以入於夢中生活。幸余矗立穹廬。得避此氣。移時始下。先縛此九魔賊。奔至磯邊。端舟猶在。乃將君與雪子及魔賊。先後載之舟中。以渡荒海。時明月已斜。海上沈寂。舟中纍纍。若尸橫陳。歸港時。月垂墮地。幸海星丸汽船猶泊是處。乃以九魔賊幽囚船底。余三人入此室處。天

甫辨色。汽船卽離黑面島之港。以歸航日本。越三日而雪子醒矣。往日塔中所視若石像之身。今復爲端莊明媚之美人矣。至今日而君又醒矣。余輩目的業已得達。而三人之中。仍得聚首一室。生還故國。亦吾輩一大快事。今距黑面魔塔爲程已遠。橫濱之港。指日可達。卽若輩魔賊。悉已蘇甦。縛手背後。無能稍動。幽囚船底。不亞牢獄。頃往觀之。了無恐怖。徒覺面目黧黑。瘴醜無倫耳。此皆君所未之知耳。君其樂聞之乎。

余乃矍然起立曰。以若此之變幻。不可思議。人所難得諸聞見者。今何幸備歷諸吾輩。世界雖廣。度奇絕怪絕之事。鮮有出此右者。蓋此非余之謬言。吾人聞聞見見。不爲不多。若此詭譎。殊出意料。且自黑面島上陸。而入塔。而出塔。爲時僅一日耳。而奇雲詭雨。疊出不已。如觀幻燈。離奇恍惚。轉瞬卽變。夢中生活以後。回憶夢中生活以前諸事。塵塵若越幾千幾萬年者。惟余在夢

大

魔

窟

中生活時。現何形象。曾不聞長岡氏道及者。乃問長岡氏曰。余在夢中生活未醒時。不審是何姿態。其亦爲雪子之大理石像乎。長岡氏啞然笑曰。君之姿態。遠不若雪子也甚矣。蓋雪子雖屬麻醉。而秀眉慧眼。恍若天女神像。若君則面色蒼白。直如羅刹國之夜叉。白日掩臥耳。余曰。君猶得暇爲以謔語以傷人。君真山羔善罵矣。旋又語曰。余本好奇。今探茲奇境。得以生歸東瀛者。長岡大偵探之力也。惟九魔賊既被捕。幽囚船底。君盍偕余一往。俾細瞻魔賊之顏。以遂余嗜奇之素願。長岡氏起立曰。可。遂邀雪子同往。雪子辭曰。妾以魔賊故。陷身魔窟。屢瀕危境。至今思之。不寒而慄。又何忍偕往以觀。君其往矣。妾當於此坐候。長岡氏曰。既如是。亦不敢過強。卿行。惟枯坐於此。不如出登甲板。以待。強爲暢適。雪子首肯。余乃隨長岡氏出船室。或升或降。以達船底之室。見此室雖不甚大。然光綫所入。尙得辨別。較勝地中牢獄。奚翅

倍蕤。猛惡魔賊。手足皆縛。彼此呼號。如笠中豚豕之野性未馴者。聞余二人足音。爭側首凝眺。余亦凝神諦視。見彼黑色之鐵假面。已盡除去。而顏色醜惡。狀不類人。大似猿猴類中之猩猩拂拂者。若茲奇醜。恐達爾文先生之人種進化論中。以之爲原人時代之代表品。庶幾近之。余乃謂長岡氏曰。此輩醜類。殆無倫比。恐今世紀中。雖黑奴紅種。勝於若輩多多矣。一至日本。可置之上野動物園。或淺草公花園中。以爲陳設品。俾人資之以爲研究人種者之一助。常岡氏曰。顧君勿復言此。六合之內。萬彙羅陳。可爲陳設品以供人研究者。何啻千萬。從未聞有以人類爲陳設品者。若由國際刑法上言之。則不論何國。裁判若輩。當處以終身禁錮之刑。鐵鎖琅璫。永囚獄底。不使復覩天日。以擾亂世界之治安。是謂正當之裁判。余俯首不敢置辯。

巡視既畢。復登舷梯出甲板。美人雪子。凭船首之甲板以待。臨風綽約。飄飄

大

乎如洛妃丰韻。可望而不可即。余與長岡氏履音橐橐。臨乎其前。此時船中諸人。無不知余輩有此奇遇。於是船長以下。若機器手。若水夫。若乘客。一時麴集。爭叩此事之顛末。余與長岡氏應接不暇。無從遍訴。乃約他日將此事顛末。遍成小說。以公於世。今是編之發行。正以踐前約耳。

魔

是時風清日朗。海波恬靜。而汽船海星丸。得以十分之速度。排水前行。惟聞舳舻水聲。汨汨不絕。湏臾而船沿日本海岸矣。又湏臾而入東京海灣矣。觀音崎之砲臺。翼然臨乎其前矣。本牧之帆船。猝然接諸目矣。又湏臾而鐘鳴鏗然。船已泊於橫濱之埠矣。遠蹈魔窟。生歸故國。上天相我之功。又何可沒。回顧南天。波濤浩淼。唯見白雲片片。飛渡海天。後之探險家有入此島者。則登黑面塔。以遙望女王山。亦當嘖嘖道及余輩故事。永以爲鴻爪之留也。

窟

大魔窟終

欽命二品頂戴江南分巡蘇松太兵備道袁 爲

給示諭禁事 據職商孟芝熙稟稱竊職等以輸灌文明開通風氣推小說爲最要糾合同志集有成款擇歐美小說中之新奇而宗旨正大者繙譯成書增進國民智識以輔教育之不及租定上海棋盤街房屋定名小說林陸續付印平價出售誠恐書賈射利翻印或有填字句改換名目希圖朦混嗣後凡本社印行不准他人翻刻除另稟

商務局憲外稟求准予立案出示嚴禁翻印並請札飭縣解一體示禁並照會

租界領事總領事立案以重板權並具切結聲明所著雙鸞記美人妝福爾摩斯再生一案福爾摩斯再生二三案等書委係自行編緝並無翻印情弊如有朦混願甘罰辦等情各到道據此除批示分行縣解一體立案外合行給示諭禁爲此口書賈人等一體知悉毋得將小說林陸續所印各書翻刻漁利如敢故違一經查出定行究罰不貸其各遵遵切切特示

光緒三十一年三月十一日

● 謹告小說林社創設宏文館之趣意

廣

本社以裨官野史之記載寓誘智革俗之深心發行各種小說荷蒙海內同志信用風行開業以來日臻隆盛本年八月紀念二週年成立特別廉賣適奉 明詔預備立憲以促國民程度之進步同人咸謂非印行於家庭社會國家深有裨益之書殊未盡一分子之責任爰再擴充資本添招股份創設宏文館編輯教師學生需用各科學參攷專門各書以爲學界蠶勺之助想亦熱心諸君所心許而樂贊成者也

告

●歷史小說

(誌已往之事迹作未來之模型見智見仁是在讀者)

孽海花一編

五角

海天嘯傳奇

二角

孽海花二編

五角

風洞山傳奇

四角

女英雄彈詞

(絕版)

身毒叛亂記上中卷

各四角

俠奴血

四角

●地理小說

(北亞荒寒南非沙漠廣輿所略爲廣見聞)

秘密使者上下卷

各四角

●科學小說

(啓智秘鑰闡理玄燈)

秘密海島上中下卷

各四角半

黑行星

一角半

告

廣

廣

●軍事小說

(尙武精神愛國汗血觀陸海戰史奕然有生氣)

新舞臺一

四角半

軍役奇談 (絕版)

新舞臺二

四角

●偵探小說

(變形易相偵察鉤稽爲小說界新輸入者)

福爾摩斯再生第一至五案

合本

四角半

福爾摩斯再生第六至十案

合本

四角

告

(本分)

第一案

二角

第六七八案

二角半

第二三案

二角

(本分) 第九十案

二角

第四五案

二角

狸奴角

二角半

小說林廣告

廣

告

- | | | | |
|---------|-----|--------------|-----|
| 纖手秘密 | 三角 | 日本劍上下卷 | 各三角 |
| 秘密隧道上卷 | 三角 | 福爾摩斯偵探第一案 | 三角 |
| 秘密隧道下卷 | 三角半 | 福爾摩斯偵探案(深淺印) | 二角半 |
| 銀行之賊 | 三角 | 玉蟲緣 | 三角 |
| 一封書上卷 | 三角 | 馬丁休脫偵探案之一二三 | 二角半 |
| 一封書下卷 | 三角半 | 馬丁休脫偵探案之四五六七 | 三角 |
| 鞦韆杯上中下卷 | 各三角 | 馬丁休脫偵探案之八至十一 | 三角 |
| 奇獄一 | 二角 | 彼得警長上中下卷 | 各三角 |
| 母夜叉 | 四角 | 女首領上下卷 | 各三角 |
| 眩篋術 | 二角 | 一捻紅 | 五角 |

◎言情小說 (疾風勁草滄海巫山世態寫真人心活劇)

影之花上卷

四角半

女魔力中卷

三角半

影之花中卷

五角半

女魔力下卷

三角

愛河潮(全部)

一元

雙艷記

三角半

銀山女王上中卷

各四角

離恨天上卷

三角

新戀情上中卷

各三角

離恨天下卷

三角

萬里鴛上卷

四角

妬之花

四角

萬里鴛中卷

四角

美人妝

二角

萬里鴛下卷

四角

車中美人

二角半

女魔力上卷

四角

情海劫上卷

四角

告

廣

小說林廣告

五

廣

●國民小說(三色之旗獨立之門洛鐘其應是在銅山之崩)

無名之英雄上卷 四角

無名之英雄下卷 四角

無名之英雄中卷 四角

蘇格蘭獨立記卷一 四角

●家庭小說(家庭教育首重幼稚盧叟栢氏咸以小說著名教育界)

小公子(上下卷) 各三角

鴻巢記 三角半

●社會小說(有種種現象成色色世界具大魔力超無上乘)

俠女奴 三角

啞旅行下卷 四角

啞旅行上卷 三角半

●冒險小說(偉大國民冒險精神魯敏孫賊倂朴頓歟雁行鼎足)

海外天(版權歸本社) 四角

●滑稽小說(曼倩淳子著名昔史談諧談笑繼武後塵)

新法螺 三角

大除夕 三角

廣

告

● 謹告最新發行（小本小說）之趣旨

本社編著小說荷蒙大雅不棄風行一時事迹之離奇筆墨之簡潔久爲識者推許但舟車攜帶時有以不便忠告本社者爰擇若干種仿叢刊之例都爲十集每集八種訂成洋裝精本袖珍小冊大小一律以供諸君酒後茶餘公暇課罷作一消遣法殆亦海內社會所歡迎焉

第一集

◎第一種

孤兒記

◎第六種

◎第二種

紅泥記

◎第七種

◎第三種

黃鑽石

◎第八種

◎第四種

錢塘獄

◎第五種

霧中案

小說林廣告

小說林廣告

● 付印預告

紅泥記

大魔窟

少年偵探

蘇格蘭獨立記卷一

黃金世界

新紀元

空中之刀

奇獄二

福爾摩斯偵探案（黃金骨）

情海劫下卷

新戀情下卷

海屋簷


霧中案

鏡中人

燈中燈

三姪花

丙午年八月初
同年同月發行



編輯者

小說林總編譯所

印刷者

上海派克路福海里
小說林活版部

發行者

上海棋盤街中市
小說林總發行所

分售者

各省書局

定價洋四角

.57